

6.567

CASSIODORII
SENATORIS
COMPLEXIONES
IN EPISTOLAS
ET ACTA APOSTOLORUM
ET APOCALYPSIN

E vetustissimis Canonorum Veronensium
membranis nunc primò erutæ.

*Testificantur in terra & in mysteria, aqua
& sanguis, & spiritus; & in passionibus Domini
leguntur impleta: in caelo autem Pater,
& Filius, & Spiritus Sanctus:
& hi tres unus est Deus.
Cass. in Ep. 1. Joh.*



FLORENTIÆ . MDCCXXI.

EX TYPOGRAPHIA IOSEPHI MANNI.
Superiorum Permissu.

4. 6. 56 1/2

R E G I Æ
 CELSITUDINI
 IOANNIS
 GASTONIS
 MAGNI ETRURIÆ
 PRINCIPIS

SCIPIO MAFFEIUS.



HÆSITANTI mihi,
 præstantissimum hoc
 tanti Scriptoris monu-
 mentum emitteremne
 modo, ut acriter po-
 scebatur, an in aliud
 tempus, quemadmodum constitueram, dif-
 ferrem, ea cogitatio sollicitudinem, du-
 bita-

bitationemque abstulit statim, ac rescidit
 omnem, cum succurrit, posse me ex ma-
 turata eius editione occasionem arripere,
 obsequentissimum & multis nominibus, SE-
 RENISSIME PRINCEPS, tibi de vincitum
 animum publice profitendi. Is scilicet
 me, postquam in hac Metropoli feli-
 citer commoror, humanitatis, & cle-
 mentiae vinculis obstrinxisti, ut nihil
 impensius exquirerem, nihil exoptarem
 vehementius, quam officii mei testimo-
 nium quoddam, cultusque singularis non
 minimum argumentum quomodocumque
 exhibere. Illud ad hoc accedit, quod præ-
 mium maximum, decusque inusitatum ma-
 nere probe sciam quascumque sub faustissi-
 mis auspiciis tuis prodituras lucubratio-
 nes; nimirum procul dubio fore, ut a te le-
 gantur, intime intelligantur, & mira,
 qua

qua polles , ingenii vi non minus acute ,
 quam vere , & apte diiudicentur . Idem
 obtingit libris fere singulis , qui in ma-
 nus deveniant tuas ; horas enim aliquot
 sæpiſſime legendo tranſigis , quod volu-
 ptatis atque oblectamenti genus quotuſ-
 quiſque eſt hac ætate noſtra inter pri-
 vata etiam ſortis proceres , qui probet ,
 qui intelligat , qui amplectatur ? Ne-
 mo certe fuit inter omnes celebratiſſi-
 ma illa , ac prorsus ſingulari humani-
 tate quandocumque a te in colloquium
 admiſſos , qui mentis acumen , ingenii-
 que elegantiam non admiraretur ſum-
 mopere ; & ſummis laudibus non pro-
 ſequeretur . Externi etiam homines ;
 & e valde diſſitis a nobis regioni-
 bus huc proſecti , variis eorum linguis
 ita paſſim a te interpellari ſolent , ut

non verba tantum , proprietatemque
 dictionis , sed ipsam gentis suæ , pa-
 triarumque civitatum enuntiationem ,
 & nativum sonum audire sibi vide-
 antur . Decent hæc quidem omnia ,
 decent quammaxime Etruria imperatu-
 rum ; omni ævo scilicet studiis , &
 artibus non fortis tantum , ut olim il-
 le , sed docta quoque Etruria crevit :
 cuius spectatissimæ Provinciæ ex incli-
 ta hac Urbe rationem habere , & ar-
 gumentum sumere liceat : nam ut vete-
 ra , & toties decantata sileantur , pau-
 cissimas profecto his ipsis temporibus ci-
 vitates , seu prestantissimi in re literaria
 viri , seu scientiarum adiumenta , pri-
 scorumque monumentorum cura specten-
 tur ,

tur, Florentiæ comparandas deprehendere est. Plurimis ea quidem titulis felix; at nullo magis, quam quod iis Principibus regatur, qui paterno potius imperio utentes quam regio, sic alunt, ac fovent, ut cum perquam multæ in hac iniquitate temporum Italiæ civitates minuantur sensim, & populi frequentia decrescant, augeatur ipsa in dies, & feliciter efflorescat. Ego vero, PRINCEPS SERENISSIME, qui ab aliquot iam mensibus incredibili quadam cum voluptate hoc cœlo fruor, huiusque propterea publicæ felicitatis sum particeps; etiamsi dum præclarum hoc, & hætenus frustra perquisitum opus tibi sisto, non tam munus exhibere, quam officio satisfacere optime intelligam, spero tamen fore, ut hilari, ac beni-

VIII

gna fronte , quæ tua lenitas est , &
clementia , a te excipiar , atque ut stu-
diis meis fautorem aliquando , adiuto-
remque te præstes .





A D D O C T U M
HUMANUMQUE
LECTOREM.



UR præstantissimum,
hoc opusculum multo
ante, & ubi primum
in illud incidi, non
ediderim; cur modo,
postquam in longe
diffitis studiis versor,
repente emittam; unde habuerim;
qua occasione tum istum, tum alios
plures maximi pretii codices repe-
rerim, ac detexerim, monendus,
do.

docendusque es amice Lector . Oſto
 fere elapſi iam anni ſunt ab Eccle-
 ſiaſtica antiquitatis theſauro in ipſa
 Patria mea per me invento , atque ef-
 foſſo , quo ſacras literas , eruditionem-
 que univerſam , Dei Optimi Maximi
 ope & auxilio , amplificaturum ali-
 quando me , ac iuvaturum ſpero . In-
 veſtigandi , detegendique occaſio fu-
 it huiusmodi . Sermonem habueram ,
 cum amicis non ſemel de Itinerariis
 Italicis , ſive de libellis iis , quæ in
 unaquaque civitate rariora , & obſer-
 vatione magis digna habeantur , recen-
 ſentibus , quibus inſtrui , & ſumma fi-
 de adhibita uti ſolent , quicumque fe-
 re ab externis Provinciis ad Italiam ,
 peragrandam ſe conferunt . Oſtende-
 bam , quantum in eo ſcriptionis gene-
 re non imi tantummodo ſubſellii ho-
 mines , ſequæ ut plurimum exſcribentes
 invicem , ſed ipſi quandoque peccaſ-
 ſent ſummi & literati viri ; vel diver-
 ſam admodum a vero rerum ſpeciem
 exhibentes , vel putantes , poſſe quem-
 quam

quam diebus paucis in urbe aliqua
 subsistentem, quorumcumque, quæ no-
 tatione digna in ea sunt, notitiam asse-
 qui. De Verona præsertim nostra cum
 verba facerent, cum hallucinatos es-
 se declarabam non uno loco, tum
 multa ab iis prætermissa memorabam,
 quæ in primis describenda erant, &
 celebranda: ut enim eorum quidpiam
 attingam, quæ maiori studio ab istis
 explorari solent, nemo unus Comitum
 Bivilaquarum cimelia, aureo xvi se-
 culo collecta, & præclare collocata,
 ac disposita nominavit umquam; eti-
 amsi inter illa, præter eximias pictas
 tabulas, æreas imagines, Mss. codices,
 & excusos, quod in his rebus primas
 tenet, L circiter vetusta e marmore si-
 mulacra numerentur, Augustorumque
 tam certæ ac præstantes protomæ, ut
 Romæ quoque, nedum Veronæ, spe-
 ctanda, & magnificianda supellex ha-
 beri possint. Addebam tamen, non
 tam in his omnibus viaticorum huius-
 modi largitores, externos fere omnes,
 cul:

culpandos esse , quam incuriam nostram , desidiam , dicamne ? inscitiam , etiam quandoque nostrorum hominum , ac stuporem ; quorum plurimi cum præclariora quæque , ad rerum præsertim , ac temporum notitiam spectantia , aut ignorent , aut rideant ; ut quæ præ manibus habemus innotescant , ab extremis finibus veniant necesse esse , qui perquirant , qui illustrent . Arrepta hinc occasione iuvenes aliqui summo ingenio , qui multa mecum erant familiaritate coniuncti , instare acrius ceperunt , ut quod Veronam spectaret , libellum adornare ne pigeret , quo singula memoratu digna cum in hospitum , tum etiam in civium commodum recensere niterer , atque explicare . Iis obsequi cupiens , opusculum aggredi minime distuli . Dum id molior , cum quidquid etiam manuscriptorum codicum , veterumque documentorum præstantius , ac rarius apud nos servaretur , indicare mihi constitutum esset , Capitularium librorum mentio subiit , quæ

quæ apud plures Scriptores mihi aliquando occurrerat : & quamvis una in civitate vox omnium esset, a maioribus etiam tradita, nihil omnino ex antiquissima ea Bibliotheca reliquum esse, accessi tamen ad Canonica Ecclesiæ primariæ claustra, ut locum, quod olim fuerat, lustrarem, & an veteres saltem plutei superessent, inspicerem. Frustra perquirens, accepi a prudentibus viris pluribus, de loco nihil constare, pluteorum neque hac ætate, neque patrum memoria visum quicquam, vel auditum esse. Necdum tamen a proposito destiti; cum enim cogitarem, non Guarini ævo tantum, qui ex ea S. Zenonis Sermones eruerat, & Ambrosii Camaldulensis, qui *celeberrimam* vocat in Hodœporico, *miraque vetustatis volumina* in ea spectavit, Bibliothecam stetisse; sed & Panvinii ætate: magna eius *extasse vestigia*, & S. Caroli quoque, quem celebrat Pau-

Paulus Manutius in nuncupatoria Epistola, quod S. Cyprianum restitui curasset, *accerfio Verona miræ vetustatis exemplari*; incredibile mihi videbatur, nullas ab eo tempore exuvias nobis superesse. Quamobrem cum inter præstantiores ipsos Canonicos patriæ historiæ notitia, & antiquitatis amore, Carolus Carinellius excelleret, illum adiens, in quem etiam tabularii cura tunc ex officio incumbibat, enixe obtestatus sum, ut arcas, scrinia, forulos scrutaretur omnes, exploraretque, an eorum codicum reliquiæ haberentur ullæ, quorum vel pulvis ipse mihi in pretio esset. Apprime is tum erudito sui ipsius genio impulsus, tum amore singulari, quo me pro humanitate, qua præstat, perpetuo prosequutus est, hanc indaginem instituit: postque paucos dies advenit hilari vultu, quiddam repertum iri asserens sperare se in latibulo, quod excuti ab ambobus simul cupiebat. Properavi confestim ad Capitulares ædes,

ip-

ipsumque in subobscurum cubiculum
 sequutus sum , in quo præaltum mihi
 armarium ostendit, Cancellarii scriptis
 refertum, supra cuius fastigium nescio
 quid veterum chartarum, & lignea
 quædam librorum integumenta, in
 περιφημαίων speciem illuc olim conie-
 cta, apparere videbantur. Scala sta-
 tim arcessita, & applicata, moræ im-
 patiens ascendo; eiusque repositorii
 summitatem nulla tabula terminatam
 deprehendo, sed detectam; & cavam,
 ita ut velut ampla ibi capsula efficeretur.
 Acervo quisquiliarum, & fragminum,
 qui superstabat, reiecto, cavum omne
 codicibus plenum video, mirantibus,
 puto, insuetam, & quam ab immemo-
 rabili temporis spatio non aspexerant,
 diurnam lucem. Quosnam vero codi-
 ces, Deus immortalis! primus quem
 arripui, nigrumque, & secularem, quo
 obruebatur, pulverem nihil morans,
 extraxi, maiori Romana litera, & qui-
 dem magnifice, atque adamussim effi-
 giata fulgebat: secundus celeri ea scri-
 ptura

ptura constabat , quam literaria omnis Respublica modo Gothicam , modo Saxoniam , modo Longobardicam appellat , & putat usque in hanc diem , Francogallicam item quandoque , viro maximo P. Mabillonio novitatem nominis concipiente ; ego vero mere Romanam invictis , ni fallor , & ineluctabilibus argumentis ostendam aliquando , atque evincam . Rursus pergo ; & non nisi maiusculis notis , aut millenaria quæ videretur , etiamsi alterius formæ , scriptione exarati libri prodibant . Unus in mentem venit , quem ad sequiorem ætatem statim reiicerent , quicumque a scriptura ipsummet codicis seculum designari putant : illum tamen Theodorus Ecclesiæ Veronensis Lector *Agapeto V. C. Consule* , hoc est anno Christi DXVII , exaravit . Alienabar præne mente , ac sensibus præ admiratione , & vigilans somniare videbar mihi , cum scirem uno vel altero eius vetustatis codice regias quandoque commendari Bibliothecas , atque
illu.

illustrari. Extractos demum omnes ab illo tumultu ita collocari, ac disponi Canonicus Carinellius iussit, ut evol- vendi mihi facultas esset: quin post tempus aliquod, cum quid circa eos codices meditarer aperuissem, Capitu- lique res agi ipsi videretur, & Vero- nensis Ecclesiæ dignitati maxime con- suli, admonitis ad quos tunc temporis spectare poterat, quosdam ex redivi- vis hisce Mss. pro arbitrio utendos tra- didit, & domum meam comportari in- dulsit. Tum vero lucubrationibus va- riis sive inceptis, sive meditatis vale- dicens; Poeticis præcipue, cuius fa- cultatis illecebra quicquid florentis æta- tis oblectamentorum atque ineptiarum cura mihi non eripuit, absumpsit; stu- dia mea ad hos potissimum codices contuli: quorum plurimos (nec ta- men omnes) mutilos deprehendi, ace- phalos, semefos, laceros, & reliquias potius librorum quam libros. Nec alio fere aspectu par erat monumenta emergere, quæ decem aut duodecim,

ad minimum autem novem seculorum
 ætatem tulerint: cum enim duæ veluti
 classes horum codicum sint, quarum
 una rubro numero signata visitur, ni-
 gro altera; prioris classis membranas
 a Pacifico Veronensis Ecclesiæ nono
 seculo Archidiacono defluxisse, plura
 sunt quæ ferme evincant. Bibliotheca-
 cam ab eo conditam retulit Panvinus;
 sive ex Epitaphii versu coniectans,
*Bis centenos terque senos codicesque fece-
 rat*, sive ex traditione quadam eo tem-
 pore adhuc superstite. Eam Bibliotheca-
 cam *totius orbis terrarum celeberrimam* fu-
 isse, arguebat idem Panvinus: ex his
 ipsis, ut opinor, eiusdem, *in Canoni-
 corum Monasterio vestigiis*, de quibus in
 præsens sermo est. Has vero librorum,
 quos Pacificus qua collegit, qua exa-
 rari iussit, reliquias esse, id etiam con-
 firmat, quod unus & alter scripti di-
 cantur *Regnante Domino Nostro Hlotario
 Imperatore*. Ut autem constet, quo is
 an-

anno decesserit , quam admirando ingenio floruerit , quantumque Ecclesiam Veronensem , Capitulumque nostrum ; multis ac præclaris titulis , ut alibi persequar , illustrem decoraverit ; Inscriptionem afferam , candido marmori incisam , & in cathedrali Templo pulchre collocatam , cuius priorem tantum partem vulgarunt Panvinus , Ughellius , alii ; xi disticha prætermittentes , quæ ab ipso eximio viro , ut sepulcro suo aliquando inscriberentur , concinnata nullus dubito ; cum e sensu , quinti præsertim versus , & decimitertii ; tum quia stilum præseferunt a rithmico præcedente elogio longe diversum : quibusdam enim interlucent tum Latinæ loquutionis , tum Poeticæ venustatis luminibus , quæ in eius ætatis monumento alio nullo reperire est : nonum distichum exempli gratia cum quibusvis medii ævi lucubrationibus compara . Qui celebrati huius ingenii fætum aliquem nancisci summopere cupiebant , elegans pro tempore epi-

gramma, quod præ oculis quotidie habentes non agnoscebant, plaudentes excipiant. Hoc ipso epigrammate, linguas Hebraicam, & Græcam calluisse se, Archidiaconus noster nobis indicat; nomen enim suum Hebraice, & Græce reddit, cum se *Pacificum* vocat, & *Salomonem*, & *Irenæum*. Lapidis scripturam, sive orthographiam servo, meliori tantum, & multiplicata interpunctione lectorem iuvans.

✠ *Archidiaconus quiescit hic vero Pacificus,*

*Sapientia preclarus, et forma prefulgidus.
Nullus talis est inventus nostris in temporibus:*

Quod nec ullum advenire umquam salem credimus.

*Ecclesiarum fundator, renovator optimus
Zenonis, Proculi, Viti, Petri, et Laurentii,*

Dei quoque Genitricis, necnon et Georgii.

*Quicquid auro, vel argento, et metallis
ceteris,*

Quic-

*Quicquid lignis ex diversis , et marmore
candido ,*

*Nullus umquam sic peritus in tantis ope-
ribus .*

*Bis centenos , terque senos codicesque fe-
cerat :*

*Horologium nocturnum nullus ante viderat:
En invenit argumentum ; et primum fan-
daverat .*

*Glosam veteris , et novi Testamenti : po-
suit*

*Horologioque carmen sperae Cæli optimum:
Plura alia græsiæque prudens inveniet .*

*Tres & decim vixit lustra , trinos annos
amplius :*

*Quadraginta et tres annos fuit Archidia-
conus :*

*Septimo vicesimo ætatis anno Caesaris Lo-
tharii*

*Mole carnis est solutus , perrexit ad Do-
minum .*

*Nono sane Calendarum obiit Decembri-
um ,*

*Noctæ sanctæ , que vocatur a nobis Do-
minica .*

*Et dic , da veniam , Christe , tuo famulo.
 Pacificus , Salomon mihi nomen , atque
 Ireneus ,*

*Pro quo funde preces mente legens titulum.
 Obsecro , nulla manus violet pia iura se-
 pulcri ,*

*Personet Angelica donec ab arce tuba .
 Qui iaces in tumulto terrae , de pulvere surge ,
 Magnus adest iudex milibus innumeris .
 Tolle hinc segnitiam , pone fastidia mentis ,
 Crede mihi , frater , doctior hinc redies .*

*Anno Dominice Incarnationis DCCCXLVI.
 Indictione x.*

Perscrutari ingressus , quidnam veterum scriptorum hi codices nobis servassent , Christiana tantum monumenta , librosque Ecclesiasticos reperi ; in eo maximæ , quam mente conceperam , spei parum , ut fatear , respondentes , quod anecdota in tanto librorum numero perpauca occurrerent . Plura tamen erui luce dignissima ; & ex vulgatorum collatione multa didici , quæ novisse , Christianæ , ac literariæ Reipubli-

blicæ magnopere interfit . Cur ergo premis ? interpellabit quispiam , cur tot annos differs ? cur adhuc occultas ? Hoc volebam nescius ne esses , erudite Lector , & hoc ipsum est , de quo teneri quodammodo videor rationem reddere . Prima equidem protrahendi causa ex ipsa rei mole , ac difficultate oritur ; neque enim in his rebus aut properare deberet qui posset , aut posset qui vellet . Multa sæpe volumina , multæ voluminum congeries percurrendæ , atque excutiendæ sunt , ut decem versus satis caute scribantur . Immane quantum temporis collationes absorbent ! quot editiones , quot ab Henrico Canisio usque in hanc diem collectiones pervolutandæ , ut *avendois* tantum monumentorum satis constet ? devorandus sane alacriter labor , ubi rariorem ut plurimum librorum ea suppellex omnis in promptu esset : at quam incredibili corporis , animi , marsupii defatigatione perquirenda mihi fuerant plurima variis in civitatibus ,
& ab

& ab remotissimis regionibus arcessenda? Nec parum obstitit, quod incisorum numquam fuerit ad manus: quamvis enim duo ex celeberrimis nostræ ætatis Veronæ pedem fixerint, altero, quod literis sculpendis operam non det, altero, quod chiragra impediri soleat, uti non licuit. Addas velim, non Capitularibus tantum codicibus, sed præstantioribus omnibus, qui Veronæ servantur, constitutum mihi esse *Bibliothecam Veronensem Manuscriptam* instruere: adesse quidem apud nos putantur nulli; at mille & ducenti numerantur in una Saibantiana bibliotheca: paucissimi sane habebantur Græce loquentes; iam vero horum quoque, me adnitente, non vulgaris copia est advecta. Insidet animo, quod maxime expediat, undecumque decerpere; de antiqua Latinorum scriptura disceptationem præmittere; ac postremam Operis partem ex documentis selectis (Veronensibus ut plurimum) instituire, quorum classis prior Ægyptiacis papyris

papyris exarata , & a me præsertim
conquisita , & possessa contineat : ea
occasione nova quædam ad artem Cri-
ticam diplomaticam pertinentia profer-
re vellem , quæ raptim tradere nemini
certe liceat. Has moras ab ipsa re : ma-
iores autem a me ipso contraxi , & ab
anterioribus institutis , & a supellesti-
lis meæ tenuitate , quam fateri , imo
profiteri minime vereor : cum enim in
Capitulares codices incidi , præclarior-
es , interioresque Ecclesiasticas literas
ne primoribus quidem labris attige-
ram ; Græcas tantum delibaveram ; He-
braica elementa vix videram ; Latine
differendi ante aliquot tantum menses
primo periculum feceram , Criticæ
nec ipsum nomen , ut hodie vulgari-
ter accidit , fatis assequebar. Incipien-
dum mihi ergo fuit eo ipso ætatis an-
no , quo popularis meus Panvinus de-
cessit ; hoc est post prælongam immor-
talium voluminum adornatam seriem
decessit. Verum quidem est , P. Abba-
tem Bacchinium , ad quem confugi ,
cui.

cuique par referendi nulla umquam
 facultas suppetet , mira mihi tam lon-
 gæ viæ compendia monstrasse : sacra
 tamen Biblia , Concilia , Patrum non
 exiguam partem perlegere oportuit ; a
 quibus quantum studia mea abfuissent,
 carmina Italica varii generis , Tragœ-
 dia , Eroticæ Theses , de re Poetica
 disceptationes satis testantur : necnon
 Italica scriptio *de Scientia* , quam *Eque-
 stre* vocant ; cui tamen id acceptum
 refero , quod ad profanæ saltem erudi-
 tionis limina mihi iter straverit , ut
 quibus moribus , quibusve opinionibus
 in iis quæ , ut hodie loquimur ,
 ad Honorem spectant , Romani , Græ-
 cique vixerint , eruërem , ac pateface-
 rem . Disquisitionis illius nullam audio
 rationem hucusque habitam esse ab an-
 tiquariarum lucubrationum indagato-
 ribus , qui de Diis umbratilibus , de
 fibulis , de caligis disceptationes ma-
 gno ceteroquin studio conquirunt , &
 Latine etiam transferunt : videtur ta-
 men ea peruestigatio , quæ ad vitam
 per-

pertinet , & ad mores repurgandos valde conducit , ut magis ardua , & minus trita , ita multo utilior existimanda . Ad rem ut redeam , quæ præterea me ab his codicibus sæpe distraherent , acciderunt multa . Cum Christophoro Pfaffio V. Cl. de rebus gravissimis decertandum mihi fuit : de studiorum methodo , & universali Gymnasio recte instituendo sententia mea , qualiscumque esse potuerit , fuscè proponenda : patria priscorum temporum historia pertexenda , & Italicarum Regionum sub Romanis Metropoles ablegandæ : vernacularum e Latinis , Græcisque Scriptoribus versionum catalogo , quem antea descripseram , cùm translatio agglutinanda quædam , tùm de numismatum , ac lapidum primatu disceptatio : nova , quam protuli , de Fulminum generatione sententia iteratis argumentis vindicanda . Sed & plura evenerunt , quæ me non a Manuscriptorum tantum , sed a quibuscumque omnino studiis divellerent : sex mihi pu-

publico officio absumptos menses ; complures rursus Serenissimo Bavarix Electorali Principi feliciter dicatos conterranei mei probe norunt. Satis multa attulisse, quibus procrastinanti mihi ultro ignosci debeat, optimor ; cum in iis omnibus nulla mihi culpa imputari possit. Verumtamen cum annos rursus aliquot cunctaturus sim, in eo me extra culpam non esse, sponte, & ingenue fateor : deflexi scilicet, tantamque provinciam intermittens, in alias sensim delapsus sum nec minus amplas, nec minus arduas ; quibus demum non nisi ornatis & peractis ad pristinam revertar. Id quod contigerit, expono. Constitueram *Bibliotheca Veronenfi* Ms ineditarum Inscriptionum Parergon adiungere, quæ vel in Urbe nostra, vel in agro reperirentur. Dum vetustos lapides exploro in hunc finem, & exscribo, monumentorum eiusmodi is me amor incendit, ea cepit admiratio, ut dispersa, occultata, neglecta, cœli inclementia intereuntia colligendi in unum,

unum, publico, tutoque loco exponendi, contegendi quoque, & integra, atque incorrupta in futurum ævum præstandi, cupiditas me invaserit maxima. Re felicius cedente, virisque præstantioribus symbolam conferentibus, aviditas incescit Græca quoque & externa, quotquot maxime possem, undique conquirendi. Satis prospera, & in hoc fortuna usus, cum nec labori parcerem, nec pecuniæ, *Museum Veronense*, sive peculiarem collectorum marmorum editionem iure quodam a me flagitare cum res ipsa, tum doctiores ceperunt cives. Manum admovens, cum præclarissima occurrerent, incogitatam de usu ac præstantia Inscriptionum disputationem ingressus sum: verumtamen Gruterianam collectionem, lapidarios Scriptores, summosque rei literarię procures marmoribus passim utentes percurrans [bona venia dixerim] tot fallaciis obrutum, tot hallucinationibus demersum, tot adhuc tenebris circumfusum studium hocce mihi visum

sum est, ut nihil satis tuto in hac materia præstari posse arbitratus sim, nisi nova quadam *Arte Critica Lapidaria* adornata, ac præmissa. Vix mentem cogitatio ista subierat, mei compos, & rationis studiorum meorum non amplius fui; tanta enim vi operis huius, & instituti imaginem, conformationemque in cerebri fibras adactam sensi, ut alia quæcumque abiicere, sive in aliud tempus reiicere, coactus omnino fuërim. Cum quicquid hoc libelli futurum sit, quam primum exigere averem, Patriam mihi relinquendam novi, in qua diverticula parata perpetuo essent: idcirco statim ac per domesticas tricas licuit, Florentiam me contuli, ut in hoc Musarum domicilio, & quo mihi ab omni parte iucundius nullum, in eam opellam incumberem. Ultro fateor, inconstantiam hanc, & ab uno ad aliud lucubrationis genus defectionem, minime laudandam esse, sed improbandam, defugiendam, vituperandam: quo me satis tuear, non habeo: at
non

non in studiorum tantum , sed & in ratione vitæ inobservata quadam , & occulta rerum connexione ita ducimur , ut sæpe aberrationes nostras ne quidem percipiamus , atque illuc sensim iam pervenisse nos , quo tendere constitutum nobis minime fuerat , quandoque admiremur . Id quoque afferre pro me possim : nempe cum inter adversa multa , molestiasque , quibuscum non infrequenter conflictavi , libertatis bonum mihi omnino intactum , servarim , ita ut otii mei nemini prorsus rationem reddere obstringar , sive ad hæc me conferam , sive ad illa , perinde esse : quin , ut etiam nullum ex inceptis commentariis , vires meas , quod optime intelligo , multum excellentibus , ad exitum perferam , quæ duo bona unice mihi a studiis peto , nihilominus consequar : ut vitam non sine delectatione ducam , & ne quid interea deterius agam .

Verum enimvero cur in præsens contra ac decreveram , dies aliquot ma-

manum de tabula tollam, atque ad intermissos codices redeam, Cassiodorii Complexiones emittens; curque hoc membrum a *Bibliotheca Veronensis* corpore avellam, paucis persequar. Morem in hoc gero amicis, & familiaribus, quorum voluntati ac consilio, cum iterum atque iterum efflagitant, obsistere minime valeo. Admonuerunt ii per repetitas literas, viros quosdam in civitate nostra præstantes repentino, & laudabili desiderio correptos, quicquid anecdoti in Mss. Capitularibus continetur, in publicam lucem prolatum intuendi: quapropter cum vir eximius, undequaque doctissimus, & tum a dignitate, tum ab ingenuis moribus suspiciendus, Veronam, quæ ipsi Patria est, advenisset; illum obsecrasse, ut negotium hocce in se reciperet, & quam primum fieri posset, quam plura posset ex his membranis educeret: vel ignorabant ii scilicet, quam longam ego in istis codicibus singulis operam posuissem, vel procrastinantem me


c

diu-

diutius , ac labores meos supprimentem , eam curam abieciſſe , opinati ſunt. Rogabant ergo viri amiciffimi impenſe , atque enixe , ut vel ceteris omnibus poſthabitis *Bibliothecam* meam perficere properarem , vel eius ſaltem ſpecimen aliquod communicarem , quod de conſilio meo atque inſtituto quicquam tandem conſtaret . Parui , quailicebat : nempe ut de ſpecimine edendo ſtatim cogitarem . Inter illa , quæ manu mea tranſcripta , & quomodo-
cumque illuſtrata mihi ſepoſueram , hoc maxime opusculum pluribus de cauſis ſelegi ; ſed præcipue quod ſeiunctim prodire , & libellum ex ſe conſtituere minus improprie poſſet . Adnotationes relegens , tribus , aut quatuor locis verſus quosdam adieci ; ceterum quod antea ſcripſeram , non attingi . De verſione Scripturæ Sacræ , qua Caſſiodorius utitur , multa commentari inceperam , quæ reiicere in aliud tempus cogor . Iam vero ad aras confugio , hoc eſt ad lapides meos iterum

rum me recipio , Veronenses codices
 non nisi post annos aliquot , vitam ,
 & valetudinem Deo Optimo Maximo
 suppeditante , resumpturus . Quicquid
 interea eruere ab his , atque illustrare
 alii forte pergant , expectabo lubens ,
 & latus excipiam , cum probe norim ,
 multo utilius in tam laborioso , tanti-
 que momenti officio prospectum , ac
 longe præstantius per quoslibet ali-
 os Christianæ , ac literariæ
 Reipublicæ consul-
 tum iri .





DE COMPLEXIONUM
O P E R E
E T C O D I C E
CUI DEBENTUR.

MAurelii Cassiodorii Senatoris
cum ingenium singulare, &
multiplici studiorum genere exercitum
ac comprobatum, tum sacra præcipue,
& digna Christiano homine ab eo per-
cepta doctrina, summo eruditorum
consensu ita celebrantur, ut quæcum-
que ab eo literis consignata sunt, nul-
la profecto laude, nulla ut avide arri-
pianur, indigeant commendatione.
Inter lucubrationes, quas posteaquam
militiæ Monasticæ nomen dederat, exa-
ravit, memorat ipse in Præfatione ad
Orthographiam *Complexiones in Episto-
lis Apostolorum, & Actibus eorum, &*
Apo.

Apocalypsi, quasi brevissimas explanationes decursas. Memoria lapsus est vir eruditissimus Io: Alb. Fabricius Bibl. Lat. lib. 3. c. 16. cum harum mentionem fieri tradidit in Præfatione Variarum, quam multo ante conscripserat. Complexiones siquidem extremo senio confecit, cum post illas ad *amantissimos Orthographos discutiendos anno ætatis XCIII, Domino adiuvante, pervenerit*: quin ad differendum de Orthographia, ex nonnulla de *Complexionibus Apostolorum* orta disputatione impulsus fuisse, eiusdem ad Orthographiam Præfationis initio discimus. Illæ vero nequicquam hætenus perquisitæ exoptatæque, atque inter deperdita communiter recensitæ, spe omni prorsus abiecta deplorabantur. Exiguam quidem ac postremam partem, quæ in Apocalypsin est, Daniel Mollerus editam docet, ut videre est apud Fabricium in Supplemento Bibliothecæ Latinæ: at quamvis editionem ipsam designaverit, Mollerum deceptum suspicor: fane inter eos quos

consului (consului autem per literas plurimos) qui illam noverit, inveni neminem. De Gulielmi Crovxi (apud Boernerum in Przf. Bibliothecz Sacrz Ioannis) hallucinatione certe constat, qui in *Elencho Scriptorum Bsblic.* Complexiones in Acta Apostolorum vulgaritas credidit. At prœdit nunc tandem, & sacrarum literarum bono ex insperato scriptum hoc emergit. In duos libros dividitur; legitur enim in Actorum fronte, *Incipit liber II.* Trithemius olim de viris illustribus Benedictinis agens, libris xvi distinctum censuit. Stylus ipsissimus est, ac ceterorum Senatoris scriptorum; de quo sane cum iis sentire nequeo, quibus valde arridet, cum præruptum, ac confragosum dicendi genus amare nesciam: at seculi ea dictio, & oratio est, quam propterea iniuria quis Cassiodorio imputaverit: neque huiusmodi librorum a Rhetorica elegantia pretium ducitur. Nonnullis forte exanguis, ac ieiuna, fere etiam quandoque mutila expositio

hzc

hæc videri poterit , magisque in ea pietas spectanda , quam ingenii acumen , aut præstantia doctrinæ : nemo tamen inficias ibit , præclara etiam non pauca , variisque de causis plurimi facienda in ea contineri . Nec valde mihi laborandum autumo , ut ostendam , quo loco Ecclesiasticum habendum sit VI seculo exaratum opus ; & a percelebri id quidem , eruditoque Scriptore , quem inter sanctitate claros ¹ Alcuinus , aliive , atque inter sacros Ecclesiæ Doctores recenset ² Beda . Mirum in primis profecto est , quantum afficiamur , & novo ædificationis spiritu Catholici excitemur , cum antiqui nec antea cogniti monumenti quicquam deprehendentes , eadem dogmata inspicimus , cumque eandem a prioribus usque seculis perpetua serie deductam doctrinam vetustissima scriptura , velut novo , & irrefragabili teste traditam , comprobataque intuemur . Quod eti-

¹ in Fel. Urgel. l. 5.

² Bed. Comm. in Ozam :

am mores ac pietatem spectat, præclara multa in his Complexionibus reperias: verum ut a doctis cupide excipiantur, id satis superque sit, in sacris scilicet Novi Testamenti libris interpretandis versari, Canonicasque etiam Epistolas exponere, in quas Veterum commentarii vix unus, aut alter extant. Quod si cetera abessent, quibus Ecclesiastici libri commendari solent, ad huius pretium mirum in modum augendum diversæ illæ sacri textus lectiones, & antiquæ versionis frustra, quæ nobis exhibet, abunde sufficerent. Constat siquidem cum ex Canone, tum ex hemistichiis, quæ capitulis explanator præfixit, Vulgata eum, sive Hieronymiana versione usum non esse, sed veteri. Proinde discrepantias vel minimas, Vulgata lectione margini adiecta, indicavi: illæ quidem studium atque operam in sacrum textum, inque eius interpretationem conferentes iuvabunt summopere, multisque, ac perutilibus animadversionibus ansam præbent.

An-

Antiquæ autem versionis ab his Complexionibus excerpta fragmenta eo pluris facienda sunt , quo nobis a Cassiodorio traduntur , viro scilicet in optimis sacrorum librorum exemplaribus deligendis , ut ex Divinis Lectionibus intelligimus , accuratissimo , eorumque emendationem ex Fontium etiam inspectione acriter suadente . Discrepantias illorum etiam locorum subinde adnotavi , quæ in explanationis contextu non semel occurrunt : quamvis de iis ambigi possit , ipsiusne exemplaris verbis , an paraphrastice , aut memoriter ab expositore adducantur : quæ suspicio orta mihi est aliquando in Actorum Complexionibus , cum a communi textu versus quidam nimis recedere viderentur . Infirmatur tamen suspicio hæc , quod in verbis ipsis præpositi textus hemistichia quandoque legantur , quæ addita explicationis , seu connexionis gratia videri possint ; ut illud Act. xiv. 18. *Cumque ibi commorarentur, & docerent* : itidem xv. 1. *cumq. circu-*
is.

issent has nationes : quę tamen in exemplari suo interpretem legisse , nullus dubito : quin aut eadem , aut similia Gręcus aliquis codex prętulit , ut VValtonii pręcipue Variantes Lectiones testantur . At de his penes eruditos iudicium esto : quibus in his Complexionibus nova quoque & peculiaris in capitales sectio animadvertenda erit : id temporis scilicet sacrorum librorum ut emendationem , ita pro arbitrio quisque sibi partitionem concinnabat . De veteri capitum distinctione , Scripturęque sanctę stichometria notum est , quam multa disputaverint viri docti . Numquam vero *frustra laborare* qui sacris Veterum lucubrationibus eruendis operam navat , vel unus harum Complexionum de Trinitate locus satis testatur : nondum enim ad hodiernos expugnandos Unitarios , vel profligandos tam invictum , tamque ineluctabile testimonium emerferat . Clamant isti , Scripturę versiculum , quo Sanctissima Trias perspicue docetur S. Ioannis Epist.

I.

I. c. 5. in priscis codicibus ut plurimum non reperiri, & ab antiquis Patribus lectum non esse, Africanis quibusdam exceptis. At docet nos Cassiodorii interpretatio lectum ab ipso fuisse; quo constat & in Romanis exemplaribus extitisse: quibusnam autem? nimirum selectissimis, & qui iam tum haberentur antiqui: is enim PRISCOS, & Emendatos codices ad Sacræ Scripturæ lectionem maxima cura diligendos in Divinis Lectionibus admonebat: quid putabimus ab ipso præstitum, quum non legendos tantum, sed & interpretandos susciperet? vix autem puto, Cassiodorii ætate vetustatis laude celebrari codicem potuisse, qui ad Apostolica fere tempora, sive ab iis haud ita longo intervallo distita non pertingeret. Quam emendatis etiam exemplaribus uteretur, intelligi potest ex Præfatione Divinarum Institutionum, qua libros ceteros notariis emendandos tradidisse discimus, sacros vero manu ipsum sua emendasse. Quin de Ortho-

thographia fufe differere , non alia de
caufa profitetur aggreffum effe fe , quam
ut facra Biblia inculpatim exſcriberen-
tur .

Membraneus liber , in quo inſigne
hoc eccleſiaſticę antiquitatis monumen-
tum unice perennavit ; eximię , ac ve-
nerandę vetuſtatis notas præſefert om-
nes ; adeo ut videri poſſit ab ipſius
Caſſiodorii ætate non ita multum abeſ-
ſe . Integer atque incorruptus , modo
paginas quaſdam excipias , quibus mem-
brana vel perforata , & ab atramento
exefa interlucet , vel fugientium litera-
rum tenuiſſima veſtigia vix retinet :
uniuſum bonę etiam notę , & multis
aliis comparatus correctionis laude non
carens ; plures enim interdum paginas
oculo inoffenſo percurras , quamvis de-
inde menda turmatim alicubi occur-
rant : ſive diverſitas hæc , atque incon-
ſtantia mutato librario , ſive remiſſo
aliquando , & defatigato imputanda ſit.
Ut erudito ſeculi genio morem geram,
formam literarum , ſcripturęque ſpeci-
men

TAV.

XXXXX IIII 9

Pag. X

Tab. I.

CMATORIS
ITE CON
FATIO
A

men propono : nec librarii nec temporis nota ulla visitur .

Habes in primo specimine cur Auctoris nomen nove scripserim , & secus ac soleat ; cum enim post artem typographicam inventam numquam , quod sciamus tantæ vetustatis Cassiodorianus codex emerferit , atque in editorum manus devenerit ; id in primis nostro debebimus , ut vera tandem huius nominis inflexio innotescat : *Cassiodorus* siquidem rectius est dicere , quod triplici huius Manuscripti testimonio liquet . His certe in rebus Tertulliani ^z canon obtinet : *id verius , quod prius* . Quin gentilitia nomina apud Romanos ut plurimum in *ius* desinere pervulgatum est . Ex Aurelia gente *Cassiodororum* familia primo fluxit : qua deinde in varias stirpes iterum distracta , *Cassiodorus* gentilitii nominis rationem obtinuit , in plures familias diffusi , etiamsi ^{not. 250 Xv} ab illa præferretur ,

^z adv. Marc. l. 4. c. 4.

tur, quæ Auctorem nostrum ediderat. Var. lib. 1. ep. 4. *Cassiodoros* [ut hætenus perperam scripsimus] *precedentes famæ concelebrat ; quod vocabulum etsi per alias videatur currere , proprium tamen eius constat esse familia .*

Summam fidem in hac editione instruenda adhibui , & Ms. etiam in minutioribus , quantum fieri potuit , inhæsi. Qui antiquum monumentum ab exemplari unico primus eruit , ac profert , satis cautum , & circumspectum se præstare vix possit ; is enim quid posteritati omni legendum sit imperat , ac iubet . Ad constitutam mihi fidem pertinere credidi , nihil immutare , ut syntaxin quandoque restituerem ; & de meo nihil addere , aut ad sensum , qui mutilus videretur , integrandum , aut ad lacunas aliquas explendas : quas congruentibus quidem utcumque verbis supplere in promptu est ut plurimum ; abstinendum tamen duxi , ubi eadem ipsa , quæ vel membrana albescente evanuerunt , vel corrosa deficiunt

unt (velut p. 207.) obvia prorsus ,
 & indubitata non sint . Emendationum ,
 quas raro adhibui , ubi operæ pretium
 sit , admonebo , ut & ipsæ ab aliis
 emendari possint : hoc si præstitissent
 transactis temporibus Critici , veterum
 scripta aliquanto melius pernoscere-
 mus ; innumeros enim locos ex arbi-
 trario reficientes , antiquorum codicum
 lectiones ab oculis subdlexerunt . Non
 ea tantummodo , quam mihi proposui ,
 in Ms. exhibendo fides , sed impulit
 etiam me constans doctorum hominum
 sententia , ac voluntas , ut quædam scri-
 ptionis genera , a quibus Ms. liber
 numquam deflectit , intacta relinque-
 rem ; quæ in aliis editionibus nihil
 prohibebit corrigere , & ad meliorem
 usum traducere . Sunt ex his , *Epistula* ,
temptare , *fantastica* , *profeta* , *dicio* , *con-*
dicio , *ammirans* , atque alia : *intelligere*
 perpetuo scribitur , ut in quam pluri-
 mis , & vetustissimis aliis codicibus :
 plebeiorum præcipue & rusticorum ho-
 minum is erat sonus , ut arguo e Cice-
 ronis

ronis loco ; de Orat. lib. i. quem de
his vocibus accipio : ridetur Cotta io-
tam literam tollens ; & e plenissimam di-
cens , qua pronuntiatione non oratores
antiquos sed Messores imitari , Crasso vi-
debatur . Scribitur in hoc exemplari
caecitas , caelum , caelestis ; item adicere ,
subicere , reicere . Inconstanter in aliis :
itaque modo seculum , modo saeculum :
cena , & caena , ut apud veteres scena ,
& scaena . Oboedio hic fere semper , nec
non rettulit . Molestum erat lectorem
morari , quotiescumque particulæ non ,
ut , quod &c. aut redundant , aut desi-
derantur . Libri autem indolem , ac
morem ; minutasque itidem emenda-
tiones semel hic innuamus : hæc quid
interfit scire , non nisi Criticis sacris
initiati intelligunt . Primum consuetis
permutationibus cognatarum literarum
laborat liber : & carvimus , pro peccabi-
mus , super viam bis , intervallo præter
morem relicto , pro superbiam : item
accedere , cadet , montes , pro accidere ,
cadit , montis : contra si , & audiat pro
se ,

se, & audeat: item adque, aliquod, quæ
occurrunt ut plurimum, pro atque,
aliquot. Scribitur in Ms. inproba; con-
plectens, compunctos: præterea opportunæ,
ponitur, conversos, pro opportune, puni-
tur, conversus: Cassiodorii ætate fami-
liaria menda: is siquidem Orth. cap.
xv. B pro V, V pro B, O pro V, N
pro M contra orthographia præcepta vi-
tiose positas non relinquant. Videas sæpe
populus, mondissimus, iracundia: quam
ab antiquo accepta consuetudine, ve-
tustiora monumenta testantur. Legitur
etiam in codice, piaetas, præctio, sæ:
exinde manifesto errore patiat, fide-
lium, nobis, pro potiatur, filium, bonis:
rursus, Dei quæ, his, necesse, respicere,
huc, hic: pro Deique, is, nescisse, de-
spicere, huic, sic: demum se pro esse, es-
se pro se, victum pro vinctum, alibi,
pro albi, nullis effa, esse, pro nullis se
fuisse, vita et, pro vitiet, subripere,
pro subrepere, precationibus pro precau-
tionibus, impedisset pro impendisset. Mi-
rum est interdum, ut in contrarium
d abdu-

abducatur sententia a literula una, utque addita ea, vel dempta, periodus integra restituatur. Animadverti, eadem consonante concurrente, scilicet in fine unius dictionis, atque in capite alterius, primam a librario sæpe omitti: *sive unus sive; cum ipso semper, pro, cum ipsos semper*: alibi ex opposito importune conduplicat: *niger regressus, illis suscipere*, cum scribendum erat, *niger egressus, illi suscipere*. Regionis pro religionis, ut etiam scribitur in Taurinensi codice, e quo initium Epitomes Institutionum Lactantii nusquam antea visum aliquot ab hinc annis emissi. Quid memorem deprehendisse me *seddomini*, pro *se domini*? *seddicis* pro *se dicis*? didici ex his quæ non sunt huius loci. Præludentes Italicæ linguæ phraseologias persequi non vacat: adverbia *promptissime, benigne, devote* ita in hoc opusculo enuntiari solent: *prontissima mente, benigna mente, devota mente*. Redarguerat Auctor noster Div. Lit. cap. xv. *librarios Grammatica ar-*

sis expertes ob, M. literam, quam si inconvenienter addas, aut demas, dictio tota confusa est. At erat in Ms *prae passionem, de Hierosolymam*: fluebant hæc ab imperitæ plebis sermone, quem iisdem solœcismis superiori etiam ætate infectum fuisse constat. Trimalchionem, & socios eodem modo in convivio loquentes inducit Petronius, ut etiam a plebeia loquutione ridiculum aucupetur: *scimus te præ literas factum esse.*

Adnotationes addidi breviusculas: dissertationibus locus patebat multiplex; verumtamen non tam Cassiodorii tunc Opus exhibuissem, quam meum. Auctoris vitam nihil attinebat retractare post amplissimam, quam optimæ eiusdem editioni P. Garetius præmisit. Cum & aliam laudari deprehendissem a Card. Norisio nostro in Apologia Monachorum Scythiæ, nempe quam P. Dionysius a S. Martha Gallice edidisset, post longam indaginem reperi tandem, & percurri. Lib. IV.

de scriptis amissis verba faciens, *Catenam* memorat, seu *Commentarium* ex pluribus *Scriptoribus* decerptum in *Epistolas Apostolorum*, & *Acta*, & *Apocalypsin*. Complexiones nostræ designantur; sed quæ ad modum *Catenæ* elucubratæ minime credi poterant, cum *Catenarum* usus longo post *Cassiodorium* intervallo emergerit: neque ex variis *Scriptoribus* illo ævo *commentarius* decerpi potuisset in *Apostolorum* (Catholicas saltem) *Epistolas*, quas paucissimi adhuc interpretes attigerant, ut in *Adnot.* actionibus perfectis, quæ.



CUM per epistolas Amicos eruditos de huius Operis editione mone-rem; Apostolus Zenus; Inviētissimi; & Literati æque ac literatorum hominum Amantissimi CAROLI VI Cæsaris Augusti Historicus, & Poeta, inter alia; quæ his ipsis diebus doctè rescribit, quam rara medio etiam ævo harum *Complexionum* exemplaria fuerint; animadvertit: nam Notkero Balbulo, seculi x Scriptori, minime innotuerunt; ut ex eius opusculo de Interpretibus Sacræ Scripturæ arguere est, quod in *Thesauri Novissimi Anecdotorum* (ad oras nostras nondum transvecti) tomo primo P. Bernardus Pez, Mellicensis in Austria Monachus, nuper vulgavit.

Sollenne mihi perpetuo fuit, ut doctorum virorum iudicio scriptiunculas meas subiicerem, nihilque mihi acceptius accidit, quam cum quid peccarim admoneor. Vir inter amicissimos, Antonius Maria Salvinius, seculi decus, cum in eum Epistolæ meæ locum, huius

huius voluminis pag. 279. incideret, quo
 e *Regis* vocabulo de Romano Impera-
 tore non agi, arguere videor; commo-
 de docuit, aliis quidem argumentis re-
 cte id probari, illo vero nequaquam;
 cum ex voce βασιλεύς, qua ad Roma-
 nos Imperatores significandos Græci
 uti solent, Latinis etiam Legendis,
 ut vocantur, Regis nomen eadem
 significatione sæpe adhasisse
 deprehendatur.



Err.

Corr.

Pag. xii. ver. 9. esse

est



I N C I P I T
PRAEFATIO.



BREVES Apostolorum, quos nos proprie *Complexiones* possumus appellare, summatim dicendo diversa complectuntur, quae sibi tangenda esse proponunt; ut nec relatio iudicetur effusior, nec aliquid brevitate constrictum praetermissum esse videatur. Sit ergo nobis propositae rei brevis, et absoluta narratio, summas rerum in parvitate complectens, non cuncta verba discutiens, sed ad intentiones

A

tiones suas summatim dicta perducens ;
 ad quod nos studium sensum Lectoris
 deducere festinamus , ut altius ad in-
 tellectum perveniat , ubi nostra eum
 deducere voluntas congrua intentione
 festinat. Inter *Breves* autem , et *Com-
 plexiones* hoc interest ; quod *Breves*
 sunt subsequentium rerum particula-
 tim divisa commonitio ; *Complexio-
 nes* autem similium rerum iuncta co-
 pulatio : quod tibi iam notum facio ,
 * Lector ammonitus , ut alterum inter-
 rogare non egeas , dum ipse plenissi-
 ma quod dicimus satisfactione cogno-
 scas. Nunc ad exponendum textum in
 Christi nomine veniamus .

* **CASSIODORII SENATORIS, IAM**
 * **DOMINO PRÆSTANTE CONVERSI,**
EXPLICIT PRAEFATIO.




INCIPIUNT COMPLEXIONES IN EPISTULIS APOSTOLORUM.



SANCTI PAULI AD ROMANOS.

*

I.  *AULUS*, *Servus Christi Iesu*, *vocatus Apostolus*: et cetera. Nomen suum, competenter, praeponit Epistulis, quoniam scri-

I. r.

bebat absentibus: vocatum se quoque a Deo dicit Apostolum, sicut Ananiae dictum est: *Vas electionis est mihi: ut portet nomen meum in Gentibus: et segregatum in Evangelium Dei, quod ante promiserat per prophetas, de Filio suo, qui factus est ei ex semine David secundam carnem: per quae se dicit accepisse gratiam, ut in omnibus eum Gentibus praedicare debuisset. Ita catholicae fidei fundamenta in ipsis primordiis, velut doctus architectus, salutaris praedicatione constituit.*

Act. IX.
15. Vulg.
mibi iste
. . . eo-
ram Gen-
tibus. . .
prophetas
suos in-
scripturis
sanctis.

A 2

etiam

etiam Romanos, ut gratiam, et pacem a Deo Patre, et Domino Iesu Christo percipiant; ubi etiam et Spiritus

* Sanctus intellegi debet: quoniam ex tribus una, vel duae nominatae Personae, totam plenissime noscuntur indicare Trinitatem; sicut in Actibus Apo-

Act. X. 48. stolorum beatus Petrus ait: *et iussit eos in nomine Iesu Christi baptizari*; cum

Matth. XXVIII. Dominus dixerit, *ite, docete omnes Gentes, baptizantes eos in nomine Patris, et Filii, et Spiritus Sancti*. Legitur etiam in superscripto libro, de solo Spi-

ritu Sancto: *Iohannes quidem baptizavit aqua, vos autem baptizabimini Spiritu Sancto*.

I. 8. II. *Primum quidem gratias ago Deo meo per Iesum Christum pro omnibus vobis*; et reliqua. In primis Deo gratias agit, Romanorum praedicans fidem, et pro eis se orare testatur assidue; promittens, habere se desiderium; ut ad eos tandem aliquando venire praevalcat ad confirmationem fidei, quae iam illis probabatur esse communis: nam frequenter se desiderasse dicit ad eos venire; sed testatur quibusdam impediens causis se fuisse prohibitum: scilicet ut doceret eos plenius, sicut et

ceteras nationes, ad quas fuerat desti-
natus, novi, et veteris Testamenti ve-
ritate patefacta; adiciens exemplum
Ambacum prophetae, *iustum ex fide* *
vivere. Nec terrearis de profundita- II. 4.
tibus sacris, quia maxime intentionis
eius est, ut se ipse consequenter ex-
ponat.

III. *Revelatur enim ira Dei de caelo* I. 18.
super omnem impietatem, & iniustitiam:
et reliqua. Iram Dei supra illos dicit
esse manifestatam, qui cum supernam
potentiam per creaturas eius, et inae-
stimabiles operas cognovissent, glori-
am incorruptibilis Dei ad creaturas
corruptibiles transtulerunt; idest ut
homines volucres, et quadrupedes co-
lere decrevissent. Hi dum se aestimant
esse sapientes, stultitiae caecitate dam-
nati sunt: quia totum inde mortife-
rum nascitur, ubi auctor rerum fuerit
sacrilega impietate derelictus: in quo
enim subveniat creatura fragilis, si of-
fendatur omnipotentia creatoris? Hac-
tenus fuit narratio delicti; post sequi-
tur poena peccati.

III. *Propter quod tradidit eos Deus* I. 24.
in desideria cordis eorum: et cetera.
Hic iam commemorat, qualis poena

proveniat eis, qui se a Domini cultura summovertunt; scilicet ut qui Deum incorruptibilem contemnere temptaverunt; relictis in desideriis, et inmunditiis cordis sui; ipsi se alterutra foeditate commaculent: primum, ut contra naturalem usum feminis, utantur inlicitis; ipsi quoque masculi mutua corruptione lacerati subdantur libidines suis, et ceteris flagitiis, quae caecatus sensus invenit: sed non solum haec facientes, verum etiam talibus consentientes simili detestatione condemnat.

- II. 1. *V. Propter quod inexcusabilis es, o homo omnis, qui iudicas: et cetera.*
 Arguit eos; qui alios recte iudicant, et eadem se vita commaculant: patientia enim Dei sustinet dementer errantes; sed qui fuerit peccata confessus, gloriam suscipit, et honorem; illos autem, qui veritati non consentiunt, tribulatio, et angustia digna consequitur: acceptio siquidem personarum apud Deum non est, sed sola qualitas pensanda factorum; non enim tantum legis auditores grati sunt Deo, sed factores legis potius iustificabuntur.

- II. 14. *VI. Cum enim Gentes, quae legem non*

⁷
non habent, naturaliter quae legis sunt, faciunt: et reliqua. Cum Gentes, quae legem non habent, naturali vivant institutione compositae; Iudaeus, quoniam legem accepit, eamque nec intellegere, nec custodire voluit, in iudicio Domini Christi amplius tenetur obnoxius: non enim quemquam beatum circumcisio facit esse, sed vita; maxime cum illa recisio praeputii ad circumcissionem cordis constet esse translata; cuius laus non ex hominibus, sed esse constat ex Deo.

VII. *Quid ergo amplius est Iudaeo? III. r. aut quae utilitas circumcissionis? Gentibus quidem, quae adhuc minime crediderant, praeponebat Iudaeos; qui tamen legem Domini devotis cordibus acceperunt: nec iterum illud potest evacuare praecepta divina, si quidam eorum inoboedientes fuerunt: illis enim pereuntibus legis veritas manet; nam peccata hominum dicit commendare iustitiam Dei; ut cum nos delinquimus, ille in condemnatione nostra semper iustissimus approbetur: qui vero aliud dicunt, eorum iusta dampnatio est: quapropter Iudaeos, et Graecos omnes sub peccato esse, confirmat: Hoc*

etiam teritiidicimi Psalmsi comprobavit
exemplo ; dicens , universam carnem
non lege iustificari posse , sed gratia ;
quod Christi Domini comprobavit ad-
ventus , qui nobis in reatu positis fidei
suae dona largitus est .

- III. 17. VIII. *Ubi est ergo gloriatio tua ? ex-
clusa est : per quam legem ? factorum ?
non : sed per legem Fidei : et reliqua .*
Iudaeorum gloriam , quam videbantur
habere per legem , veniente Domino
Salvatore , per legem Fidei profitetur
exclusam : non enim per legem cir-
cuncisionis , vel alia huiusmodi , iusti-
ficatur homo , sed per legem Fidei ;
quoniam unus est Deus , et legis , et
Fidei . Abrahac quoque subiungit exem-
plum ; probans , non ex operibus eum
gratiam Domini reperisse , sed Fide .
* xxx. Psalmsi adiciens testimonium ; bea-
tos esse confirmans , quibus peccata
dimissa sunt : quem iustificatum non in
circumcisione perhibet , sed in praepu-
tio esse per Fidem , Fides autem eius
evidenter apparuit , quando Domino
promittente , non dubitavit credere de
se , et Sarra vetulis Isaac sibi filium
nasciturum . Quapropter similis erit il-
lis iustitia , qui Dominum Christum ,
et .

et propter delicta humana traditum ,
et propter iustificationem nobis confe-
rendam crediderint suscitatum .

VIII. *Iustificati igitur ex Fide , pa-* V. 1.
cem habeamus ad Deum per Dominum
nostrum Iesum Christum . Iustificatos
per Fidem pacem monet habere cum
Patre ; quando per Iesum Christum fi-
lium eius aeternae salutis munera per-
ceperunt , qui magis in tribulationi-
bus , et angustiis spei suae sumunt sem-
per augmentum . Cum pro impiis Ie-
sum Christum dicat esse mortuum ,
multo magis ab ira salvos facere pro-
mittit , quos suo sanguine iustificare
dignatus est : peccante siquidem Adam ,
mortem humano generi constat infli-
ctam ; etiam eis , qui mandata Domi-
ni , sicut fecit Adam , minime prae-
varicasse noscuntur : sed sicut per Adam
mors pertransivit in posteros , multo
amplius in adventum Domini Iesu
Christi gratia , et donum aeternae vi-
tae abundabit in plurimos .

X. *Igitur sicut per unius delictum in* V. 18.
omnes homines in condemnatione , sic et
per unius iustitiam in omnes homines in
iustificatione . Adhuc in eadem proba-
tione persistit : nam per Adam dicit
su-

suscepisse mortem genus humanum; sed per Dominum Christum aeternae beatitudinis praemia consecutum: et sicut per unius inobedientiam peccatores constituti sunt multi, ita et per unius obedientiam iusti constituentur multi: subintravit enim lex, ut abundaret delictum; venit gratia, ut deleteret exitium: et ideo qui iam mortuus est peccatis, vivere non debet in delictis.

VI. 3. XI. *An ignoratis, quia quicumque baptizati sumus in Christo Iesu, in morte ipsius baptizati sumus?* Sicut omnis baptizatus suis peccatis est mortuus, ita Christo resurgente novatur in perpetuam sospitatem: nam qui similitudini mortis eius complantatus agnoscitur, eodem modo et similitudini vitae ipsius sociandus esse declaratur: in illa enim cruce noster vetus homo confixus est, ut innovatus exinde resurrectionis munere nasceretur. Nam sicut Christus semel peccato mortuus est, et vivit in gloria Dei, ita et nos peccatis mortui, in ipsius sanctificatione vivamus, quia iam non sub lege, sed noscimus esse sub gratia.

VI. 15. XII. *Quid ergo? peccabimus, quia*
non

non sumus sub lege, sed sub gratia? et reliqua. A fidelibus viris famulandum non dicit esse delictis; quia iam non sunt subiecti legi, sed gratiae: nam sicut prius iniquitatibus membra carnalia serviebant, ita nunc per fidem spiritales effecti, vivere debent in sanctitate propositi: quippe, quando in prioris vitae stipendio finis erat sine dubio mors aeterna; in ista vero perpetuum datur gaudium, et sine fine securitas. *

XIII. *An ignoratis, fratres, (scientibus enim legem loquor): et reliqua. Quemadmodum se habeat lex, facta viri, et mulieris comparatione, designat. Sicut enim mortuo viro mulier sine crimine transit ad alterum, ita recedente lege, ad novitatem gratiae sine culpa perventum est: quapropter serviendum Deo iam dicit in gloria, f. in gratia non in litterae vetustate: nam occasionem peccati lex dedit, quae prohibendo delicta, inoboedientes homines reos semper ostendit.*

XIII. *Itaque lex quidem sancta, et mandatum sanctum, et iustum, et bonum. Cum sit lex spiritualis, necesse est, ut eam caro semper offendant: quoniam vitio* VII. 12.

vitio peccati originalis mundi concupiscentiam probatur affectare damnatam : unde profitetur Apostolus , habere se desiderium boni , sed trahi maxime lege peccati : propter quam difficultatem Dominus Pater misit Filium suum ; qui assumpta carne peccati credentium vincla dirumperet .

- VII. 25. XV. *Igitur ego ipse mente servo legi Dei , carne autem legi peccati .* Legi Dominicae dicit se quidem voluntate servire , sed carne potius oboedire peccatis : qui autem non ambulant secundum carnem , suscipiunt a Domino remissionem : ideo enim Pater misit Filium suum , ut sumens similitudinem carnis peccati , delicta mundi dissolveret . Nam prudentiam carnis , quae est inimica divinitati , mortem dicit operari ; spiritualis vero intellectus , qui Deo semper acceptus est , aeternam vitam tribuit , et salutem : unde magis in Spiritu Sancto vivendum est , qui nos tunc inhabitat , quando se a nobis diaboli potestas extraneat .
- VIII. 25. XVI. *Non enim accepistis spiritum*

servitutis iterum in timore: et quod sequitur. Omnem Christianum perfectum dicit accepisse non servitutis spiritum in timore, sed filiorum adoptionis affectum: quando illum patrem dicit, cuius hereditatem iusto desiderio concupiscit: nam si Christo compati-mur, et gloriae ipsius participes esse merebimur. Sed multo minora sunt praesentia mala, quam futura praemia; ista enim temporalia, illa perpetua sunt: nam creatura nostra congemescit, et parturit, quousque ad illud perveniat, ut promissa felicitate potiatur: quod etiam se dicit efficere, quamvis Spiritus Sancti cognoscatur iam primitias accepisse, exspectans redemptionem corporis sui, quae in generali resurrectione praestanda est.

*

Vulg. v.
22. *omnis*
creatura
ingemiscit

XVII. *Spe enim salvi facti sumus.* VIII. 24.
Spes autem, quae videtur, non est spes.
Promissiones divinas spe magis praedicat sustinendas; quoniam quidquid in futuris temporibus *punitur*, carnalibus oculis non videtur. Spiritus autem Sanctus *postulat pro nobis gemitibus inenarrabilibus*; id est, quod nos gemere faciat, ut ad promissa praemia venire possimus. Praedestinatos autem dicit

leg: *poni-*
tur.

dicit vocatos, ut sit Dominus Christus primogenitus in multis fratribus: et ne in tanta spe titubarent hominum corda fragilia, praedestinos dicit vocatos, vocatos autem asserit iustificatos, iustificatos vero magnificatos esse confirmat. Hoc argumentum dicitur climax, idest gradatio, quod etiam in subsequen-
tibus frequenter assumit.

VIII. 31. XVIII. *Quid ergo dicimus ad haec? si Deus pro nobis, quis contra nos? et cetera.* Commendat igitur per omnia misericordiam Patris, qui ut nos redimeret, suo Filio non pepercit: quid enim nobis boni potuit negare, qui beneficiorum omnium concessit auctorem? ipse enim interpellat pro nobis, qui et sedet ad dexteram Patris. Consequitur etiam numerosa nimis, et affectuosa promissio, nullas tribulationes, nullas persecutiones, nulla pericula, nullas potestates caelorum, neque praesentia, neque futura a gratia nos Domini Christi posse dividere, quibus dignatus est tam magna praestare.

IX. 1. XVIII. *Veritatem dico in Christo, non mentior, testimonium mibi perhibente conscientia mea in Spiritu Sancto: et*

reliqua . Caritatem carnalium parentum suorum tantam sibi fuisse testatur , ut quod ultimum miseriarum est , se magis voluisset a Christo dividi , quam Iudaeos a fide Domini videret excludi : quod etiam et Moses dixisse legitur :

aut dimitte populo huic peccatum ; sin- EXO. 1.
autem , dele me de libro quem scripsisti . XXXII. 31.
 Primum , quia adoptati erant in gloria 32. V. aut
 filiorum ; deinde quibus praeceptum dimitte eis
 est legis obsequium ; unde patriarchae hanc no-
 quoque provenerunt ; et quod omnes xam ; aut
 honores superat , ex quibus natus est si non fa-
 secundum carnem Dominus Christus , cis , dele
 qui est super omnia Deus benedictus me de libro
 in secula . Ad fidem quoque Christi tuo quoniam
 filios dicit venire promissionis , non scripsisti .
 omnes filios Abrahae , qui ex eius quidem semine nati sunt , sed eiusdem fidei non fuerunt . Dantur etiam exempla Abraham , et Sarrae , Isaac , et Rebeccae , et duorum fratrum Esau , et Iacob ; sed unus ex his ita probatur electus , ut nullis meritis praecedentibus , sed per solam gratiam germano videatur esse praepositus ; gratiam Domini gratuitam per cuncta commendans .

XX. *Quid ergo dicemus ? numquid* IX. 14.
iniquitas apud Deum ? absit ; et reliqua .

In ar-

In arbitrio Domini posita fatetur universa, quando *non volentis, neque currentis, sed miserentis est Dei*. Exemplum quoque Pharaonis annectit, quia iuste voluntate sua peragit, quaecumque disponit. De superioribus etiam dictis sibi facit contrariam quaestionem, quam figuli comparatione dissolvit: dicens, habere eum potestatem, aliud vas facere in contumeliam, aliud in honorem: ne quis contra Dei voluntatem sacrilega murmuratione confurgat.

IX. 22. XXI. *Quod si volens Deus ostendere iram, & manifestare potentiam suam: et tam facere.* cetera. Ostendit patientiam Dei, cum impios magna pietate sustinuit; ut tam de Gentibus, quam de Iudaeis eligeret sanctos viros, quos praeparavit gloriae sempiternae: cuius rei Osee prophetae datur exemplum. Iudaeorum autem reliquias, exemplo Esaiae prophetae, convertendas dicit in fine seculorum: quod etiam esse faciendum ipsius prophetae alio confirmavit exemplo.

IX. 30. XXII. *Quid ergo dicimus? quod Gentes, quae non sectabantur iustitiam, adprehenderunt iustitiam.* Gentes dicit per

per fidem , non ex operibus comprehendisse iustitiam : nam Iudaei credentes ad litteram , et non spiritualiter sapientes offenderunt in lapidem offensionis ; qui est Dominus Christus : quod etiam prophetae Esariae probatur exemplo . Unde affectu civico pro Iudaeis quidem se orare testatur , pro quibus testimonium perhibet , habere quidem illos aemulationem Dei , sed Christi scientiam non habere ; qui est finis legis , et completiva perfectio .

XXIII. *Moses enim scripsit, quoniam iustitiam, quae ex lege est, qui fecerit eam homo, vivet in ea.* X. s. Moyses dicit, si fecerit homo iustitiam, quae ex lege est, vivet in ea : et ideo Christum Dominum virtute potentiae suae resuscitatum credat a mortuis : nam sive Graecus , sive Iudaeus , qui recte invocaverit nomen eius , et non fuerit sacrilega dubitatione confusus , salvus erit . Negat autem obstinatum Iudaeum Evangelio credere , qui ipsum Christum contempsit audire , quod etiam multorum comprobatur exemplis .

XXIV. *Dico ergo: numquid repulit Deus populum suum? absit.* XI. 1. et reliqua . Universum populum Hebraeorum a-

222

B

Do

- * Domino non dicit esse contemptum; sed eum exinde cotidie multos eligere, qui ad futuri regni possint gaudia pervenire: quod etiam Regnorum lectione confirmat; nam sicut electos dicit Domini gratiam consecutos, ita incredulos refert caelesti lumine fuisse privatos. Hoc etiam Esaiae, et David probatum constat exemplis. Iudaeos autem memorat offendisse quidem, sed non ut funditus interirent; quorum si delictum, Christo crucifixo, salus est mundi, et deminutio divitiae gentium, multo magis conversio eorum erit ingens gaudium beatorum.

XL. 13. XXV. *Vobis enim dico Gentibus: quamdiu ego quidem sum Gentium Apostolus: et cetera.* Apostolus Gentes alloquitur, dicens, se quidem Iudaeos ad aemulationem eorum velle deducere; sed gloriari non dicit debere Gentes, quod Iudaei propter incredulitatem suam repudiati sunt; ut plenitudo Gentium salutariter introiret: nam si dilibatio ipsorum sancta est, massam potius constat esse sanctissimam: de oleastro, et oliva pulcherrimam faciens comparisonem; quia gloriari non debet insitum contra illud, ubi constat

stat insertum : nam si Gentes extraneum beneficium Domini munere perceperunt , quanto magis et illi possunt ab ipso restitui electae semel origini.

XXVI. *Nolo enim vos ignorare* , XI. 25. *fratres , mysterium hoc : et sequentia .* Ad tempus ex parte Hebraeorum populum dicit fuisse caecatum , ut ad fidem Christianam Gentilitas introiret . Ceterum in fine seculi Israheliticum , populum misericordia Domini perhibet esse salvandum , postquam Gentium praedestinata crediderit multitudo ; nam sicut legem accipientibus Iudaeis prius , Gentes minime crediderunt , ita et salvatis Gentibus Iudaei credituri esse noscuntur : conclusit enim Deus omne in incredulitate , ut cunctis misericordiae suae dona praestaret .

XXVII. *O altitudo divitiarum sapientiae , et scientiae Dei : et reliqua .* Dominicae dispositionis ammiratione completus , veraciter exclamat incomprehensibilia esse , quae sancta Trinitas probatur efficere : ex ipso enim , idest ex Patre , et per ipsum , idest per Filium , et in ipso , idest in Spiritu Sancto sunt omnia ; et ut unita-

in V. de-
est seculo-
rum.

tem in eis indivisibilem esse monstra-
ret, adiecit, *ipsi gloria in secula secu-
lorum*: unde Romanos obsecrat, ne
seculi delectatione capiantur; sed cor-
pora sua praeceptis debeant offerre
caelestibus. Monet etiam, ut omnes
secundum mensuram suam sapere de-
beant, quam Deus unicuique pro sua
pietate distribuit; quatenus abrogaret
praesumptiones illicitas, unde fragi-
lis maxime peccat humanitas.

XII. 4. XXVIII. *Sicut enim in uno corpore
multa membra habemus: et cetera.* Fa-
cta comparatione membrorum, docet
unumquemque secundum dona prae-
stita in compage ecclesiastici corporis
Christo Domino debere famulari; re-
gulas multifarias ponens quemammo-
dum fidei populo sit vivendum. Ad
postremum taliter cuncta concludit;
ut nemo malum pro malo reddat, sed
iniquitas inflicta boni potius retribu-
tione vincatur.

XIII. 1. XXVIII. *Omnibus potestatibus su-
Vulg. Om- blimioribus subditi estote: et reliqua.*
nis anima
potestatib. Omnibus potestatibus iustitiam prae-
sublimiori- cipientibus dicit esse debere subiectos;
bus subdi- quoniam potestas a Deo datur, et
ta sit. Deo videtur velle resistere, qui ordi-

na-

nationi iudiciariae nititur obviare.
Dicens ab eo propter conscientiam
rationabiliter formidari, qui in aliquo
facinore probatur involvi : ideo enim
et tributa solvimus, quia nos Principi-
bus subiectos esse sentimus ; ministri
enim Dei sunt, cum crimina commis-
sa distringunt.

XXX. *Reddite omnibus debita :* et XIII. 7.

quod sequitur. Omne quidem debitum
per enumerationes plurimas dicit esse
reddendum ; ita tamen, ut nos affe-
ctio teneat semper noxios : cuncta e-
nim Dei mandata complet, qui in
proximi caritate consistit, quia pleni-
tudo legis est fratris custodita dilectio.
Commonet etiam de seculi istius no-
cte surgendum, quoniam proximus est
adventus Domini, quem debemus bo-
nis operibus expectare vigilantes : ip-
sum vero sustinere cognoscitur, qui
carnis desideria superare monstratur.

XXXI. *Infirmum autem in fide assu-* XIV. 1.

mite : et cetera. Infirmum dicit ad sa-
cras scripturas leniter assumendum,
nec cum eodem districta impugnatione
litigandum ; facta comparatione
docens, alios solis oleribus reficien-
dos, alios ciborum soliditate satian-

dos : et ideo unusquis non debet alterum spernere , sed de omnibus discernat solus ille , qui vere iudicat : potens est enim Dominus , illum magis in abstinence soliditate firmare , qui nobis videtur carnis fragilitate succumbere : nam cum de ieiuniis ageret ,

v. 5.

*

dicit , *alius iudicat diem inter diem* , ut quidam fidelium quarto , et sexto die eligunt abstinendum ; *alius autem omnem diem* , quia multi inveniuntur , qui omni die inediae se oblatione purificant ; sed utrique gratias Domino suo referre non desinunt .

XIV. 7. XXXII. *Nemo enim nostrum sibi vivit , et nemo sibi moritur* : et reliqua . Praesumptiones illicitas hominibus tollens , sive moriamur , sive vivamus , ad Dominum dicit esse referendum , qui iudicaturus est mundum : adeo enim redimit humanum genus sanguine pretioso , ut omnibus ipse dominetur . Datur etiam Esaiæ congruenter exemplum , quod ipsius imperio cuncta famulentur .

XIV. 12. XXXIII. *Itaque unusquisque nostrum pro se rationem reddet Deo* : et cetera . Illos arguit , qui abstinence sua gloriando fratribus scandalum faciunt ;
dicens

dicens apud Dominum nullatenus esse
aliquid inquinatum, sicut ipse testatur:
non enim quod in os intrat, coinqui-
nat hominem, nisi forte illis culpa ista
proveniat, qui cibos, quos Deus ad
vescendum creavit, inquinatos esse
pronuntiant; quod et alibi dicit Apo-
stolus, *omnia munda mundis*, coinqui-
natis autem, et infidelibus nihil est
mundum: non enim in cibo nostro re-
gnum Dei, sed in pace, et concordia
noscitur constitutum. Nam quamvis
abstinere sit bonum, tamen si carita-
tem fratris destruat, constat esse pec-
catum: praebens Dominicae passionis
exemplum; sicut Psalmus LXVII. di-
cit, impropria eum sustinuisse, ut di-
lectionem fratrum pius miserator im-
pleret.

XXXIII. *Quaecumque autem scri-
pta sunt, ad correptionem nostram scri-
pta sunt.* Quaecumque libris sacris
sunt indita, ad correptionem nostram,
et ad spem futuri seculi dicit esse con-
scripta: unde oportet, eos invicem
fratrum onera portare, sicut et Chri-
stus nostra cognoscitur suscepisse;
Esaiae prophetae, et XVII. Psalmi
exempla subiungens, Deum patrem,

Ad Tit. c.

I.

XV. 4.
Vulg. ad
nostram
doctrinam

1477

et Christum Dominum omnes populos
debere sub communione laudare. Be-
nedicit etiam Romanos, et fidem ipso-
rum sancta praedicatione concelebrat;
se autem dicit, eos necessario com-
monere, ut oblatio eorum accepta
fiat Deo per Spiritum Sanctum, qui
eis probatur esse concessus: sic totius
Trinitatis commemorata nobis saluta-
ris unitas intimatur.

XV. 17. XXXV. *Habeo igitur gloriam in
Christo Iesu ad Deum: et ea quae se-*

v. 19. *quuntur. Habere se dicit in Deo glo-*
riam, quoniam praedicatio ipsius ve-
niente Domino noviter instituta, ab
Hierusalem per circuitum usque in Illy-
ricum repleverit Evangelium Christi.
Deinde benedicit Romanos, promit-
tens eis, postquam Hierosolyma quae-
dam ordinaverit, ad eos se esse ven-
tuum: quos rogat, ut pro eodem
orare non desinant, quatenus ereptus
ab infidelibus Iudaeis, dum ad Hi-
spaniam profectus fuerit, ad eos va-
leat venire salvandos.

XVI. 1. XXXVI. *Commendo vobis Phoebam*
sororem nostram: et cetera. Ut osten-
deret etiam hic, gloriosum esse pro-
positum bonum, commendat, et sa-
lutat

lutat probatissimas mulieres, et fratres diversos, quorum operas sanctas spiritali laude concelebrat; ammonens, ut praedicatores falsos evitent, ne eorum bene instituta corda subvertant: epistulam suam de incarnatione Domini ea, qua coepit, praedicationis virtute concludens.

AD CORINTHIOS

PRIMA.

I. **P**aulus vocatus Apostolus Christi I. 1.

Iesu per voluntatem Dei: et reliqua... Cum Sothene fratre suo salutet ecclesiam Dei, quae est Corinthi constituta, et omnes, qui invocant nomen Domini nostri Iesu Christi. More suo in ipsis foribus praedicat Christum, cuius voluntate vocatus Apostolus est; petens, ut gratia illis, et pax divina largitate tribuatur: gratiam illis optat, ut futura Spiritus Sancti verba percipiant; pacem, ut unitatis virtute gratulentur.

II. Gratias ago Deo meo semper pro vobis: et sequentia. In primis laudat fidem ipsorum, et orat, ut usque ad

adventum Domini sine crimine perseverent : obsecrans etiam , ut perceptae doctrinae custodiant firmitatem , nec se putent praedicatoribus esse subiectos , sed uni Domino Christo : quando se non in Pauli , non in Apollinis , non in Caesae , sed in Christi gratia baptizatos esse cognoscunt .

L. 14. III. *Gratias ago Deo , quod neminem vestrum baptizavi* : et reliqua . Non se dicit Apostolus alios baptizasse , praeter Crispum , et Gajum , et Stephanae domum ; quoniam non se perhibet missum , ut baptizaret , sed ut evangelizaret ; quod a maxima parte dicitur : omnibus enim Apostolis datum est sacramentum baptismatis communiter dare : unde datur intellegi , aliqua eos pro salute desiderantium effecisse , cum probarentur in praedicationibus occupati . Evangelizavit autem in sapientia superna , non saeculi ; placuit enim Deo per stultitiam praedicationis [sicut tamen incredulis videbatur .] salvos facere credentes : nam cum sint pauci secundum carnem potentes , et nobiles , elegit Deus humilia ; ut non gloriatur in re omnis caro , sed in Domino Iesu Christo : sicut

cut scriptum est in Hieremia propheta: qui gloriatur, in Domino gloriatur. 24. Hier. IX.

IIII. Ego fratres cum venissem ad II. 1.

vos: et quae sequuntur. Venisse se dicit ad eos, non in sublimitate verbi, sed in virtute sermonis; ut doctrinam suam non ostenderet esse seculi, sed supernam: quatenus et illi secularia deferentes, ad divinae contemplationis conscenderent summitatem. Ostendens etiam, quantum sapientia caelestis ab humana discreta sit; nam si Iudaei verba prophetica percepissent, numquam Dominum gloriae crucifigere maluissent: alta sunt enim divina mysteria; nam sicut infirmitates, quae in homine sunt, spiritus eius novit; ita quae in Deo profunda sunt, solus ipse cognoscit: quapropter, ut de Deo loquatur, non a mundi spiritu, sed a divinitate sibi asserit fuisse collatum: ostendens spiritalem virum omnia iudicare, ipsum vero a nullo posse iudicari: quod Esaiae prophetae confirmavit exemplo. v. 13.

V. Et ego, fratres, non potui loqui III. 1.
vobis quasi spiritualibus, sed quasi carnalibus. Pro ipsis initiis non se dicit Corinthiis locutum fuisse plenissime
di.

divinitatis arcana ; sed potius tamquam parvulis lactis pocula contulisse : nam cum faciant illa , quae mundi sunt , probant , se perfectam doctrinam adhuc minime percipere potuisse : quippe dum carnaliter sapientes dicerent , *ego sum Pauli , ego Apollinis* , quando perfectus fidelis Christi se famulum confitetur esse , non hominis . Praedicatori enim suo nullus hoc potest debere , quod Deo ; operas autem hominum , quae tamen supra fundamentum Christi aedificantur , per tribulationes , et diversas necessitates huius seculi dicit esse purgandas : sicut Pater Augustinus in libro *Enchiridion* plenius explanavit .

v. 4. Vulg.
ego Apollo.

III. 16. VI. *Nescitis , quia templum Dei estis , et Spiritus Dei habitat in vobis ?* et cetera . Templum Dei baptizatos esse confirmat ; quoniam eos Spiritus Sanctus inhabitat , quibus iam commune nil debet esse cum vitiis : praecipue monens , ut si quis se mundi existimat sapientem , ad divinam potius agnitionem recurrat ; quae vere prudentes efficit , et beatos : dicens , omnia esse fidelium , quae consequenter enumerat ; fideles autem Christi , Christum autem

autem Dei : quod a parte dictum est humanitatis. Addit etiam, non se metuere, ut ab hominibus iudicetur; sed ne putaretur elatio, conscius se suorum non dicit esse bonorum; quando in iudicio Dei cuncta sint posita, ubi actus omnium manifesta dilucidatione cognoscitur. Haec autem, quae superius dicit, adeo et ipse in se, et Apol-
 lo discipulus eius transfigurata esse testatur, ne quid in suis viribus praesumptio humana consideret: optans eos in fide regnare, ut cum ipsis possit mixta caritate gaudere. *

VII. Puto enim, quod nos Deus Apo- IV. 9.
 stolos novissimos ostendit: et reliqua. Propter Evangelium Christi Apostolus se dicit, diversis iniuriis atque necessitatibus subiacere; cum filii eius spirituales in Christo sint nobiles, et felices: rogans, ut in viis eius omni-
 modis perseverent, qui sibi supernae praedicationis patrem esse voluerunt: arguens eos, qui se inflati de seculari gloria iactitabant; cum regnum Dei non in sermone vacuo, sed in virtute sit positum. Minatur etiam eis, ne illum cogant ad se venire * sub corre- suppl. mss.
 ptione, quam gratia. 2^{is}

VIII.

V. r. VIII. *Omnino dicitur inter vos for-*
natio, et talis, qualis nec inter Gen-
tiles nominatur. Increpat Corinthios,
 Vulg. *Om-* *cur habeant inter se, qui novercae*
nino audi- *talis forni-*
tur &c. &c. *catis &c.* suae coniugio copulantur; dum mo-
 dicum fermentum totam malsam cor-
 rumpat: sed illum, qui talia commi-
 sit, temporaliter tradendum iudicat
 diabolo in interitum carnis; ut spiri-
 tus eius in iudicio Domini poenas per-
 petuae damnationis evadat. Vetat eti-
 am vel cibum cum his sumere, qui
 se decreverunt impia conversatione
 tractare; sed auferendos dicit de me-
 dio, ne conspectis talibus reliqui pol-
 luantur: decet enim, fratres regulis
 vivere constitutis: de illis autem, qui
 foris sunt, divina disceptatio iudica-
 vit.

VI. r. VIII. *Audet aliquis vestram habens*
adversus alterum iudicium: et cetera.
 Vulg. *ba-* Iniquorum hominum vitandum dicit
bens nego- esse iudicium, et sanctorum potius ex-
tium. petendum, qui etiam mundum in fu-
 tura disceptatione iudicabunt. Culpat
 deinde, cum iniuriam fratrum non su-
 stineant, sed ipsi potius in eos impia
 voluntate prosiliant. Enumerat etiam,
 quibus vitiis inhaerentes ad regnum.
 Do-

Domini non accedant : illis scilicet ,
 qui usque ad vitae exitum in talibus
 criminibus perseverant : fornicatio-
 nem dicens omnimodis execrandam ,
 cum corpora nostra vitiet , quae mem-
 bra sunt Domini : nam qui emptus est
 magno pretio , iam non debet diabo-
 lo servire , sed Christo .

X. *De quibus autem scripsistis mihi : VII. 1.*
bonum est homini mulierem non tangere.
 Praecipuum quidem esse dicit , nulla-
 tenus cum muliere misceri : coniuga-
 tos autem monet , ad tempus abstinere ,
 ut orationibus vacent ; posteaque
 redire ex consensu ad usum matrimo-
 nii sui , ne temptatione diaboli pro-
 bentur intercipi : quod tamen secun-
 dum indulgentiam , non secundum im-
 perium , praedicat esse faciendum .
 Vult enim omnes abstinentes esse , si-
 cut ipse est ; quod si nequeunt absti-
 nere , tunc iungantur uxoribus : sepa-
 rari autem debere non dicit , qui in
 unam copulam foederis convenerunt .

XI. *Si quis frater uxorem habet in-* VII. 12
fidelem : et quae sequuntur . Si quis fi-
 delis uxorem habet haereticam , vel
 paganam , monet , eam statim non
 debere derelinqui ; sed impensa cura

recorrigi : quod simili modo devotam dicit efficere mulierem ; nam si quis eorum in pravas sectas permanere voluerit , tunc fas esse a fidele contemni : quoniam cum obstinatis , et perditis nulla potest esse concordia . Subiungit etiam , nullam esse salutem in praepudio , vel in circumcisione , nisi in mandatis Dei , quae ad novum pertinent testamentum . Praeterea commonet , ut sive servus , sive liber ad fidem vocatus fuerit , sine discretionem aliqua conditionis in catholico dogmate perseveret ; quando in iudicio Christi fidelis servus infideli Domino recte praepositus .

VII. 25.

XII. *De virginibus autem praeceptum Domini non habeo : et reliqua .* Laudat quidem virginitatem , sed permittit quoque coniugia ; ostendens in nuptas personas facilius spiritalia cogitare , quam coniuges : omnibus tamen praecipit , non amare quae mundi sunt , quia figura huius saeculi statuto sine praeteribit . Simili modo parentes commonet , dicens , primum , quidem esse , qui servat virginem filiam suam , secundum , ut eam marito congrua temporis maturitate contrahat :

dat : mulier autem , quae fuerit a marito derelicta , si abstinere non potest , nubat ; *remedium* est enim coniugio *leg. melius* copulari , quam libidinis libertati de- relinqui : multo tamen melius esse con- firmans , si in viduitate permaneant . Talia vero praecepta divino se asserit praedicare consilio .

XIII. *De his autem , quae idolis im-* VIII. 1.
molantur : et reliqua . . . Dicit quidem . Vulg. *De*
nihil esse idola , sed carnes vetat co- *his &c. sa-*
medi , quae talibus videntur offerri : *crificantur*
ne infirmitas fratrum non decernat
horre , quod paganos constat effice-
re . Itaque fit , ut ad illum redeat er-
rorem credentium , qui culpis prae-
stat initium ; quapropter non se man-
ducare dicit in aeternum , quidquid
fratrem potest scandalizare carissimum :
pro quo caelorum Dominum in asum-
ta carne constat occisum .

XIII. *Non sum liber ? non sum Apo-* IX. 1.
stolus ? non Iesum Christum Dominum
nostrum vidi ? Apostolum se quidem . . .
dicit eorum esse , quos sacra institu-
tione formaverat ; cui potestas erat
cibos accipere , et matrimonio copu-
lari , sicut et aliis Apostolis liberum
fuit , qui uxoribus adhaerebant : sed

C omnia

*

omnia se dicit libenter sufferre , ne quod offendiculum Evangelio Christi afferre videretur : pro qua re nec ab ipsis se aliquid velle dicit accipere , quamvis a Domino permisum esse noscatur ; ne tantorum laborum gloria tali compensatione vacuetur .

IX. 16. *V. evangelizavit* XV. *Nam si evangelizem , non est mihi gloria :* et cetera . Quadam necessitate se dicit evangelizare , ut instantiam probetur effugere : dicit enim debitum se solvere , si commissa sibi videatur velle peragere : ait enim omnibus se humiliare , ut eos potuisset adquirere . Nam si illi , qui currunt in stadio , abstinere non desinunt , ut praemia humana percipiant ; quanto debet studio potiori futurae beatitudinis corona perquiri ? Se autem non dicit in vanum currere , nec pugnis aëra verberare ; ne quod est omni infelicitate miserius , praedicans aliis , ipse possit reprobis inveniri .

X. 1. XVI. *Nolo autem vos ignorare , fratres , quoniam patres nostri omnes sub nube fuerunt .* Admonet Corinthios , ut quae prioribus temporibus Iudaeis facta sunt , ad Christum Dominum pertinuisse cognoscant : deinde , ut poe-
nas

nas eorum gravissimas paveant, et a culpis similibus novus populus arceatur: monet etiam, ut Dominum temptare non debeant, sed sperare, ut temptationes carnales eius dono pietatis evadant, cuius misericordia geritur, ut a saeculi istius sceleribus evadatur.

XVII. *Propter quod carissimi mihi*, X. 14.
fugite ab idolorum cultura: et reliqua.
 Sicut participes sunt mensae Domini, qui in unam communicationem conveniunt, ita participes sunt mensae daemoniorum, qui una superstitione iunguntur: et ideo sibi convenire non possunt, quae discreta qualitate divisa sunt. Quapropter si quis dixerit immolaticium esse, propter conscientiam non oportet attingi: si vero ignoratum fuerit, in nomine Domini manducetur. Scriptum est enim in Psalmo, Psalm. 23.
Dominus est terra, & plenitudo eius.
 Nam sive manducetur, sive bibatur, sive aliquid aliud honeste fiat, omnia in gloria Domini constat esse facienda. Monet etiam, ut sine offensione tractare se debeant, et Ecclesiae placere, sicut et ipse cognoscitur effecisse.

XVIII. *Imitatores mei estote, fratres,* XI. 1.
in Vul. de-
est fratres

tres, sicut et ego Christi: et quod sequitur. Corinthios monet Apostolus, ut sicut ipse imitatur Christum, ita illum debeant fideles imitari. Sic autem fieri potest, si illud quaerant, quod multis, non quod sibi possit utile comprobari. Docens caput viri, esse Christum, caput autem mulieris virum, caput vero Christi, Deum: quod dictum ab humanitate recte percipitur; ut tali distinctione recognita ordine suo debeant cuncta pensari. Suadet quoque viros, ut velato capite orare non debeant; quoniam Deo subditum esse, libertas est. Mulieres autem recto capite Domino praecipit supplicare, ut eas viris suis subditas esse declararet.

XI. 16.

XVIII. Si quis autem videtur contentiosus esse; nos talem consuetudinem non habemus. Populum Dei contentiosus quidem perhibet non amare; dicens, ecclesiasticum conventum, pacis votum, non studium habere rixarum: oportere tamen dicit haereses esse, ut inter eos probati manifesta debeant puritate cognosci. Arguit quoque illos, qui non sustinentes conventum, singillatim celebrationem cupiunt habere

bere Missarum : exemplum, reddens
Caenae Dominicae, in qua regulam
fidei non singulis, sed in unum cun-
ctis dixit Apostolis.

XX. *Itaque quicumque manducaverit* XI. 27.
panem, et biberit calicem, corpus, et Vulg. panem hunc,
* *sanguinem Christi.* Rectae fidei, et vel biberit calicem.
operum bonorum conscium dicit debe- Domini in-
re percipere, ne non tam remissionem digne, re-
peccatorum, quam damnationem su- us erit cor-
am videatur appetere: nam si nos ipsi poris, &
nos iudicamus, in iudicio divinitatis sanguinis
absolvimur. Quapropter in celebratio- Domini.
ne Missarum invicem dicit caritatis
studio sustinendum; nam si ad muta-
simulacra cum reverentia videbantur
ascendere, quanto magis ad Deum,
verum sine blasphemiiis, et contentio-
nibus mente debent purissima conveni-
re? Dominus enim Christus non blas-
phemiis appetendus, sed in Spiritu
Sancto magno studio devotionis hono-
randus est.

XXI. *Divisiones autem gratiarum* XII. 4.
sunt, idem Spiritus: et sequentia.
Quamvis divisiones gratiarum mul-
tae sint, unum tamen esse Dominum
confirmat auctorem, qui omnia haec
operatur in omnibus. Hoc etiam mem-

brorum , et corporis probavit exemplo ; dicens , aliud quidem visum agere , aliud manum operari , aliud pedem efficere ; sed invicem sibi mutua complexione sociari . Sic in Ecclesia Dei licet multa sint sanctitatis officia , adunatione caritatis , omnia sibi tamen necessaria esse noscuntur .

XIII. 1. XXII. *Si linguis hominum loquar , et Angelorum : et reliqua .* In hoc capite commendat omnino caritatem ; ita ut nullam virtutem sine ipsa prodesse commemoret : definit etiam quae respuat caritas , quae sequatur ; nam licet alia dona , idest fides , et spes in futuro saeculo conquiescant , sola caritas permanet in aeternum : quam dicit omnimodis expectandam .

XIV. 2. XXIII. *Qui enim loquitur lingua , non hominibus loquitur , sed Deo : et cetera .* Inter scientiam linguarum , et prophetiam , magnam dicit esse distantiam : quando scientia linguarum non est omnibus nota , prophetia vero ecclesias instruit , et intelligentes muneribus supernis aedificat : instrumentorum ponens exempla musicorum , quia nisi intellectum fuerit , quod tibiis , aut tuba canitur , auditus non potest

potest haberi proficius, multis probationibus docens, maiorem esse prophetiam, cui magis eos studere commonet, quam diversarum linguarum multifariae qualitati.

XXIII. *Ideo qui loquitur lingua*, XIV. 13.
oret, ut interpretetur: et quae sequuntur. Adhuc in eadem facienda discretionem remoratur; multis probationibus docens utiliore esse interpretationem Dominici sermonis, quam linguarum multifariam locutionem. Asserens, non esse orationem proficiam, quae sine intellectu depromitur: ita et doctrina caelestis, si non intelligatur, a plurimis putatur insania; nam si quis idiota prophetantem audiat, et quae dicit intelligat, tunc cadit in faciem suam, et publice annuntiat, quod vere Domini locutus est per ipsum.

XXV. *Quid ergo est fratres? cum*, XIV. 26.
convenitis, unusquisque vestrum: et cetera. Ab hominibus, qui in Ecclesia docent, dicit magnopere providendum, ut auditores suos debeant divinis iussionibus erudire. Si cui vero de sedentibus sermo Dei fuerit relevatus,

quoniam interpretationes prophetarum asserit esse prophetias : prophetarum quippe intelligentiam prophetis dicit esse subiectam . Mulieres quoque propter infirmitatem sexus sui prohibet in ecclesia loqui ; sed quod ignorant , domi eas discere praecipit a maritis , ut tali lege compositae , simul et scientiam , et modestiae munera consequantur .

XV. 1. XXVI. *Notum autem vobis facio , fratres : et reliqua .* Breviter notum facit Evangelium , quod praedicaverat cunctis ; nam tradidisse se dicit universis , Christum mortuum pro nostris esse peccatis , et quoniam tertio die resurrexit a mortuis : qui licet multis fratribus post resurrectionem fuerit visus , a se quoque tamquam a minimo , et abortivo refert esse conspectum : gratiam Domini de se plurima humilitate commendans , quo resurgente resurrectio mortuorum non debet abnegari ; quoniam omnis doctrina sancta destruitur , si de cordibus humanis credulitas ista tollatur : pulcherrima nimis definitione complectens , resurrectionem esse Domini primitias dormientium .

XXVII.

XXVII. *Quoniam quidem per homi-* XV. 21.
nem mors , et per hominem resurrectio
mortuorum . Sicut per Adam dicit ho-
 mines mortuos , ita per Iesum Chri-
 stum proveniet omnium resurrectio
 mortuorum . Mors autem in fine sae-
 culi destruetur , quando Dominus Chri-
 stus advenerit : subiectus semper erit
 Patri a natura humanitatis assumptae,
 postquam illi fuerint cuncta subiecta ,
ut sit Deus omnia in omnibus . Qui v. 28.
 vero ista non credunt , sicut dicit Io-
 hannes Apostolus , Antichristi nomine
 censebuntur . Obicit etiam verba du-
 bitantium , in quali corpore resurgat
 ille , qui mortuus est : quae semina-
 tionis triticeae facta comparatione de-
 struxit : dicens , si granum tritici ca-
 dens renascitur innovatum , quanto
 magis corpora , quae mortua sunt ,
 Domini iussione reparanda sunt !

XXVIII. *Non omnis caro , eadem* XV. 39.
caro : et cetera . Primo totius carnis
 distantiam facit ; deinde caelestia , et
 terrena corpora facta sequestratione
 discernit ; postremum mirabili narra-
 tione praedicat , quantum in illa re-
 surrectione natura hominum per Chri-
 stum Dominum meliorata proficiat :
 my-

myſterium reſurrectionis ipſius indubitata praedicatione deſcribens . Monet etiam , ut conſiderantes alia , in fide ſuſcepta , et bonis operibus perfeverent . Collectas vero , quae ſanctorum neceſſitatibus praebebantur , ex more praecipit fieri ; antequam ad ipſos cum venire contingat : alios fratres commendans , alios ſalutans , et ut credentium perfectiſſime corda roboraret , anathema dicit in adventu Chriſti ſuppl. *ei* ſi futuro * , qui Dominum non amat Chriſtum : ſalutans eos , et epiſtulam praefentem ſolita benedictione concludens .

AD CORINTHIOS

SECUNDA.

|| I. I. **I.** *Paulus Apoſtolus Ieſu Chriſti per voluntatem Dei : et cetera .* Cum Timotheo fratre ſcribit Eccleſiae Dei , quae eſt Corinthi conſtituta , idem complectens et eis , qui per univerſam Achaïam in ſancto propoſito permanebant ; gratiam illis , et pacem concedi poſtulans a Deo patre noſtro , et Domino Ieſu Chriſto : iſtis enim nomina-

minatis , et Spiritus Sanctus abunde memoratus est : unus enim ex Trinitate dictus totam plenissime complectitur Trinitatem.

II. *Benedictus Deus , et Pater Domini nostri Iesu Christi : et reliqua.* I. 3.
 Consolatum se dicit a Domino in omni tribulatione sua , ut et ipse pari modo consolaretur in calamitatibus constitutos ; et ideo ad Corinthios scribit , quatenus sicut in passione socii , ita in consolationibus Christi participes esse mererentur . Refert etiam quae in Asia mala pertulerunt : Deo gratias agens , quod orationibus eorum ad instruendos populos de tanta fuerit clade liberatus : unde et fideles congratulari debent de prosperitate collata .

III. *Gloria nostra haec est , testimonium conscientiae nostrae : et cetera.* I. 12.
 Gloriam suam dicit testimonium conscientiae suae ; quoniam non in sapientia carnali , sed in gratia Domini conversatum se in hoc mundo fuisse testatur : praeconium suum dicens esse Corinthios , sicut et ipsorum probabatur Apostolus . Promittens , se quidem ad eos frequenter venire voluisse ; sed
 non

non fuit levitatis, qua minime constabat impletum : omnis quippe sermo ipsius praedicationis apud eos, exemplo Domini Christi, stabilis, non dubius fuit. Sed tamen ne quid suis viribus applicaret, Dei Filii, Iesu Christi dicit esse, quod confirmabantur in omnibus : ipse est enim, qui et unxit praedicatores, et signavit corda credentium.

- I. 23. *III. Ego autem testem Deum invoco in animam meam : et quae sequuntur. Pepercisse se dicit Apostolus, quod non venit ad Corinthum; ne gravis esset eis, qui erant aliqua obiurgatione culpandi : sed contristatio ipsorum aeternae causa salutis est; quando tunc discipuli Domino gratissimi fiunt, cum magistrorum correctione proficiunt. Patientiam quoque docens, petit, ut pareatur illi; qui cum contristasse dinoscitur : promittens, ideo se illi remisisse, ne desperatus intereat, sed potius diaboli laqueum conversus evadat : nam patere sibi dicit, diabolicae cogitationes quantis fraudibus decепtos interimant.*

- II. 23. *V. Cum venissem autem Troadem propter Evangelium Christi : et cetera.*
Gra-

Gratiam sibi dicit a Domino datam. Troade, atque in Macedonia, ut Evangelium Christi fidelium turba sequeretur: aliis se fuisse odorem mortis in mortem; aliis odorem vitae in vitam: similitudinem trahens animalium; quae ad res desideratas narium sagacitate perveniunt: eos magis dicens esse epistolam suam, qui praedicationes ipsius conscriptas in suis cordibus continebant. Tamen non se sufficientem ad talia perhibet, sed de Domini miseratione confidit; qui eum fecit idoneum novi, et veteris Testamenti veritate patefacta; non ad litteram intelligens, sed spiritualiter cuncta cognoscens; quoniam *littera occidit, Spiritus autem vivificat*. III. 2.

VI. *Quod si ministratio mortis litterae formata in lapidibus, fuit in gloria.* III. 7. Vulg. *litteris deformata*. Comparat scriptas tabulas, quae per Moysen datae sunt, et corda bene credentium: dicens illas plenitudine veniente vacuatas, quae in honore fuerunt usque ad adventum Domini Iesu Christi. Sed multo amplius erunt ista in aeterna laude firmissima, quae in cordibus fidelium Spiritus Sancti virtute descripta sunt. Quod sequenti

ar-

argumentatione consignat; ideoque in hoc dono dicit esse perseverandum, ut ex veritate praedicationis Deo, et hominibus esse debeamus accepti.

- IV. 3. VII. *Quod si etiam opertum est Evangelium nostrum, in his qui pereunt est opertum.* Velata dicit corda dementium Iudaeorum; quibus Evangelicus non relucet affectus. Quid enim dicendi sunt videre; quibus imago Patris Christus Dominus non resulget? credentes enim, quamvis necessitates creberrimas patiantur, omnia tamen praestante Deo superare noscuntur; et sicut propter Dominum afflictiones subeunt, ita cum ipso in aeterna gloria collocabuntur. Oportet ergo mortem ipsius desideranter expetere, ut et vitae premia mereamur accipere: nam omnia se dicit Apostolus discrimina subisse, ut cum ipsis mereatur in illa Domini remuneratione resurgere.

- IV. 16. VIII. *Licet enim is, qui foris est, noster homo corrumpitur, interior renovatur de die in diem.* Exteriorem hominem in nobis dicit esse corruptibilem, interiorem vero de die in diem renovari posse confirmat; quando ad Christianae fidei dogmata devotus accedit.

Vulg. sed
licet is &c.
corrumpatur;
tamen is, qui interior
est &c.

noster homo corrumpitur, interior renovatur de die in diem. Exteriorem hominem in nobis dicit esse corruptibilem, interiorem vero de die in diem renovari posse confirmat; quando ad Christianae fidei dogmata devotus accedit.

cedit. Iste tamen exterior homo, quamvis in isto saeculo duris necessitatibus pateat, in illa tamen resurrectione magna spe provectus exsultat: et ideo quamdiu in hoc saeculo sumus peregrini, Domino placeamus, ut in eius iudicio mereamur absolvi; ubi homo facta sua sive bona, sive mala iusta compensatione recipiet.

VIII. *Scientes ergo timorem Do-* V. 11.

mini, hominibus suademus, Deo au-

tem manifesti sumus. Manifestum se

quidem dicit Apostolus cordibus Co-

rinthiorum, non ad gloriam inanem,

sed ut se veraci declararet eloquio.

Praedicat etiam mortuum surrexisse

Dominum Christum, ut Deo reconcili-

aret perditum mundum: assumpsit

enim pro nobis carnem peccati, ut

nos redderemur gratiae muneribus ab-

soluti. Et ideo confidenter quaerendus

est Dominus, quoniam scriptum est in V. tempore

Propheta: tempore opportuno exaudi accepto, &

te, et die salutis adiuvari te: talis If. XLIX.

enim promittit, ut non possimus in- 8. placito

tercipi. &c. auxi-

X. Ecce nunc tempus acceptum, ecce liatur sum

nunc dies salutis: et sequentia. Quid VI. 2.

fit adventus Domini, magna brevitati. V. accepto

re

te definitur . Dicit enim , *ecce nunc tempus acceptum , ecce nunc dies salutis* : propter quod ait , nullam occasionem offensionis alicui praebendam ; sed quodlibet , et illud patienter sustineri ; ut sanctus populus Domino possit adquiri : quapropter ad incitamenta reliquorum , passionum suarum calamitates congruenter enumerat . Hortans eos , ut cum infidelibus non habeant portionem ; dissimilium rerum magnam faciens discretionem : quando tenebris , et luci non potest ullatenus convenire . Hoc quoque Numerorum , et Esaeae confirmavit exemplo .

VII. r. XI. *Has igitur habentes promissiones , carissimi , mundemus nos ab omni inquinamento carnis .* Post acceptas promissiones a vitiis carnalibus mundare se , fidelissimos et perseverare in sanctificationibus persuadet : plurimum gaudens , quod eos ad paenitentiam perductos , et passionum , et fidei suae participes sentiebat : subiungens necessaria divisione , quid intersit inter tristitiam , quae secundum Deum est , et tristitiam mundi : illa praestat paenitudinem , ista mittit ad mortem : nam propter Dominum contristati quantum profe-

profecerint , sequenti enumeratione declarat .

XII. *Igitur , etsi scripsi , non propter* VII. 12.
eum , qui iniuriam fecit : et reliqua . Vulg. scri-
 Scripsisse dicit , non accusans aliquem , *psi vobis .*
 sed illis notam faciens sollicitudinem
 suam : gratum sibi esse significans ,
 quod Tito fratri paruerint , eumque
 benigna mente susceperint ; ad aemu-
 lationem quoque Corinthios provo-
 cans , Macedones laudat , quod censu
 pauperes uberrate fidei sint referti : et
 ne iterum eos laus aliena morderet ,
 cum multis virtutibus pollerent , ta-
 men caritatis studio dicit eos esse com-
 pletos : ideoque illos hortatur , ne ad
 collationem faciendam aliquibus im-
 pares esse videantur .

XIII. *Scitis enim gratiam Domini* VIII. 9.
nostri Iesu Christi : et quae sequuntur .
 Adhuc eis collationis studium taliter
 persuadet , dicens , cum Dominus in
 semetipso dives , pauper sit factus pro
 nobis ; quanto maiori desiderio nobis
 debemus praestare , quod divinitatem
 humano generi cognoscimus contulisse ?
 et ideo unusquis pro viribus suis
 offerat , non se aliqua necessitate con-
 stringat : elemosyna enim illa Deo

D

gra-

grata est, quae sine animi taedio probatur oblata. Titum quoque laudat, quod ad aedificandos eos cum alio fratre venire non distulit; qui, ut bene susciperetur, ab ipso laudatus est. Se autem collationes ideo non dicit velle suscipere, ne ante homines, atque Deum aliquod erogationis scandalum oriatur.

VIII. 12.

Vulg. cum
illis & fra-
trem & fr.
Gr. αὐτῶν &
Hier. eti-
am cum
illo.

XIII. *Misimus autem cum illo fratrem nostrum, quem probavimus saepe.* Iterum commonet, ut praesentibus eis, qui directi sunt, statuta collatio praeparetur; ne praedicata eorum benignitas aliter fortasse debeat inveniri: dicens, eorum devotionem ad similitudinem boni provocasse quam plurimos; mirabilem regulam elemosynae ponens; tantum unumquemque de ipsa metere, quanta visus est largitate seminasse. Huic autem rei Davidicum praestatur exemplum.

IX. 10.

leg. ad e-
scam sub-
ministra-
bit. Vulg.
ad man-
ducandum
praestabit.

XV. *Qui subministrat semen seminanti, & panem ab esca subministravit.* Adhuc de Elemosynae virtute pertractat; dicens, multo amplius Deum retribuere, quam possunt egentibus dare pecuniae largitores; nam et illi qui accipiunt, orationibus suis maiora confe-

conferunt , quam suscipere potuerunt .
In carne se quidem ambulare dicit ,
sed carni se militare non asserit : quan-
do superstitiones mundi se profitetur
ita velle destruere , ut vero Domino
debeant cuncta servire : ammonens
adulationes , et blandimenta secularia
omnimodis esse praecavenda .

- * XVI. *Videte : si quis confidit sibi* , X. 7.
boc cogitet iterum apud se : et cetera . Vulg. *Qua*
Verat , hominem singularem se apud *secundum*
Deum putare , sed membrum se poti- *faciem*
us cognoscat Ecclesiae . Ipse tamen , *sunt , via*
si quid paululum gloriari voluerit de *dete . Si*
potestate concessa in aedificatione cun- *quis con-*
ctorum , non videtur absurdum ; ma- *fidit sibi*
ior est enim honor magistri , quam *Christi se*
devotio potest esse discipuli . Respon- *esse .*
det etiam de se disputantibus , tales
debere iudicari transmissas epistulas ,
qualis in opere complendo eius potest
esse praesentia : illos autem solos lau-
dandos esse confirmat , qui non a se-
metipsis , sed commendantur a Domino .

- * XVII. *Utinam sustineretis modicum* XI. 1.
insipientiam meam : et reliqua . V. *modi-*
Susti- *cum quid*
neri deprecatur insipientiam suam , *insipientia*
quando aemulatione Christi populos *mea .*
desiderabat adquiri : nam in Ecclesiae

typo desponsatum dicit populum Domino Christo; sed veretur, ne Diabolo seducente falsis praedicationibus pervertantur a regula castitatis. Afferit quoque nullo illis sumptu se fuisse gravem; ostendens in transitu, qualis debeat esse praedicator: passiones quoque suas, et liberationes enumerat; non ut iactantiae vitia praesumeret, sed ut talia cognoscentes Christo Domino libentius subderentur.

- XII. 1. XVIII. *Veniam autem ad visiones, et revelationes Domini*: et quae sequuntur. Venit ad mirabiles visiones, et revelationes eximias, in quibus se raptum dicit ad tertium caelum, et arcana verba in paradiso cognovisse, quae homini non licet loqui. Tamen non in his visionibus, sed potius in infirmitatibus suis se dicit velle gloriari; quatenus in ipso Christi virtus semper possit augeri: diversas etiam clades enumerans, asserit, se non minus in eis a ceteris Apostolis in sancta fide laborasse: cum tamen sumptum ab ipsis cognoscatur nullo modo percepisse; quatenus res ista recognita maius illi studium caritatis augeret.

- XII. 14. XVIII. *Ecce tertio hoc paratus sum veni-*

venire ad vos, et non ero gravis vobis. Paratum se quidem dicit, ut ad eos veniat, sed tamen nihil de ipsorum facultate praesumat: docens, filios non parentibus, sed parentes thesaurizare potius filiis suis. Commonet etiam eos, ut correpti vivant in Domino, ne veniens lugeat eos, quos cognoverit militasse diabolo: minatur quoque Corinthiis increpationes suas, quia etsi Christus carne sit mortuus, vivit tamen in Deitatis suae gloria sempiterna; sicut omnes in ipso vivunt, qui illi credere pura mente maluerunt. Deinde temptare se, et iudicare in fide unumquemque debere dicit, si Christo Domino possit adiungi; ille enim ipsius esse dinoscitur, qui reprobis non habetur.

XX. *Oro autem Dominum, ut nihil male faciat*: et sequentia. Orare se dicit, ut populus fidelis ante conspectum Domini gloriosus appareat: non ut ipse de illorum correptione praedicetur, sed ut ille potius de sua probitate laudetur. Se vero gratissime ferre dicit, quando propter passiones suas infirmus, et humilis invenitur; illi autem in Christo Domino conspiciuntur.

XIII. 7.
V. oramus
autem Deum.

tur nobiles, et potentes. Deinde consulto se talia dicit scribere, ne praesens Dei populum asperere videatur arguere. Salutat plebem sanctam, et Ecclesiarum salutationes studio caritatis adiungit; benedictionem quoque populo solita pietate concedens.

A D G A L A T A S.

I. 1.
Vulg. ne-
que per ho-
mines.

I. **P**aulus Apostolus non ab hominibus, neque per homines, sed per Iesum Christum, & Deum Patrem. Cum se dicit Apostolum, non ab hominibus factum, sed per Iesum Christum, et Deum patrem, destruit eos, qui se Apostolos humana praesumptione vocitabant: istis enim temporibus a falsis praedicatoribus vehementer turbabantur ecclesiae; quas salutat cum omnibus fratribus, qui erant cum eodem; et in ipsa salutatione benedicit, ut ad percipienda verba Domini possint idonei comprobari. Et nota, quod tota Epistula contra falsos praedicatores est edita, qui iam baptizatos etiam circumcidendos esse firmabant.

I. 6. II. *Miror, quod sic tam cito transfe-
rimini*

rimini ab eo , qui vos vocavit : et reliqua . Increpat eos , qui falsis praedicatoribus seducti , a percepta fidei regula deviant : statuens , ut si quis alter evangelizare velit praeter hoc , quod ab ipso constabat esse praedicatum , anathema sit : asserens revelationem suam humanam non esse scilicet , sed divinam . Probat hoc copiosius per antea vitae suae contrariam voluntatem ; ut qui prius fuerat expugnator Ecclesiae , voluntate Domini correctus , devotus eius praeceptionibus appareret . Dicit , se etiam de Hierosolyma venisse , ut Petrum videret , et Iacobum : deinde Syriam , et Ciliciam esse profectum ; iterumque redisse Hierosolyma , ut exponeret eis Evangelium , quod praedicabat in Gentibus . Eos autem , qui nitebantur populos falsa praedicatione confundere , in praesenti dicit esse convictos , ut veritas Evangelii manifestis probationibus appareret .

III. Mibi enim qui videbantur , nihil contulerunt : et cetera . Evangelium Christi non se dicit a fratribus accepisse , sed divina sibi inspiratione collatum : propter quod refert , dex-

*II. 6.
Vulg. qui videbantur esse aliquid .*

tras sibi dedisse Petrum, Iacobum, et Iohannem, ut illi circumcisioni, isti vero praepotio praedicarent: nam et Petro Antiochiae se perhibet restitisse, dicens ei; *si tu, cum sis Iudaeus, gentiliter, et non Iudaice vivis, quomodo Gentes cogis Iudaizare?* ut tam Hebraei, quam Gentiles ad fidei gratiam non ad legis restricta cogerentur, quae nullus hominum possit implere: unde Petrus magnae mansuetudinis, et patientiae monstravit exemplum; ut tantus, ac talis Apostolus increpatus corrigeret*, quam se humano more improbis allegationibus excusaret: gratiam enim se praedicasse dicit, gratiam et praecepit custodiri, ne mors Domini Christi irrita, atque evacuata esse videatur.

videtur
supple-
dum po-
tius.

III. r. III. *O insensati Galatae, quis vos fascinauit?* et quae sequuntur. Arguit Galatas, ut cum doctrinam acceperint, in gratia Christi, eumque propriis oculis per Apostolicam doctrinam viderint crucifigi, ad legis opera iterum sint reversi: quod Christiane fidei contrarium positum probabit exemplis. Filius autem Dei ideo carne crucifixus est, ut nos a legis ma-

maledicto redimere, et promissio Abrahæ Christo credentibus impleretur : dicit enim, promissionem Abrahæ factam non in seminibus, sed semini eius, ut in Domino salvatore pollicitationem promulgatam evidenter ostenderet : nam si hæreditas esset ex lege, quæ post cccc. et triginta annos facta est, ex promissione, quæ præcessit, utique non fuisset : sed cum Abrahæ longis ante temporibus constet fuisse promissum, evidenter apparet, hæreditatem istam ex lege non venisse, sed gratia : conclusit enim omnia Deus in peccato per legem, ut veniente Iesu Christo ex fide donaretur hæreditas.

V. *Itaque lex paedagogus noster fuit* III. 24. *in Christo* : et reliqua. Qua ad adventum Domini timorem legis dicit nobis fuisse paedagogum : postquam vero baptismum venit, sine discretionem sexus, aut condicionis alicuius sibi filios fecit : diversis argumentationibus probans, non eos debere ad servitium idolorum reverti, unde iam probabantur egressi. Commonet etiam, ne falsis suasoribus adquiescant, cum et maximam gratiam prædicato-

ri

ri praestiterint ; et se bene institutos esse cognoscant : unde prudenter efficiunt , si ad meliora charismata tendunt , et absente Apostolo divina institutione proficiunt.

IV. 19. VI. *Filioli mei , quos iterum parturio , donec Christus formetur in vobis : et cetera .* Adhuc eos arguit , qui se volunt sub lege magis esse , quam gratia ; proponens eis , Abraham duos filios habuisse , unum de ancilla , qui carni fuit obnoxius , et alterum de libera , qui secundum promissionem natus esse cognoscitur : ille pertinens ad legem , iste ad gratiam fidei. Cur ergo deteriora volunt eligere , cum se sciant accepisse meliora ? exemplis , et sententiis multo meliorem fidei gratiam probans , quam est in lege praesumptio : quapropter abicere debent persuasiones illicitas , ne iniquitatis fermento proveniat totius malsae vitiosa corruptio.

V. 10. VII. *Ego confido in vobis in Domino , quod nihil aliud sapietis : et reliqua .* Confidere se dicit in eis , quod falsos praedicatores ulterius audire non velint , suadens illis , contentiones improbas non amare , sed in una so-

societate Deum Dominum debere perquirere : quando omnis lex uno sermone probatur impleri : *diliges proximum tuum tamquam te ipsum* : mirabiliter aperiens eis , vitia carnis , spiritualesque virtutes : monens eos , ut in gratia magis , quam praesumptione legis debeant ambulare .

VIII. *Fratres , etsi praecoccupatus fuerit homo in aliquo delicto* . VI. r. Commonet,

ut lapsis fratribus mansuetudo digna praestetur ; sic enim legem Domini complemus , si alter onera portet alterius : sequitur etiam , ut catechizatus catechizanti morum probitate respondet ; quatenus quibus aures aperiuntur , doctrinam fidei cum suis debeant communicare doctoribus : subi-

ciens , *qui seminat in carne , metet corruptionem ; qui autem seminat in spiritu , vitam metet aeternam* . Quapropter circa omnes bona facienda sunt , sed maxime domesticis Fidei tribuenda benignitas est ; quando fructus laboris in futura iudicatione percipitur .

Exponit etiam , praedicatores falsos adeo illis velle subreperere , ut crucem Domini salvatoris evacuent : Apostolus enim illa cruce gloriatur , per quam

v.8. Vulg.
qui seminat in carne sua , de carne & metet &c.
de spiritu metet vitam .

quam ipse mundo , et illi crucifixus est mundus : in Christo enim neque circumcisio , neque praeputium aliquid valet , sed sola hominis per fidem innovata perfectio . Se autem stigmata Christi , idest crucis vexillum , quod in diversis passionibus sustinebat , gestare profitetur , epistolam suam sanctissima benedictione concludens .

A D E F E S I O S .

- I. 1. **I.** *Paulus Apostolus Iesu Christi per voluntatem Dei ; et sequentia .* Voluntate Domini creberrime se vocatum dicit Apostolum , ut eos destrueret , qui hunc honorem humanis praesumptionibus appetebant . Scribit ergo sanctis , et fidelibus Efesiis , benedictionem solitam paterna caritate subiungens ; ut gratiam , et pacem a Patre , et Christo Domino consequantur : ubi tamen sancta Trinitas religiosa devotione sentitur .
- I. 3. **II.** *Benedictus Deus , et Pater Domini nostri Iesu Christi . et quae sequuntur . In primis Deo Patri gratias agit ,*

agit, et Domino nostro Iesu Christo; cuius voluntate praedestinatum se dicit Apostolum: gratiam unanimatis eorum multiplici laude concelebrat; asserens et Efesios eadem munificentia fuisse completos. Quapropter orare se perhibet, ut excellentiam fidei, et magnitudinem revelationis accipiant; quatenus tanti mysterii secreta cognoscant, et intelligant per verissimam fidem, sedere Iesum Christum ad dexteram Patris, quem constituit super omnem principatum, et potestatem, et virtutem, et dominationem; et reliqua, quae de ipso mirabili narratione praedicantur.

III. *Et vos, cum essetis mortui delictis*: et reliqua. Ea nunc iterum docet, quae illos primitus optavit agnoscere; quia peccatis suis mortui fuerant sub diabolo, sed nunc vivificati probantur in Christo: asserens, non hoc humanis meritis tributum, sed divina gratia fuisse collatum: hoc credendum, hoc tenendum distinctissime persuadens; nam qui prius inter Gentes fuerant adeo longe positi, nunc proximi facti sunt in sanguine Domini Christi; qui dissidentes duos populos
Hc.

Hebraeorum ; atque Gentilium in unum novum hominem per crucem suam pacis vinculo colligavit ; accessum per se praebens ad Patrem in uno spiritu , in una fide credentibus .

II. 19.
Vulg. &
advena .

IV. *Ergo iam non estis hospites , et peregrini , sed estis cives sanctorum : et cetera .* Dicit eos in Christo Domino aedificatos , in quo , et Apostoli , et Prophetæ ipsius probabantur esse constructi : quod ante quidem Gentibus videbatur ignotum , sed in Spiritu Sancto fidelibus constat esse revelatum . Quam dispensationem perhibet nunc sibi creditam , ut praecedentibus beatis coheredes fierent Gentes in Domini sanguine salvatoris ; cuius se ministrum dicit factum , ut per universam Ecclesiam sancti Evangelii praedicatio beata discurreret : unde petit a Domino , ne eorum possit fides deficere , qui talia noscuntur praemia suscepisse .

III. 14. V. *Huius rei gratia flecto genua mea ad Patrem Domini nostri Iesu Christi .* et reliqua . Rogare se pro eis Patrem Deum dicit , ex quo omnis paternitas in caelis , et in terra nominatur , ut habitet Christus in cordibus eorum ; quatenus possint comprehendere , quae
sint

sint magnalia Domini, et caritas Christi. Obsecrat etiam eos, ut cum patientia, et humilitate in suscepta fidei regula perseverent; et unitatem spiritus custodiant in vinculo pacis: fidei siquidem rectae una societas, unus est Deus. Subiungens diversa dona dedisse sanctis suis Filium Dei, scilicet in aedificationem Ecclesiae, donec resurrectio futura proveniat; in qua omnes in mensuram aetatis Christi, sed diverso sexu resurgimus. Nam cum dicat Dominus in Evangelio, *in resurrectione non nubent, neque nubentur*, Matth. XXII. 30. evidenter ostendit, masculos resurgere posse cum feminis.

VI. *Hoc iterum dico, et testificor in Domino.* et sequentia. Hortatur eos, ut sicut prius fecerunt, nationum vanitate non ambulent; describens, in qua ceterae gentes caecitate versentur: sed in sapientia, qua vocati sunt, novum hominem induant; qui secundum Deum creatus esse dinoscitur: utriusque rei, sive quae vitanda, sive quae sequenda sunt, distinctas, ac lucidas enumerationes insinuans. Quapropter imitare debent Dominum Christum, qui se in odore suavitatis obtulit pro salute cunctorum.

VII.

V. 3. VII. *Fornicatio autem, & omnis in-*
Vulg. in munditia, aut avaritia, nec nominetur
vobis. *inter vos.* Perfecto magisterio noxia
 prohibet, et utilia persuadet; nam si-
 cut criminibus vindictam, ita perhibet
 virtutibus venire praemia: dicens fu-
 gienda, quae Dominus prohibet, se-
 quenda vero, quae praecepit. Et ne
 quis boni aliquid suis viribus applica-
 ret, in omnibus monet, debere nos
 subiectos esse Deo, et agere gratias
 Domino Christo, qui nos protegere,
 ac gubernare dignatur.

V. 12. VIII. *Mulieres viris suis subditae sint,*
sicut Domino. et quae sequuntur. Mu-
 lieres viris suis commonet debere sub-
 di, sicut et Ecclesiam Christo subie-
 ctam esse confirmat. Ut sensum per-
 fectae caritatis infunderet, eodem mo-
 do praecepit a viro uxorem diligi, si-
 cut Christus amavit Ecclesiam: dicens,
 quia carnem propriam fovet, qui ux-
 orem suam diligit. Filios quoque am-
 monet, et parentes, ut mutua sibi of-
 ficiositate socientur: servos etiam, et
 dominos, quemammodum se invicem
 debeant tractare, commonuit: omnes
 tamen generaliter instruit, ut contra
 diaboli insidias armis caelestibus indu-
 antur.

antur . Pro se quoque dicit orandum ,
ut ei libertas Sancti Spiritus tribuatur ,
quatenus ad docendum possit idoneus
inveniri : nam Tychicum illis dicit
omnia referre , quae gesta sunt ; epi-
stulam suam salutationis caritate con-
cludens :

AD PHILIPPENSES.

I. **P**aulus , & Timotheus , servi Iesu I. 1.
Christi , omnibus sanctis in Chri-
sto Iesu , qui sunt Philippis : Saluta-
cum Timotheo Coepiscopos , et Diacones
Philippis constitutos ; optans illis
gratiam , et pacem Dei Patris , et Do-
mini Iesu Christi : ostendens in Eccle-
sia Dei suo gradu et Diacones hono-
randos .

II. *Ego quidem gratias ago Domino I. 3.*
nostro in omni memoria vestri semper :
et cetera . Agere se pro ipsis Deo gra-
tias pollicetur , ut in visceribus Chri-
sti fideles mente permaneant . Indicat
vincula sua multis , et bona vota , et
prava studia concitasse : nam puros
corde rectae praedicationis dicit desi-
deria suscepisse ; obliquos autem , et
per-

E

per-

perditos simulasse, de Deo loqui, ut Apostolus possit amplius ingravari. Sed in utroque Deo gratias agit; quia nomen Domini probabatur augeri: definiens, vitam sibi esse Christum, et mori lucrum.

- I. 12. III. *Quod si vivere in carne, hic mihi fructus operis est, et quid eligam, ignoro.* Desiderare se quidem dicit, de hoc mundo transire, ut debeat esse cum Christo; iterumque caritatis studio se velle vivere, ut Philippensium possit in Christo Domino corda firmare: tantum est, ut in Evangelio percepto constanter adversariorum insidias non paveant; sed virtutem caritatis invicem custodientes, aemulentur Dominum Christum, qui cum esset Deus omnipotens, homo fieri pro nostra salute dignatus est: quem aequalem Patri non rapina, sed naturae veritate profitetur Apostolus. Inde quoque sequitur supra omnes creaturas gloriae humanitatis adsumptae a Christo, quem caelestia, terrestria, et inferna flexis genibus adorare noscuntur.

- II. 12. V. *charissimi mei* IV. *Itaque dilectissimi mihi, sicut semper obedistis: et reliqua.* Monet eos, etiam se absente de animae salute esse

de

debere sollicitos ; definiens , Deum
et bonam voluntatem dare , et quae
sunt in perficiendo profutura , conce-
dere . Congratulari se dicens de fide
ipforum , quae ante Dominum Chri-
stum ei gloriam sit datura : cito se Ti-
motheum missurum promittens , quem
laudat , et omnino commendat ; Epa-
froditum quoque dicit se praesenti tem-
pore destinasse , qui post aegritudinem
longam Apostoli solacio noscitur resti-
tutus . Hic etiam ad eos videndos ma-
gno desiderio festinavit , quem susci-
piendum veneranter ammonuit ; quia
multis periculis pro Christi praedica-
tione non cessit .

V. De cetero , fratres mei , gaudete in III. 1.
Domino : et sequentia . Ammonet prae-
terea Philipenses , ut circa praedica-
tores falsos debeant esse solliciti ; quos
bene canes vocat , quia latrant potius ,
quam loquantur : circumcisionem cor-
poris evacuans , cordis vero confir-
mans : quoniam illa legi obnoxia , ista
vero gratiae cognoscitur esse sociata .
Perfectum se tamen non asserit , sed
ad perfectionem se tendere proficitur ;
sic autem fideles Christo Domino per-
hibet fieri configuratos , si illum , ad
quem

quem tendunt , modis omnibus imi-
 tentur : qui reformaturus est *corpus*
humilitatis nostrae configuratum corpori
claritatis suae : per hoc scilicet , quod
 immortales sunt , qui ulterius peccata
 non appetunt , quod divinis delecta-
 tionibus perfruuntur : modus enim
 perscriptus est beatis , de quibus di-
 ctum est , *erunt sicut Angeli Dei* .

Matth. XXII. 30. VI. Itaque fratres mei carissimi , et
 IV. 1. *sic desideratissimi* , gaudium , et corona
 Vulg. *state* mea , *state in Domino* . Hortatur Phi-
 lippenſes , quos coronam suam decen-
 ter appellat ; ut in susceptae fidei fir-
 mitate permaneant . Commendat eti-
 am Germano sanctissimas mulieres ,
 quas perhibet secum laborasse cum ali-
 is fratribus in Evangelio Christi ; mo-
 nens , ut orationem , et confidenti-
 am debeant habere continuam , et il-
 la de cetero peragere , quae Domino
 probantur accepta : gratias illis refe-
 rens , quod tribulationes eius pecu-
 niario sunt munere consolati : benedi-
 cens eos pariter , et salutans .



AD

AD THESSALONICENSES

P R I M A.

I. **P** *Aulus, et Silvanus, et Timotheus, I. 1.*

Ecclesiae Thessalonicensium in Deo
Patre, et Domino Iesu Christo. Thes-
 salonicensibus scribit, cum Silvano,
 et Timotheo, qui Evangelium Do-
 mini iuncto labore praedicabant; gra-
 tiam illis, et pacem concedi postulans
 a Deo Patre, et Domino Iesu Chri-
 sto. Nec moveat, quod de Spiritu
 Sancto tacet, nam sive unus, sive
 duae, sicut iam dictum est, fuerint
 nominatae de Trinitate personae, per-
 fectissimam faciunt intelligi Trinita-
 tem, sicut dictum est in epistula, quae
 scribitur ad Romanos.

II. *Gratias agimus Deo semper pro*
omnibus vobis, memoriam facientes pro
omnibus vobis in orationibus nostris. I. 2.
 Deo gratias agere se dicit, quod Thes-
 salonicenses, derelicta superstitione
 Gentilium, verae fidei fundamenta
 perceperunt: referens, quali se apud
 eos probitate, et paterna dilectione
 tractaverint: gaudens etiam, quod
 Evangelium Domini, non tamquam

*Vulg. me-
 moriam
 vestri.*

sermonem humanum , sed ita ut erat ,
verbum accipere divinum .

II. 14. III. *Vos enim , fratres , imitatores
facti estis Ecclesiarum Dei , quae sunt
in Iudaea in Christo Iesu .* Imitatores
eos factos esse dicit prophetarum , et
Domini Christi , quando et ipsi pro-
pter fidem sanctam familia pertulerunt :
dicit enim , desiderasse se nimis The-
salonicam venire , quia ipsi sunt ante
Deum gloria , et corona eius : sed ad
praesens missum perhibet esse Timo-
theum , qui eos , et fide corroboret ,
et passionibus faciat esse praeparatos ,
quas numquam pronuntiat deesse fide-
libus . Addens etiam , non se sufficere
pro ipsis Deo gratias agere , quibus
talem caritatem suam noscitur contu-
lisse : ipsos autem Dominus in con-
cessa semel pietate confirmet , ut an-
te Patrem Christum omnium sancto-
rum possint esse participes .

IV. 1. IV. *De cetero , fratres , rogamus vos ,*
Vulg. in. *et obsecramus in Domino semper .* et ce-
Domino le- *tera .* Monet Thessalonicenses , ut si-
tu *c*cut hactenus fecerunt , et in posterum
perceptam fidem devota mente custo-
diant : subiungens , qualia vitare ,
qualia eos oporteat semper expetere .

Re-

Resurrectionem quoque omnium mortuorum pariter dicit esse faciendam; nam et qui eodem tempore inventi fuerint viventes spiritu, sicut et ipse erat, corporali morte praemissa, in aëra Domino Christo simul dicit occurrere: omnes enim carne morimur, sicut scriptum est; *quis est homo, qui* Psalm. 88.
vivit, et non videbit mortem? Sanctos v. 49.
 tamen Domini cum ipso semper testatur esse mansuros. Dies autem, et hora adventus Domini humanitati praedicatur incognita, sicut et in Evangelio Dominus ipse testatur.

V. *Vos autem, fratres, non estis in* V. 4.
tenebris, ut dies illa vos, tamquam-
fur, comprehendat. Qui filii sunt lucis, in adventu Domini non timebunt peccatorum caligine comprehendi; nec deebriati in malis dormiunt, qui praeceptis Dominicis armati semper adstant. Monet etiam, ut praedicatores suos benigna mente tractare non desinant, et reliquis fratribus studia caritatis impendant; invicemque se de suscepta traditione commoneant. Orat etiam, ut in adventu Dominico puris, ac religiosi mentibus offerantur: coniurat quoque, ut omnibus fratribus praesens eius relegatur Epistula.

AD THESSALONICENSES

SECUNDA.

I. 1. I. **P**aulus, et Silvanus, et Timotheus Ecclesiae Thessalonicensi in Deo Patre nostro, et Iesu Christo. Cum ipsis fratribus salutem iterum Thessalonicenses, quos et in prima Epistula nominavit; ostendens tali honore munerandos; qui laboribus eius confortes esse meruerunt: primordia Epistulae suae sancta benedictione commendans.

I. 3. II. *Gratias agere debemus Deo semper pro vobis, fratres*: et quae sequuntur. Laudat, Thessalonicenses, rectae quidem fidei fuisse regulas consecutos; sed in futuris monet, ne illos perverſi aliqua novitate decipiant: dicens adventum Domini non esse venturum, nisi prius videatur Antichristus; cuius perversa tempora mirabili proprietate describit. Afferens iam quidem mysterium iniquitatis eius operari; sed ipsius quoque nequissimi praesentiam profitetur; tunc esse revelandam, quando Romanum imperium quod nunc tenet, de medio fuerit,

rit , ordine veniente , summotum .
Sic istis significationibus veritas ad-
ventus Domini praedicatur esse ven-
tura .

. III. *Nos autem debemus gratias age-* II. 13.
re Deo semper pro vobis , fratres . et
cetera . Gratias se dicit agere Deo
pro ipsis , quod eis rectam fidem , et
salutis perpetuae dona contulerit :
ideoque magnopere dicit fidem tenen-
dam , quam ab ipsis gloriabatur ac-
ceptam ; quando fidem , non omnium,
sed profitetur esse paucorum . Oravit
quoque pro ipsis , et iterum , ut illi
pro ipso debeant orare commonuit .
Denuntiavit etiam falsos fratres stu-
diosissime praecavendos , nec alias re-
gulas fidei eos debere quaerere , nisi
quas ab ipso probati sunt accepisse .
Epistolam suam salutationis , et bene-
dictionis solito fine determinans .

AD COLOSSENSES.

I. **P** *Aulus Apostolus Christi Iesu per I. 1.*
voluntatem Dei . et reliqua . Ad
Colossenses scribit cum Timotheo fra-
tre suo ; sed cum dicit *sanctis , et fi-*
deli-

delibus, ostendit verba Domini, quamdiu sunt polluti, et perfidi, homines non posse suscipere: supra quos gratiam, et pacem Dei Patris, et Domini Iesu Christi venire deprecatur. In istis duobus sermonibus, idest in pace, et gratia, ostendit, quam magna sint munera, quae tam frequenti iteratione repetuntur.

- I. 3. II. *Gratias agimus Deo, Patri Domini nostri Iesu Christi, semper pro vobis orantes. et cetera.* Deo gratias agit, quoniam per Epafram eos in accepta fide perseverare cognovit; ut in omni opere bono fructificantes, Domino probentur accepti. Laudem Patri mirabili praedicatione subiungens, cui placuit per Filii sui sanguinem, sive quae in terris, sive quae in caelis sunt, sibi met reconciliare: ostendens Incarnationem ipsius sanctam cunctis rebus mirabili virtute profuisse.

- I. 27.
V. *sensu* III. *Et vos cum essetis aliquando alienati, et inimici sensus eius: et reliqua.* Monet eos, ut sicut alienati aliquando in carnalibus vitiis versabantur, ita nunc Evangelicis debeant studere virtutibus; adiciens exempla sua pro salute ipsorum quantis calamita-

tatibus ingravetur : nam modo dicit manifestatum sanctae incarnationis arcanum , quod a saeculis probabatur absconditum : commonens , ut nemo eos seducat per inanem sapientiam philosophorum , qui dicunt solem , atque lunam , vel astra cetera esse veneranda , quae ex elementis constare non dubium est , quando etiam nostris aspectibus offeruntur . Hos vera nihilominus impugnat auctoritas , si non ad Dominum Christum omnia referant ; in quo habitat *omnis plenitudo* v. 9. *divinitatis* . Corporaliter enim dixit , quia omnis plenitudo divinae naturae in corpore eius inhabitat : Sancti praecedentes in figura eius *Christi* pristino Pf. CIV. tempore vocabantur . Circumcisos autem Colossenses dicit in corde , non corpore ; qui conscripti per fidem Dominicae passionis , noscuntur resurrexisse cum Christo . 15.

IV. *Et vos cum mortui essetis in delictis* : et quae sequuntur . Cum Domini crux hominem veterem sua passione confixerit , et chirographum perpetuae mortis evacuaverit ; vetat , ne ulterius quaedam praecepta testamenti veteris inquirantur : dicit enim vitanda esse ,
quae

quae mortem inferunt , non salutem ;
nam qui Christo militant , illa debent
afficere , quae Christi sunt . Quapro-
pter exuti vetere homine , induamur
novo , qui renovatur per collatam
gratiam in imagine eius , qui creavit
eum : in interiore siquidem homine ne-
que persona , neque sexus , neque con-
dicio potest dissimilis inveniri , sed om-
nia , et in omnibus Christus est Domi-
nus .

III. 12. V. *Induite ergo vos sicut electi Dei*
Vulg. mi- *sancti , et dilecti viscera miserationis .*
sericordia. Regulas ponit , in quibus debeat am-
bulare , qui fidem Christianam festinat
assumere : designans in omni actu no-
stro Deo gratias esse referendas : vi-
ros , mulieres , parentes , filios , domi-
nos , atque servos invicem sibi debi-
tam venerationem reddere debere ,
commonuit . Orationi vero eos horta-
tus insistere , quatenus Apostolo Do-
minus ostium praedicationis aperiat ,
ad sancta Domini loquenda mysteria .
Monet etiam eos , ut in superna sapi-
entia loquantur illis , qui foris ecclesia
esse noscuntur ; ne non tam instrui ,
quam irritari posse videantur : sitque
sermo eorum semper sale conditus , ut
audi-

audientibus proſit acceptus : praecipiens poſt ſalutationes conſuetas , epiſtulam hanc in Laodiceuſium Eccleſia eſſe relegendam .

AD TIMOTHEUM

PRIMA.

I. **P**aulus Apoſtolus Chriſti Ieſu ſecundum imperium Dei ſalvatoris I. 1.
Vulg. Ieſu ſpei monſtra
noſtri , et Chriſti Ieſu Domini : et cetera . Cum in praeteritis epiſtulis Patrem nominaverit , et Filium , et iterum in conſequenti benedictione Patrem , Filiumque commemoret , hic tantum ſecundum imperium Chriſti Apoſtolum ſe dicit effectum ; ut evidenter appareat de his una Perſona nominata , ſicut et ante iam dictum eſt , totam nihilominus infundere Trinitatem : Timotheum dicens filium eſſe fidei ſuae , quem ſanctae Eccleſiae conſtat regeneratum .

II. *Sicut rogaſti te , ut ſuſtineres Eſeſi , cum irem in Macedoniam : et reliqua .* I. 3.
V. ut reſponderet
Scribit ad Timotheum diſcipulum ſuum , quatenus circa populum ſibi commiſſum debeat eſſe ſollicitus ;

ne

ne superfluas doctrinas sequi debeant; sed ea, quae illis praedicata sunt, fixa mente custodiant: scientes, iustis legem non esse positam, sed criminosis; quos subsequenter enumerat, quando illos semper arguit, qui se scelerum foeditate commaculant. De se autem refert, quanta illi fuerint Domini largitate concessa: per suam salutem probans Christum Dominum ad peccatores venisse salvandos. Commonens eum, ut in praedicatione sibi commissa perseverare non desinat, quam Hymenaeus, et Alexander. desertentes, fidei naufragia pertulerunt: propter quod diabolo illos dicit esse contraditos, ut discant minime blasphemare.

- II. 2. III. *Obsecro igitur primo omnium fieri obsecrationes*: et cetera. Scribens ad discipulum congrue monet, qualem regulam debeat ecclesiasticus ordo servare. In primis orandum: praecipit pro regibus, et potestatibus, ut in pace positi vitam huius saeculi sub tranquillitate peragamus; et ut fiduciam orationis accenderet, mediatorem esse Dominum Christum sancta praedicatione concelebrat; et quem-
- am.

ammodum viri, et mulieres orare debeant, spiritualis magister instituit. Adiciens quales Episcopi, Diacones, vel Subdiacones esse debeant; et quales esse non debeant: in summa concludens, bonos ministratores multam fiduciam apud Christum Dominum comperire.

IV. *Haec scribo tibi, sperans me venire ad te cito: et reliqua.* Commonet Timotheum, ut in Ecclesia Dei conversatio ipsius decore splendeat; ne falsi praedicatores simplicium corda decipiant: in qua re sic eum dicit; debere esse constantem, ut audientibus cunctis virtutum praestet exemplum. Dicit etiam, unamquamque personam quali honore, quali debeant moderatione tractare; laudans bonos dispensatores, et arguens eos, qui curam domesticorum habere neglexerint, ut etiam illos deteriores infidelibus dicat.

V. *Vidua eligatur non minus sexaginta annorum: et cetera.* Quales eligi debeant viduae, vel quales sint evitandae, evidenter ostendit: eas autem, quae se abstinere non possunt, nubere praecipit, et filios procreare;

ne diabolicis temptentur insidiis. Presbyteros bene praesidentes, maxime qui praedicant verbum, duplici honore perhibet esse venerandos; nec facile contra eos accusatoribus esse credendum; et cetera, quae ecclesiasticus ordo complectitur. Monet praeterea, manus impositionem cito fieri non debere; ne ille, qui eum incaute promoverit, delictis communicet alienis; et ideo cautius eos dicit examinari, ne opinio laedatur Ecclesiae. Praecipit servis, dominos suos omni honore venerari, maxime illos, qui fideles esse noscuntur.

VI. 1. VI. *Haec doce, et exhortare*: et quae sequuntur. Quae dicta sunt in fine complectens, dicit, in eis esse modis omnibus perseverandum; et contentiones eorum vitandas, qui mente corrupti sunt: pietatem vero cum sufficientia laudat, quae suavis est omnino fidelibus, dicens in quantis temptationibus incidant, qui mundi divites esse festinant: quoniam radix omnium malorum noscitur esse cupiditas: hortans, ut magis ad virtutes enumeratas animum tendant, recepturi a Domino praemia sempiterna. Tradit etiam,

am, quemammodum divites huius mundi Timotheus debeat commonere; ut in futurum aeternas potius Domini divitias consequantur: iterata eum insinuatione recommonens, ut fidei depositum custodiat, et contentiones improbas vitare non desinat.

AD TIMOTHEUM

SECUNDA.

I. *Paulus Apostolus Christi Iesu per* I. 1.
voluntatem Dei: et reliqua. Secundum promissionem vitae dicit se a Christo Domino Apostolum factum, ut intelligatur, quod sit praemium eorum, qui Apostolatam eius fideliter exercere meruerunt: ad ipsum Timotheum et hanc epistolam scribens, ad quem et superiorem visus est destinasse. In benedictione quoque sua gratiam, et pacem sollemniter ponens; sed in medio misericordiam cremento quodam declarationis adiciens; quia neque gratia, neque pax potest sine Domini largitate concedi.

II. *Gratias ago Deo meo, cui servo* I. 3.
a progenitoribus meis, cui servo in V. a progenitorib. in
 F con-

conscientia pura. Promittit Timotheo, memoriam se eius habere die ac nocte in orationibus suis; laudans eum, quod aemulatione matris, atque aviae suae, in integra fidei disciplina permaneat. Commonens etiam, ut susceptam regulam doctrinae praedicare non desinat, nec erubescat illud agere, unde se, et credentes noverat esse salvandos. Optans Onesifori domui, ut in illo die Iudicii misericordiam Domini consequatur, qui non erubuit catenam eius impensis beneficiis sublevare; sed in Evangelio praedicando, tam Romae, quam Efesi ministeria ei digna contribuit.

- II. r. III. *Tu ergo, fili mi, confortare in gratia, quae est in Christo Iesu*. Praecipit Timotheo, ut mysteria sanctae fidei, quae ab ipso cognovit, populis incunctanter enuntiet: frequenter hoc ammonens, quatenus contentiosos, et obstinatos evitet; quia sermo eorum
- v. 17. nihil proficiens *serpit, ut cancer*. Ipse vero qualis ad docendum esse debeat, veritatis eum praedicator instituit; praemonens, quae sequi debeat, quae vitari concedat: cum patientia enim corripendi sunt, qui perversi esse noscuntur;

scuntur ; ut liberentur a laqueis diaboli , quibus tenentur obnoxii .

III. *Hoc autem scito , quoniam in* III. 1.
novissimis temporibus erunt tempora pe- Vul. quod
riculosa . Novissimis temporibus per in novissi-
 multifarias enumerationes , quam pes- mis diebus
 simi hominēs reperiantur , exponit ; instabunt
 inter quos asserit , eos esse , qui mulie- tempora
 ribus iniqua dogmata nituntur infun- &c.
 dere : quos tamen dicit veritatis ipsius
 * inluminacione depravandos ; sed et ta- f. declaran-
 les omnino vitandos esse commonuit : dos
 ipsum autem permanere praecipit in
 eis , quae didicit , atque credidit : om-
 nis enim scriptura divinitus inspirata
 utilis cognoscitur ad docendum , ad
 arguendum , ad erudiendum , ut per-
 fectus sit homo Dei , ad omne opus
 bonum utiliter praeparatus .

V. *Testificor coram Deo , et Christo* IV. 1.
Iesu , qui iudicaturus est vivos , et mor-
tuos . Terribiles obtestationes Timo-
 theo praeponit , ut populos opportu-
 ne , importune increpet , arguat , et
 eis patienter insistat : quatenus ver-
 bum Domini praedicatione dilatata
 proficiat : se autem profitetur de hoc
 saeculo continue transiturum , et in il-
 lo iudicio recepturum coronam iusti-

tiae , quam sanctis suis Dominus re-
promisit . Hortatur etiam , ut cito ad
eum cum Marco , et nonnullis rebus
venire festinet ; quoniam ab illis mini-
stris suis videbatur esse derelictus .
Alexandrum quoque Aerarium , ad-
versarium praedicationum suarum , di-
cit magnopere praecavendum ; cui poe-
nam debitam imminere confirmat . Sa-
lutationes multorum referens , ipse
quoque , ut fideles Christi debeat sal-
vare commonuit .

A D T I T U M .

I. r. I. **P**aulus servus Dei , Apostolus au-
tem Christi Iesu ; et cetera . Cum
se dicit Apostolum Christi , profite-
tur , sicut saepe dictum est , et Patris
se esse , et Spiritus sancti ; quia una-
ibi cooperatio , unus Deus , una co-
gnoscitur et potestas . Verum , ne hoc
nomen putaretur gestare cum falsis
fratribus , dicit , *secundum agnitionem*
veritatis , quam solum illi merentur
accipere , qui perfecta noscuntur veri-
tate radiare : et ut coaeternum osten-
deret Filium Patri , dicit etiam , *spem*
vi-

vitae promissae, Christum, ante tempora aeterna praedictum. Docens incarnationem Domini praedicatione prophetarum suoque tempore fuisse completam; et ne cum potestate minorem, forte sentires, dicit, *secundum imperium Domini Salvatoris*; optans Tito gratiam, et pacem a Deo Patre, et Domino Salvatore concedi.

II. *Huius rei gratia reliqui te Cretae*: et sequentia. Commonet discipulum suum Titum, quales presbyteros, vel episcopos per ecclesias Cretenses deceat ordinare, ne mali suasores subvertant corda simplicium: increpandos eos specialiter dicens, ne falsa praedicatione subversi, ad ritus Iudaicos transferantur. Omnia vero profitetur munda esse mundis, coinquinatos vero, et infideles nihil perhibet habere mundissimum: quando confitentur ore Dominum, factis autem negant iudicem, quem profitentur auctorem.

III. *Tu vero loquere, quae decet sanctam doctrinam*: et cetera. Monendas igitur perhibet singulas aetates, singulas condiciones, quemammodum se debeant probabili conversatione tractare, ut in omnibus gratia Domini

evidenter possit agnosci, qui mori carne pro nostra salute dignatus est; et quod efficacissimum genus possit esse doctrinae, ipse tali moderatione vivat, quatenus det exemplum precautionibus suis, ne audeat adversarius mala de ipso dicere, quem se cognoscit sanctissima institutione moderari. Dicit etiam singulatim quemammodum conversari debet, qui Christo fidelis est, et haereticos evitare iubet; praeterea eum ad se cum quibusdam venire Nicopolim, ut Apostolum videndo discat, qualiter in fide sancta firmissima stabilitate consistat: epistulam suam carissima benedictione concludens.


* AD PHILIMONEM.

I. r. **I. P**aulus Apostolus vincetus Iesu Christi, et Timotheus frater: et reliqua. Ipsi primordiis nomini suo coniunxit noviter passionem, et ne putaretur aliquo delicto fuisse vincetus, addidit *Christi Iesu*, ut illa vincula non criminosa, sed gloriosa declararet; scribens Philimoni fratri, et adiutori suo,

suo , cum fratre Timotheo ; Appiam quoque , et Archippum in eadem salutatione commemorans : sed et congregationem , quae in domo eius esse videbatur , pari salutatione complectitur ; gratiam illis , et pacem optans a Patre provenire , et Domino Christo .

II. *Gratias ago Deo meo , semper memoriam tui faciens in orationibus meis* . I. 4.

Gratias agit Deo , audita fide , et caritate Philemonis , quam habebat in Domino Christo , et in omnibus sanctis eius ; operas ipsius magna praedicatione concelebrans . Obsecrat quoque eum , ut Honesimum , servum quondam suum , quem per fidem Domini viscera sua dicit effectum , debita ei condicione relaxet , et in fraterna illum caritate suscipiat : se redditurum , dicens quidquid ille debuisset ; confidens tamen quod eum propter caritatem Domini gratanter exaudiat ; salutationis quorundam dicta subiungens .



AD HEBREOS.

I. 4. I. **M**ultifarie, multisque modis olim
 Vulg. Deus locutus est patribus in pro-
 us loquens. fetis de Filio suo. Quaeri solet, cur
 non habet. ita tantum epistula non habeat salu-
 rationem, dum cunctis superioribus
 praelata videatur: prima enim fronte
 nomen suum adeo velavit Hebreis, ne
 propter odium personae suae caele-
 stem non reciperent sospitatem. In
 primis vetus testamentum, novumque
 coniungens, per prophetas praedictum
 Filium Dei ex semine David ultimis
 dicit venisse temporibus; cuius ma-
 gnificentiam inenarrabili laude conce-
 lebrat: ostendens, eum per exempla
 legis divinae cunctis creaturis suis esse
 potiozem; quando nulli Angelorum,
 sive cuilibet potestati caelorum, a Pa-
 tre dictum est, quod de ipso constat esse
 praedictum. Nam si per Angelos ser-
 mo, qui dictus est, probatur imple-
 tus, quid nos merebimur sustinere,
 si negligimus totius donationis aucto-
 rem?

II. 3. II. Quae cum initium accepisset enar-
 rari per Dominum: et reliqua. Initium

um dicit salutis Christo Domino prae-
dicante concessum ; deinde signis , ac
prodigiis ; et per Apostolos eius san-
ctae fidei innotuisse veritatem. Redit
iterum ad eius omnipotentiam decla-
randam , quam exponit exemplis ; af-
fixum cruci dicens pro salute cuncto-
rum : propter quod plurimis locis fra-
tres eos appellare non desinit , quan-
do et carnem suscipere dignatus est ;
et diabolum , qui habebat mortis im-
perium , sua passione destruxit. Nam
cum non Angelos , sed semen Abrahae
adsumpta humanitas adprehenderit ;
merito frater dictus est eorum : ut ve-
rus pontifex , et hominis , Deique
ipsius mediator existeret. Ita qui pas-
sus est pro omnibus , potens est etiam
temptatis sine dubio subvenire.

III. *Unde , fratres sancti , vocationis III. x.*
caelestis participes : et cetera. Hortatur
Hebreos ad fidem Christi , a quo
et fratres eos constat esse nominatos ;
multo praeferens eum Mosi , cui obe-
dientes esse videbantur : ostendens ,
creatura sua longe potiorem esse crea-
torem : aptissima exempla coniungens ;
ut vox Domini debeat incunctanter
audiri. Contremescenda est siquidem
poena

poena priscorum , quia non intraverunt in eius requiem , qui divinum noluerunt audire sermonem : contra autem obedientibus pax data est , et tranquilla pausatio , ut et ipsi a proprio labore cessarent , sicut Dominus requievit ab operibus suis .

IV. 11. IIII. *Festinemus ergo ingredi in illam requiem : et sequentia .* Obediendum dicit divinis esse mandatis , quia non potest falli , quod a tanta noscitur veritate proferri : habens spem maximam in Domino Christo , quia subveniat calamitatibus nostris , qui pro nobis atrocitatem pertulit passionis : tantae rei , et exempla legis divinae evidentissima nimis , et argumenta subiungens . Arguit quippe illos , qui doctrinam priscæ legis ita dinoscuntur obliti , ut iterum eos , tamquam parvulos , lacte necesse sit enutriti : perfectis enim mentibus solidus prædicationis opus est cibus , qui discretionem boni , ac mali possunt habere probabilem .

VI. 1. V. *Quapropter intermittentes inobedientionis Christi sermonem : et cetera .* De primordiis fidei iam non dicit esse tractandum , sed de reliquis rebus , in qui-

quibus probatur solidata perfectio :
 terrae faciens mirabilem comparationem , quae dum imbrem acceperit
 amoenas herbas germinat in decorem :
 si vero spinas protulerit , eas videlicet
 ultrix flamma consumit . Confidit
 tamen , eos ad illorum imitationes potius
 erigendos , quibus promissa sunt
 regna caelorum ; Abrahæ copulans
 exemplum , cuius semini Dominus iurando
 pollicitus est solidissimam firmitatem :
 ut hac promissione roborati ,
 ad penetralia caeli fidelium animus
 tenderetur ; ubi iam praecursor , et
 Pontifex noster Dominus Iesus Christus
 intravit .

VI. *Hic enim Melchisedec , rex Sa-* VII. 1.
lem , sacerdos Dei summus . et reliqua . Vulg. *Dei*
In principio huius capituli exponit , qui *summi .*
 fuerit Melchisedech , cui per magnas ,
 et subtilissimas argumentationes comparatus
 est Dominus Christus : primum , quod
 nominis ipsius interpretatio , idest rex pacis ,
 et rex iustitiae , soli potest Christo Domino
 convenire : deinde , quod patrem ipse ,
 atque matrem nulla prorsus scriptura
 testatur : sicut Christi Deitas , ut
 arbitror , sine matre , caro sine patre ,
 fuisse

fuisse cognoscitur. Tertio, quod neque initium, neque finis vitae ipsius doceatur esse vulgatus; sicut Dominus de se dicit ego sum A et Ω. Quarto, quod adsimilatus filio Dei, sacerdos permanet in aeternum. Quinto sequitur, quare in Psalmo dictum non sit, *secundum ordinem Aaron*; sci-
 suppl. et licet, ut translatum sacerdotium, *
 mutationem legis, quam ad perfectum nihil adduxit, commutandam in Christi gratiam nuntiaret. Sic per has similitudines congruenter expositas, Melchisedech Domini Christi gestasse probatur imaginem.

VII. 19. VII. *Introductio vero melioris spei, per quam proximamus ad Dominum: et cetera.* Hic distantias facit inter sacerdotes communes, et Dominum Christum; quia iste singularis est factus, qui et sacramenti interpositione promissus est, et in aeternum noscitur constitutus: deinde omnis sacerdos pro suis primum peccatis exorat, et sic pro populo supplicare praesumit: Christus autem peccata propria non habens, confidenter interpellat pro nobis. Ad postremum seipsum singulariter obtulit pro salute cunctorum; in ipso

ipso quoque novi testamenti facta promissio est ; quod de nullo alio constat effectum : dicendo enim novum , antiquatum voluit ostendere quod praecessit.

VIII. *Habuit quidem et prius iustificationem scripturae sanctae* : et reliqua. Discretionem facit per praemissas observationes novi , et veteris Testamenti ; dicens , aliter accessisse priscos sacerdotes ad Sancta , et iterum interius ad Sancta sanctorum : aliter autem introisse Dominum Christum in Sancta , qui gloriam est aeternae redemptionis operatus . Nam si taurorum victima peccata mundabat , quid faciet sanguis fusus immaculati Domini Christi , qui ad serviendum Deo , purificavit corda fidelium ?

IX. 1.
Vulg. iustificationes culturae

VIII. *Et ideo novi Testamenti mediator est Christus Iesus* : et sequentia . Probat etiam Dominum Christum mediatorem factum novi et veteris Testamenti ; ut veteris obligatio collato mortis ipsius munere solveretur : docens etiam , et in antiquis sollemnitatibus sacrificiorum , Testamentum novum sine dubio fuisse promissum ; quando cum sanguine vitulorum , et hircorum ,

IX. 15.
V. non habet Christ. Ies.

rum, et lana coccinea, et hyssopo librum sacrum; et ipsum populum testatur aspersum. Sequitur autem, semel illum passum in consummatione saeculorum, ut pro nobis Patrem pius Redemptor iugiter exoraret; nam sicut hominibus semel mori datum est, et post, Domini sustinere iudicium, ita Christus semel est mortuus, ut expectantibus se in sua iudicatione promissus appareat.

X. i. *X. Legem dicit umbram futurorum bonorum*: et sequentia. Legem dicit *umbram futurorum bonorum*, non imaginem, idest veritatem habuisse sequentium ostendens per sanguinem sacrificiorum humanum genus minime potuisse salvari, sed scilicet prae passione crucis, quae periclitanti mundo sua redemptione subvenit; qua fiducia percepta, fonte sacri baptismatis ablutos accedere monet ad Dominum Christum, ut fidelis promissor sua munera in ipsis dignanter adimpleat.

X. 24. *XI. Et consideremus invicem in provocatione caritatis*: et cetera. Considerandam dicit gratiam Dei, non per divisiones impias, sed in congregatione fraterna: comminans iudicium futu-

turum, quod Domini Christi adventu probatur esse iam proximum. Nam si perire solet, qui legem Moſis irritam facit, quo ſupplicio plectendus eſt, qui Chriſti Domini caritatis, et unitatis mandata contemnit? Commonet etiam eos, ne vacuas faciant paſſiones, et direptiones rerum ſuarum, quas iam pro Chriſti nomine pertulerunt: ſola enim perfeverantia perfectos efficit Chriſtianos; neceſſaria eſt enim patientia, ut promiſſio Domini referatur accepta.

XII. *Eſt autem Fides ſperandarum.* XI. 1.
ſubſtantia rerum, argumentum non apparentium. Primum definit, quid ſit Fides; credulitas rerum ſcilicet non apparentium: deinde refert, quanti per eam fuerint Domino miſerante ſalvati; ut incredula corda Iudaeorum ad ſimile ſtudium conſideratis tantis devotiouibus incitaret. Dicit enim fidem Abel, Enoch, Noe, Abraham, et Sarrae; quam ideo frequenter iteravit, quoniam ipsis credentibus in ſimilitudinem eorum univerſam benedictam conſtat Eccleſiam. Verum iſti omnes nec dum adhuc promiſſa praeſentia ſuſceperunt, ſed perfectam beatitudi-

tudinem in caelesti civitate recipient ,
quam eis Dominus praeparare dignatus est .

XI. 17. XIII. *Fide obtulit Abraham Isaac ,*
V. *Isaac , ut immolaretur . et reliqua .* Adhuc in
cum ten- ipsa enumeratione fidelium perseverat :
taretur .

dicat enim de Abraham , Isaac , Iacob ,
Ioseph , Mose , de filiis Israhel , Rab
meretricis , Gedeon , Barach , Samson ,
Iepthe , David , et Samuehele : pro-
phetarum etiam exempla subiungens ,
v. 33. *qui per fidem vicerunt regna , et diver-*
sitate passionum divinam gratiam in-
venire meruerunt : qui tamen adhuc
promissa praemia minime susceperunt ,
ut uno eodemque tempore pius Re-
demptor omnibus daret , quod cunctis
fidelibus noscitur esse pollicitus .

XII. 1. XIII. *Ideoque et nos tantam haben-*
tes impositam nubem testium : et sequen-
tia . Considerata priorum fide , depo-
sitis peccatis ad Christum dicit Domi-
num festinandum : nam ille pro nobis
crucem subire dignatus est , qui sedet
ad dexteram Patris . Cur nos contri-
stemur in mediocribus passionibus ,
quas tamen scimus ad aeternam re-
quiem pertinere ? commonet etiam
adeo illos vocatos filios , ut gratissime
patris

patris flagella paterentur ; huic siquidem rei genitorum carnalium exempla subiungens , quorum in praesenti gravis quidem creditur disciplina ; sed in futurum suavis cognoscitur adepta iustitia : propter quod adhibenda patientia , corroborandi sunt gressus , ut ad illud efficaciter possit perveniri , quo tenditur .

XV. *Pacem sequimini cum omnibus* , XII. 4. *et sanctimoniam , sine qua nemo videbit Deum .* Pacem dicit , et sanctimoniam omnimodis appetendam , sine qua nemo potest videre Deum . Monet etiam praecavendum , ne nos opera impietatis nostrae sursum praecedat , et ab hereditate Domini reddat alienos : sicut contigisse dicit Esau , qui postquam primitiva sua vendidit , multas quidem lacrimas fudit , sed occulto Dei iudicio minime constat auditum . Mose quoque subiungit exemplum , qui lapidari faciebat eos , qui se in munda conversatione tractabant : scilicet montis Sina , et Ecclesiae Dei disparem faciens collationem ; quippe ubi Christum corporaliter et auditum constat , et visum , cuius magnopere oboediendum dicit eloquio .

G

XVI.

XII. 25.

XVI. *Si enim illi non effugerunt , recusantes eum , qui super terram loquebatur .* Adhuc in superioribus comparationibus permanens , dicit , si populus Hebraeorum non potuit vitare vindictam , qui Mosi minime oboediens fuit ; quid nos patiemur , si loquenti de caelo Domino nequaquam optemperare videamur ? cuius potestatem , atque magnitudinem , et argumentis necessariis , et sequentibus declarat exemplis . Monet etiam , quali se debeant conversatione tractare , et quae vitia malint nocitura refugere ; asserens Iesum Christum ultimis temporibus visum , qui semper fuit , et est , et permanebit in saecula saeculorum .

XIII. 9.
Vulg. ab-
duci .

XVII. *Doctrinis variis , et peregrinis nolite adduci : et reliqua .* Doctrinas varias , et peregrina dogmata omnino vetat audiri : optimum est enim , cor gratia Domini confirmare , non escis . Ritus quoque priorem sacrificiorum in passione Dominicae similitudinis trahit ; quoniam sicut animalium oblata pro peccato corpora foris castra cremabantur ; ita et Dominum Christum , qui se pro peccatis nostris ob-

obtulit , extra civitatem constat esse crucifixum : sed illam crucifixionem , illud opprobrium dicit modis omnibus appetendum ; ut exeuntes ad eum in supernam civitatem pervenire mereamur . Beneficentiam , et communicationem illis persuadens nullatenus oblivisci ; talibus enim rebus placatur Deus : oboedientiam vero propter ordinem custodientium exhibendam dicit esse Praepositis , ut salutis eorum curam debeant habere cum gaudio .

XIII. 18.

V. enim,

quia

XVIII. *Confidimus autem , quoniam bonam conscientiam habemus in omnibus benevolentes conversari .* Bene conversantibus benevolentiam maximam se debere testatur , quod illis continue dicit esse faciendum ; quatenus ad eos promptissimo studio debeat festinare . Orat etiam pro ipsis , ut voluntatem Domini Patris sincera mente perficiant , qui eduxit ex mortuis pastorem magnum Dominum Christum , cui est gloria in saecula saeculorum ; ut contra eos , qui solum Patrem venerandum putabant , competens medicina breviter intimata sufficeret : indicans eis , Timotheum ad ipsos fuisse transmissum , per quem ore suo et proba-

100

tiffimos salutatur, et bonorum salutationes impenfa caritate commemorat.

**EXPLICIUNT COMPLEXIONES
EPISTULARUM BEATI APOSTOLI
PAULI.**



IN.

101

I N C I P I U N T
C O M P L E X I O N E S
C A N O N I C A R U M
E P I S T U L A R U M
S E P T E M :

*Idest beati Apostoli Petri duas,
Iohannis IIII. Iudę unam,
et Iacobi I.*

○○*

P E T R I A P O S T O L I
A D G E N T E S.

I. **P***etrus Apostolus Iesu Christi, I. I.
electis advenis: et reliqua.*

Sanctissimae regulae instituta
concelebrans, et Petrus Apostolus Ie-
su Christi scribit absentibus Hebraeis,
qui impia persecutione Iudaeorum di-
persi fuerant, et advenae facti per
Pontum, per Galatiam, per Cappa-
dociam, per Asiam, et Bithyniam;
sed tamen in Christo Iesu correcta-
mente crediderant, quibus praedica-
tionem suam dicit secundum praescien-
tiam Dei Patris, et in sanctificatione

G 3

Spi-

Spiritus Sancti, et Passione Sanguinis Domini Christi fuisse transmissam : ut more pristino sacrificiorum aspersus populus Dominico sanguine purgaretur . Sic ipsis primordiis et unitas trinae virtutis , et personarum est breviter declarata distinctio ; petens , ut gratia , et pax Domini plenissima debeant ubertate compleri .

- I. 3. II. *Benedictus Deus, et Pater Domini nostri Iesu Christi* : et quod sequitur . Fidelis populi salutatione completa , memor Dominicae institutionis primum Deo Patri gratias agit , qui per magnam misericordiam suam regeneravit nos sacro baptismo in spe vitae perpetuae ; per resurrectionem scilicet Domini Christi , quam post triduum factam constat a mortuis : cuius hereditatis quam magna sint praemia consequenter exponit : hortans , ut molestias praesentis temporis patienter ferre debeamus , quatenus in iudicio Domini probatio nostrae fidei multo pretiosior auro possit ostendi : nam qui illum hic non videntes , credunt , respicientes eum inaeestimabili exultatione gaudebunt . De qua retributione praemiorum arcana Domini per-

perscrutantes prophetae , multa dixerunt ; et ne aliquid propria voluntate putares edictum , docet , illis per Spiritum Sanctum fuisse revelatum , quem videre Angeli concupiscunt .

III. *Propter quod succincti lumbos mentis vestrae , sobrii , perfecti sperate in eam .* Postquam illis promissionis magna praemia patefecit , hortatur , ut per fortitudinem mentis filiorum loco ad gratiam tendant , quae illis in iudicio Domini monstratur esse pollicita . Ammonens eos , ut sancto debeant manere proposito , quando scriptum est , *sancti eritis , quoniam et ego sanctus sum* : scientes , quoniam non sint redempti corruptibili pretio , sed Domini nostri sanguine pretioso , qui praecognitus est quidem ante constitutionem mundi , sed manifestatus novissimis temporibus pro salute cunctorum : ita ut fides , et spes credentium in eum fixa permaneat .

III. *Animas vestras castificantes ad obediendum caritati . et cetera .* Praemissa fides quemammodum exerceatur , exponit : primum , ut simplici amore mutuam sibi non desinant custodire caritatem ; quatenus qui rena-

I. 13.
Vulg. *per-*
fecte

I. 21.
Vulg. *in*
obedientia
charitatis.

ti sunt communiter per verbum Dei vivi, nulla debeant divisione separari, et humana mens ad mundana vitia festinare. Comparatione facta foeni, caro nostra quam sit caduca monstratur: verbum autem Domini, quo regenerati esse noscuntur, manet in aeternum: quapropter prioris temporis malitiam deponentes, sicut modo geniti infantes rationales, primordia debent fidei concupiscere; ut ad crementa possint salutaria pervenire: nam si ad lapidem vivum, hoc est Dominum Christum, devotis mentibus accesserunt, et ipsi quoque debent, tamquam vivi lapides, in Ecclesiae aedificatione proficere: offerentes hostias acceptabiles Deo per Iesum Christum Dominum nostrum, per quem salus humano generi optata provenit, de ipso vero sancto lapide Esaiæ Prophetæ datur exemplum.

II. 4. V. *Vobis igitur honor credentibus:*
 Vul. Vos: *non credentibus autem lapis, quem re-*
 deinde: *probaverunt aedificantes, factus est in*
 hic factus: *caput anguli.* Adhuc de ipso lapide
 cxvii. Psalmus datur exemplum: de
 quo facta contrarietate credentium, et
 non credentium disputatur: dicens:
 ob-

obstinatorum lapidem esse offensionis ,
et petram scandali , credentium vero
esse genus electum , progeniem san-
ctam , populum acquisitionis , qui vo-
catus est de tenebris ad lucem perpe-
tuae sanctitatis. Qui ante fuerant alie-
ni , nunc proprie facti sunt Domini
Christi , et ut ab eis mundi extranea-
ret affectum , docet eos a carnalibus
desideriis abstinere , quae nituntur sem-
per animas fauciare : sed potius sic vi-
vere , ut inter gentes debeant bonae
conversacionis exempla praestare ; qua-
tenus illi , quibus nunc detrahenda vi-
dentur ; considerata eorum conversa-
tione magnificent Dominum , cum ip-
sius fuerint visitatione compuncti .

VI. *Subiecti estote omni humanae*
* *ordinationi propter Dominum* : et reli-
qua . Ne aliquos praemissa fides po-
tuisset inflare , ad patientiae toleran-
tiam rediit , ut principibus , sive du-
cibus propter Deum debeant esse su-
biecti : qui eos ad vindictam malo-
rum , et in bonorum laudem cogno-
scitur destinasse . Hoc tamen ex liber-
tate iubet conscientiae fieri , non timo-
ris necessitate persolvi . Servos quoque
commonet , obedire dominis suis , non

II. 13.
V. *Subie-*
cti igitur
estote om-
ni huma-
nae crea-
turae pro-
pter De-
um

tan-

tantum placidis, sed etiam qui videntur austeres; quoniam haec est revera gratia Dei, si non solum aequalia, sed etiam patiamur iniusta: tali enim exemplo vocati sumus a Domino, ut iniqua sustineamus pro ipso, qui pro nobis elegit suscipere crucem, cum peccati maculam non haberet; et ideo converti debemus ad pastorem nostrum, qui mortem pertulit pro salute cunctorum.

III. 1. VII. *Similiter qui non credunt ver-*
bo, per uxorum suarum conversationem
 V. *Similiter* *lucrifiant.* Venit ad ammonitionem
et mulieres sub- quoque mulierum: primum dicens, ut
ditae sint subditae debeant esse viris suis, qua-
viris suis: tenus qui praedicationibus sanctis mi-
ut et si qui nime crediderunt, uxorum suarum po-
non cre- tius conversatione resipiant: deinde
dunt ver- praecepit eis, ut non tantum orna-
bo, per mentis studeant, sed interiori homini
mulierum devotae sint; qui ante Deum vere lo-
conversa- cuples invenitur: quibus Sarrae datur
sionem si- exemplum, quae Abrahe devotione
ne verbo probabili serviebat. Ipsas dicit debere
lucrifiant. illam imitari, ex qua fidei aemulatione in Abrahae semine sunt receptae. Similiter et viris praecipit, ut uxores suas honore digno contineant, quasi in-

infirmas, et coheredes gratiae, ut oratio alterutrum non debeat impediri. Ad postremum utrumque commonet sexum, ut sint omnes unanimis, compatientes, misericordes, et humiles, non reddentes malum pro malo, sed in benedictionis gratia, qua vocati sunt, perseverent.

VIII. *Qui enim vult vitam, et diligit videre dies bonos, coherceat linguam suam a malo.* Adhuc generaliter monet, ut linguam nostram a malis cohibere debeamus; quae semper prona cognoscitur ad delicta. Sed non solum dicit hoc posse sufficere, quando illa sola perfectio est, a malis quidem declinare, sed bona eminenter efficere: Dominus enim super iustos respicit, et super impios iratus intendit. Dicens beatos eos effici, si pro nomine Domini aliqua fuerint insecutione lacerati. Omni vero tempore paratos illos dicit esse debere, ut cum modestia, et timore sancto fidei suae possint reddere rationem; quatenus derogatores fidelium veritate percepta, protinus conticescant.

VIII. *Melius est enim benefacientes (si velit voluntas Dei) pati, quam male-*

III. 3.
V. vitam
diligere,
& dies videre bonos

III. 17.

le

les facientes. Multo melius esse confirmat bene agentem male pati, quam male agentem pro factorum suorum qualitate percelli. Sic enim Dominus cum nihil mali fecisset, pro peccatis nostris carne peremptus est; qui nobis formam suae passionis instituit. Non quoque coniungit exemplum, quoniam sicut in arca eius octo tantum animae diluvii perditione salvatae sunt; ita per baptismatis gratiam sanctus populus a peccatorum labe noscitur esse liberatus: non enim in sacro baptismo, sicut in communi lavacro sordibus suis caro diluitur, sed credita Domini resurrectione salvatur; qui deglutivit mortem, ut vitae ipsius participes esse mereamur. Quapropter Christi resurrectione comperta, et nos in carne patiamur, cum peccata relinquimus; quatenus reliquum vitae nostrae tempus, non secundum humana desideria, sed secundum voluntatem Domini transigamus.

IV. 3. X. Sufficit enim praeteritum tempus
V. consummandam. ad voluntatem Gentium consummatum.
Sufficere dicit mundo, quod ad voluntatem nefandam Gentium praeterita tempora probantur elapsa: nunc autem

rem secundum Deum vivendum est in Spiritu Sancto, qui nos vocavit ex mortuis, ut in spe eius vivere deberemus. Adeo enim evangelizatum constat et mortuis lege peccati, ut in illa resurrectione generali aeternae vitae gaudia consequantur. Quapropter adpropinquante fine saeculi, prudentes, et seduli in oratione esse debemus; caritatem inter nos habentes, quoniam caritas cooperit multitudinem peccatorum: hospitalitatem quoque, ceteraque bona sine murmuratione praecepit debere praestari: verbum autem Domini sic asserit praedicandum, ut tota intentio credentium ad Dominum referatur auctorem, cui est virtus, et gloria in saecula saeculorum.

- * XI. *Carissimi, nolite parvescere in* IV. 12.
ferwore, quia ad temptationem vobis V. nolite
fit. Confortat populum fidelem, ne peregrina-
 ri
 debeat illata passione turbari; quoniam pro nobis Christus pertulit maiora, quam nos videmur pro fide ipsius sustinere: constantia exultandum est ergo hic in talibus rebus, ut ante ipsum perfecta laetitia gaudeatur. Ammonet quoque, ut nemo pro flagitiis, aut criminibus mundi tormenta sustineat;

neat ; ceterum si pro Domino Christo patimur , in aeterna beatitudine collocemur : nemo enim debet erubescere , unde se novit ad aeterna premia pervenire . Sed si iustus , atque fidelis vix salvi fiunt , utique peccator , et impius non parebunt ; nam qui hic pro Christo patitur mala , animam suam in illa iudicatione commendat .

- V. 1. XII. *Seniores igitur , qui in vobis sunt , obsecro , consenior , et testis Christi passionum* . Presbyteros ammonet , ut clerum sibi creditum diligenti , et inavara cura custodiant , vitia despiciant , temporalia lucra contemnant , et in conversatione probabili suas divitias ponant : quatenus cum apparuerit *princeps pastorum* , beatitudinis honore coronentur . Adolescentes etiam commonet , ut subiecti debeant esse senioribus suis , quoniam Deus superbis resistit , humilibus autem dat gratiam ; nam qui se humiliant Christo , in eius exaltantur sine dubitatione iudicio . Humanas quoque sollicitudines in eo dicit esse proiciendas , ut ipse nos nequaquam debeat de suo regno proicere .

- V. 8. XIII. *Sobrii estote , vigilate ; quia*
adver-

adversarius vester diabolus, tamquam leo rugiens, circuit, quaerens quem transvoret. Sobrios, et vigilantes eos Vulg. devoret. esse debere monet, quoniam indefinenter temptat illos diabolus, tamquam belva cruenta subripere; cui per fidem, atque operas bonas resistendum esse pronuntiat: quoniam ille sic vincitur, cum fidelis animus nulla immixtione superatur. Et ne tanto hoste designato turbarentur corda fidelium, potentem Deum illi dicit resistere, cui nulla potestas praevalet obviare. Quam epistolam per Silvanum fidelem eorum se scripsisse testatur, obsecrans, et contestans, ut in praedicata gratia Domini perseverare non desinant: salutationes quoque Ecclesiae, quam de Babylonia, idest de seculi istius confusione, dicit electam, et Marci filii sui pia institutione transmittens; petit etiam, ut salutentur fidelissimi in obsequio caritatis, gratiam illis benedictionis attribuens, qui in Christo Domino permanebant.



EIUS.

E I U S D E M

SECUNDA.

I. 1. *I. Simon Petrus, servus, et Apostolus*
V. iis, qui coequalem nobiscum. **S** Iesu Christi his, qui equalem sortiti sunt fidem. Simon nomen est proprium, Petrus cognominatio eius; si-

cut in Evangelio a Domino dictum. Ioan. I. 43. *Vulg. filius Iona* est; tu es Simon, filius Iohannis, tu vocaberis Cefas, quod interpretatur Petrus. Servum vero se perhibet, quod Domino Christo devotione humillima serviebat: Apostolum memorat, ut collatum sibi designaret officium; nam quod dicit, *Iesu Christi*, sicut saepe iam dictum est, unius appellatione personae indicare cognoscitur sanctissimam Trinitatem: et ne se Ecclesiae Domini aliqua elatione praeferret, his se dicit scribere, qui coequalem fidem Domini largitate sortiti sunt: quibus optat gratiam, et pacem multiplicari in futuri cognitione iudicii; ubi quidquid tribuitur, nulla ulterius amissione fraudatur.

I. 3. *Vul. Quo modo Gr. virtutis sue que Gr.* II. *Sicut omnia nobis divinae virtutis eius ad vitam, pietatemque donata.* Sicut omnia credentibus ad vitam, pie-

pietatemque donata sunt, *per recognitionem eius, qui nos vocavit propria gloria*, non meritis nostris, ut per haec, quae promissa sunt, divinitatis eius mereamur esse consortes; sicut in Evangelio dictum est, *Pater volo, ut ubi sum ego, ibi sint et hi mecum*: ita ^{Io: XVII. 24.} et nos effugere debemus mundana flagitia. Sed magis nitamur in fide nostra affectare virtutem, in virtute vero scientiam, in scientia autem continentiam, in continentia vero pietatem, in pietate amorem fraternitatis, in amore fraternitatis Domini caritatem. Haec enim cum nobis praesto sunt, sine fructu in cognitione Domini Christi esse non possumus; sed in regno Domini recipimur, ubi aliter introire penitus non meremur.

III. *Propter quod non differam semper commemorare vos: et cetera.* Non se dicit posse desinere a praedicationibus institutis, donec eos firmos, atque corroboratos derelinquat in fide Domini salvatoris: quando se testatur, sicut a Domino est commonitus, de hoc saeculo transiturum; et ideo sanctissimo paternitatis affectu operam se perhibet dare, ut talia in ipsis agat,

H quem

I. 12.
Vulg.
*incipiam
vos semper
commemore
de his.*

quemammodum eius possint retinere memoriam : non enim commentaticiis fabulis aliquid de Christo Domino se dicit esse dicturum ; sed dicturum se illa , quae suis auribus audivit , et certissima visione cognovit . Cui rei illud v. 17. Evangelicum subiungit exemplum : *hic est Filius meus dilectus , in quo mihi bene complacui ; ipsum audite* . Quam vocem cum aliis Apostolis se dicit audisse , dum in sancto monte essent cum Domino salvatore : sic in isto testimonio illi confutati sunt , qui putant Patrem Filium non habere .

I. 19. IIII. *Et habemus certiores profetes .* cum sermonem , cui benefacitis intendentes . Quod protulit , laudat exemplum , ut hoc ita debeant habere semper in cordibus suis , quemammodum lucerna praeparatur in tenebris : donec Christus adveniat , de quo iusti incomparabili claritate lucebunt . Prophetiam veram generaliter laudans , quae numquam voluntate humana , sed divina inspiratione collata est : pseudoprophetas vero apertissima conclusione definivit , dicens , eos magistros esse mendaces , qui spe turpissimi lucri , iudicium sibi perpetuae damnationis adquirunt . V.

V. *Si enim Deus Angelis peccantibus non pepercit, sed carceribus inferis re-* II. 4.
trudit. Probatio dicti superioris digna Vul. *sed*
consequitur; quoniam Angelis peccan- *rudentibus*
tibus non pepercit, sed caliginosis car- *inferni de-*
ceribus retrufos reservavit, suo iudi- *trattos in*
cio puniendos: deinde, si originali *tartarum*
mundo non indulfit, quem suis mani- *tradidit;*
bus fabricare dignatus est, eumque
cum hominibus impiis superducti dilu-
vii vastitate delevit; si Sodomam, et
Gomorram in cinerem deductam iusta
indignatione damnavit; contra octa-
bum Noe a diluvio, iustum Loth su- sic
preme dolentem ab impudicorum con-
versatione liberavit: ut talibus con-
iunctis exemplis vir sanctissimus proba-
ret, et impios poenam dignam reci-
pere, et iustos temptatione salvari.

VI. *Maxime autem qui post carnem in desideria convolutionis eant. Ar-* II. 10.
guit eos, qui post desideria carnis V. *Magis*
eunt, et dominationem Christi sacrile- *autem e-*
ga voluntate contemnunt; quorum vi- *os, qui*
tia multipliciter narrans, dicit, eos *post car-*
contra Dominum superba voluntate *nem in-*
consurgere, qui peccantes Angelos *concupi-*
noscitur inclinasse: eorumque denuo *scientia*
describit, et corporum qualitates, et *immun-*
bulant;

H 2

pess-

pessimos mores , quos post multa fla-
 gitia dicit etiam coluisse simulacra ;
 quos dignis comparationibus notat :
 memorans , eos fontes esse siccos , et
 f. turbini- nebulas caliginosas , et *tubidines* exa-
 gitatas , quibus merito aeterna prepa-
 ratur obscuritas . Hi decipiunt audien-
 tes , et ad libertatem trahunt libidinis ,
 cum ipsi noscantur servi esse peccati :
 utilem nimis subiungens , probabilem-
 que sententiam ; illius unumquemque
 esse servum , cui et subiectus esse co-
 gnoscitur .

II. 20.

Vulg.
 in cogniti-
 one Domi-
 ni nostri .

VII. Si enim *refugientes coinquina-
 tiones mundi in agnitionem Domini* .
 Increpat illos , qui accipientes manda-
 ta veritatis , iterum se in pristino cae-
 no salutatis involvunt : comparans eis
 illa proverbia ; *redire canem ad vomitum suum , et porcum in suis volutabris
 denova revolutione versari* . Secundam
 dicens illis epistolam transmisisse , ut
 Traditiones patrum fideliter teneant ,
 non se ad Gentilium errores impia vo-
 luntate convertant ; sed illud magis
 desiderent efficere , quod ad mandata
 cognoscunt Christi Domini pertinere .

III. 3.

V. quod
 venient in

VIII. Hoc primo *scientes , quia ve-
 nient in novissimo dierum inlusione in-*
 lu-

ludentes. Commonet eos, novissimis apparere temporibus, qui dicant, *ubi est Christus Dominus, qui celeriter venire promissus est? ecce tanta tempora transierunt, et nihil tale provenisse cognoscimus*. Exemplum ponens diluvii, quoniam, sicut istos caelos aërios cre- scens unda complevit, mundusque tunc a sua temperatione deperit; ita in di- em iudicii eisdem per ignem iterum, sicut legitur, esse delendos. His rebus absolute probans, omnia, quae prae- dicta sunt, sine aliqua dubitatione complenda.

novissimis diebus in deceptione illusores.

VIII. *Venient autem dies Domini, ut fur*: et reliqua. Diem Domini su- bitum venire dicit, ut furem, quando caeli magno impetu celeritatis excur- runt, quando elementa mundi ignis calore solvenda sunt; sed his omnibus pereuntibus, et totius machinae im- mutatione terribili, quales oportet tunc fideles esse, ut tantam nequeant incurrere vastitatem; nam cum novi caeli, et terra nova pollicita sit, in quibus habitat promissa iustitia, non est dubium, quae nunc videmus, posse dissolvi. Quapropter dilationem, temporis non sibi credant ullatenus

III. 10.
V. Advu-
niet

odiosam , sed salutis suae causas indicent agi , quando se ut convertantur , intelligunt sustineri .

III. 15. X. *Sicut et dilectissimus frater* no-
 V. *charis-* *ster Paulus* : et quod sequitur . Lau-
simus dat fratrem , et coapostolum suum ,
 dicens , custodite verissimam fidem , si-
 cut vobis scribit Paulus Apostolus , se-
 cundum sapientiam , quae illi data est ,
 altitudines profundas exquirere , et
 occulta revelare ; quae tamen indocti ,
 et instabiles ad proprium interitum ,
 sicut et ceteras scripturas , pro sua vo-
 luntate convertunt . Sed monet eos ,
 quibus scribere videbatur , ne perverso-
 rum errore decepti , a fidei suae vi-
 deantur stabilitate subverti ; sed poti-
 us in intellectu , et gratia Domini
 Christi proficiant , ut bonis semper
 meritis augeantur .

I O H A N N I S

AD PARTHOS.

I. 1. I. *Quod* **Q**uod erat ab initio , quod audivi-
 V. *fuit* *mus* , quod vidimus oculis no-
 stris . Certissimam fidem facit praedi-
 cationibus suis , quando se de Domi-
 no

no Christo non tantum audita dicit referre, sed visa; illa tamen se vidisse confirmans, quae secundum Evangelium suum nullatenus temporaliter coepta sunt, sed iugiter in aeternitate manserunt: dicens, Deum esse verissimum lumen; et si quis maluerit ad eius pervenire notitiam, in conscientiae debet claritate versari: quoniam fieri non potest, ut aliquis quandiu in tenebrosa pravitate positus est, eius sancto lumine compleatur.

II. *Si dixerimus, quoniam peccatum non habemus, nos ipsos seducimus.* Ne putaret aliquis, hominem sine peccato esse, quem semper in lumine cordis praeceperat ambulare, dicit, nullum esse, qui nequeat in aliqua parte delinquere; sed illum potius probabilem fieri, qui peccata sua Domino noscitur confiteri: quatenus demittens nobis delicta, Dominus reddat nos sua pietate purgatos: nam si nos inculpabiles aestimemus, mendacem fecimus eum, qui dixit, *omnia conclusit Deus sub peccato, ut omnibus misereretur.* Dicit etiam, ut dum carnis fragilitate peccaverint, ad satisfactionem protinus redeant Domini Christi, qui

Rom. XI.
23. Vulg.
Omnia in incredulitate, ut omnium.
&c.

H 4

Patrem

Patrem iugiter interpellat pro nobis ; nam qui se dicit in eo manere , debet ita gressus suos dirigere , quemadmodum et ipse cognoscitur ambulasse .

- II. 7. III. *Non novum mandatum scribo vobis , sed mandatum vetus , quod habuistis ab initio .* Quantum ad Scripturas divinas pertinet , non se dicit nova praedicare , quia olim in lege nascuntur esse praedicta ; sed in hac parte novum cognoscitur esse mandatum , quoniam illa , quae sunt praemonita , nunc videntur impleta : peccatorum siquidem tenebrae transierunt , et manifestatio luminis venit per Dominum Christum ; ideoque non debet aliquis , odisse fratrem suum , pro quo Christum animam suam posuisse cognoscit . Scripsisse autem dicit senioribus , iunioribus , pueris , et pupillis , ut communi debeant caritate gaudere ; quando pro percepta fide constat illis remissa esse peccata : deinde quia vicerunt malignum diabolum , quia Deum cognoverunt Patrem , et Filium , et Spiritum Sanctum .

- II. 15. IIII. *Nolite diligere mundum , neque ea , quae sunt in mundo : et reliqua .* Mundum praecepit nullatenus concupisci ,

pisci, quoniam voluntatibus divinis probatur semper adversus: ideoque qui caelestem patrem diligit, mundi huius tenebras non amavit: carnis enim vitia, et spiritalis virtus longe discreta sunt; et ut eos efficeret cautiores, horam dicit esse novissimam: quoniam per subdolos fratres, et haereticas pravitates nequitia provenit Antichristi. Quos tamen exisse dicit de congregatione sanctorum, quia digni non fuerunt cum fidelibus permanere; probat etiam, eos esse mendaces, qui dicunt, Iesum non esse Dominum Christum, quando qui Filium negat, utique negavit et Patrem.

V. *Vos quod audistis ab initio, permaneat in vobis*: et cetera. Manere dicit eos debere in accepta fide, ut et ipsi in Patris, et Filii caritate permaneant; quatenus promissiones eius, idest vitae aeternae praemia consequantur: quapropter manendum est in eo, ut in adventu suo non nos inveniat alienos: nam cum nobis dederit, suos filios vocari, nimis impium est, si ab eius institutis reddamur extranei. Sic ergo nobis agendum est, ut cum apparuerit, possimus eum, sicuti est, plenissimo munere contueri. VI.

II. 24.

III. 4. VI. *Omnis, qui facit peccatum, et
V. & peccatum est iniquitatem facit; quia peccatum ini-
quitas est.* Hoc multis argumentationi-
bus, hoc sedula probatione complecti-
tur; dicens, contrarios nos esse Chri-
sto Domino non debere, si habere
cum ipso volumus portionem: nam
cum sit ille immaculatus, atque iustis-
simus, omnino se ab ipso dividit, qui
nequitia perversitatis involvitur: ideo
enim Filius Dei venit in mundum, ut
antiquum solveret indebita morte pec-
catum: et ideo fratrem nullus odisse
debet, ne Cain detestabilis incurrat
exemplum, qui per invidiam bonorum
operum germanum suum impia morte
trucidavit.

III. 14. VII. *Qui non diligit fratrem, per-
Vul. Qui manet in morte: et reliqua. Qui non
non dili- diligit fratrem suum, homicidam il-
git, manet lum esse pronuntiat; et qui homicida
&c. est, vitam non potest habere beato-
rum: nam si quis fratrem suum vide-
rit egentem, et circa ipsum clauferit
viscera misericordie suae, ipse non
potest a Domino misericordiam impe-
trare: non enim fratrem sola lingua
diligendum constat esse, sed opere;
quod si cor nostrum praeceptis eius,
man-*

mandatisque consentiat, quidquid a Deo petimus, incunctanter accipimus: sic autem in nobis permanet Dominus, si eius praecepta fideli mente faciamus.

VIII. *Nolite omni spiritui credere, sed probate spiritus, qui ex Deo sunt.* IV. 1. Vulg. Charissimi &c. si ex Deo sint. Falsis prophetis nullatenus dicit esse credendum, sed probandos asserit, quibus fides debeat adhiberi: nam qui Christum confitetur esse Verbum, caro factum, hic verus est praedicator; qui vero eum haeretica pravitate dissolvit, iste verus Antichristus est: quoniam illud vult destruere, unde salus mundi cognoscitur evenisse: nam cum sit caritas Deus, eum quem nemo viderit, ipsum revera diligimus, quando mutua fratres affectione complectimur. Apparuit siquidem in nobis dilectio ipsius, quando unigenitum Filium suum in hunc mundum misit, ut nos de laqueo mortis eriperet, et perpetuae salutis dona praestaret.

VIII. *Et nos vidimus, et testamur, quoniam Pater misit Filium suum salvatorem saeculi.* IV. 14. Vulg. testificamur &c. salvatorem mundi. Saepius caritatem Dei, et proximi suavissima revelatione commendat; cognovisse se dicens, Deum Pa-

Patrem misisse Filium suum, ut mundi pericula, miserasque salvaret. et ideo qui manet in caritate, in Deo manet, quoniam caritas Deus est: sic enim fiduciam ante ipsum habere possumus, si eum studio caritatis imitemur. Sed ut huic rei maximam confidentiam daret, timorem esse in caritate non asserit; maxime quando Deus prius nos dilexit, ut eum diligere deberemus: si quis vero odio habens fratrem suum, quem videt, dixerit se Deum posse diligere, quem non videt, omnino mentitus est: cum evidens constet esse mandatum, ut qui diligit Deum, diligat et proximum suum.

- V. 1. *X. Omnis, qui credit, quia Iesus est Christus, ex Deo natus est: et reliqua.* Qui Deum Iesum credit, ex Deo Patre natus est, iste sine dubitatione fidelis est; et qui diligit genitorem, amat et eum, qui ex eo natus est, Christus. Sic autem diligimus eum, cum mandata eius facimus, quae iustis mentibus gravia non videntur; sed potius vincunt saeculum, quando in illum credunt, qui condidit mundum. Cui rei testificantur in terra tria mysteria; aqua, sanguis, et spiritus:

ritus : quae in passione Domini leguntur impleta : in caelo autem Pater , et Filius , et Spiritus Sanctus ; et hi tres unus est Deus .

XI. *Si testimonium hominis accipimus , testimonium Dei maius est .* Si hominum testimonia solemus accipere , credi debet. paternae sententiae , qui Filium suum Dominum Christum multis audientibus inconvertibili sermone professus est . Nam qui eius testimonio non credit , quod dici nefas est , mendacem putat illum , qui vera locutus est : nam cum in Domino Christo habeamus perpetuam salutem , qui ei non vult credere , salutis se munere cognoscitur exuisse .

V. 9.
Vulg. bonum

XII. *Haec scripsi vobis , ut sciatis , quia vitam habetis aeternam : et cetera .* Ut credentium sensus corroborata fidei radice firmaret , dicit , si voluntas eorum in accepta praedicatione permanserit , quidquid a Domino salutariter petere voluerint , eis sine dubitatione concedi . Commonet etiam , ut pro fratribus orare debeant , qui tamen non usque ad mortem gratia delicta committunt : pro illis autem , qui se scelerala impietate com-

V. 13.
Vulg. scribo

ma-

maculant, et in desperationis iniquitate perdurant, non dicit ullo modo supplicandum: sed ne aliquis de intelligentiae lumine causaretur, dicit Filium Dei in hunc mundum venisse, et veritatis nobis intelligentiam praestitisse, commonens eos, ne ulterius simulacrorum mendaciis inludantur.

INCIPIT EIUSDEM

SECUNDA.

I. 1.
Vul. non
habet Io-
hannes
*

I. *Iohannes senior Electae dominae, et filiis Eius: et quod sequitur.* Iohannes senior, quoniam erat aetate provectus, electae dominae scribit Ecclesiae, filiisque eius, quos sacro fonte genuerat; hos se dicit, studio caritatis diligere non solum, sed etiam omnes fideles, qui cognoverunt Domini voluntatem, quae permanet in aeternum: optans eis gratiam, misericordiam, et pacem a Deo Patre, Filioque ipsius, Iesu Christo in veritate concedi.

I. 4. **II.** *Gavisus sum valde, quoniam inveni de filiis tuis ambulantes in veritatem, Gavisum se plurimum dicit, quod*

quod filios sanctae Ecclesiae, quibus videbatur scribere, in veritate comperit ambulare; sicut a Patre mandatum noscitur esse susceptum: ut Filium eius scilicet crederent, Iesum Christum Dominum nostrum. Commonet autem fidelium congregationem, ut mutua se caritate consociant; nam qui non confitetur, Iesum Christum ad salvandum humanum genus in carne venisse, hic omnimodis probatur Antechristus: qui enim permanet in doctrina rectissima, in Patris, et Filii, et Spiritus Sancti benedictione gaudebit: ideoque falsos prophetas nec salutari, nec recipi debere testatur; quia communicant sceleribus eorum, quicumque se illis aliqua societate coniungunt. Multa quidem se illis dicit scribere voluisse, sed quoniam disponebat ad eos venire, quae illis dicenda erant, servat praesentiae suae: epistolam suam salutationis iterum sine concludens.



EIUS

E I U S D E M

III.

I. 1. **S**enior Gaio dilectissimo, quem ego diligo in veritate: et reliqua. Cum in Epistula superiore nomen suum posuit, et senior iunxit, hic tantum senior dixit: quoniam quis est iste senior, superius indicavit. Scribit ergo Gaio, quem recte filii copulatione diligebat; laudans eius, et provocans in bona actione propositum.

I. 3. II. Valde gavisus sum in adventu fratrum testantium de veritate. Gavi-
 V. venien-
 tibus fra-
 tribus, &
 testimoni-
 um perhi-
 bentib. ve-
 ritati tuę.
 sum se dicit, quod venientibus fratri-
 bus, probabilem ipsius cognoverit
 actionem; quia revera boni patris est
 gaudium, quando filiorum suorum lau-
 dabile compererit institutum: praedi-
 cans eum, quod in fratribus, et maxi-
 me peregrinis studia caritatis impen-
 derit: et hortatur, ut talia praemittat
 ad Dominum, quatenus ipse securior
 subsequatur: nam cum ab infidelibus
 solacia vitae nulla perceperint, a fi-
 delibus eis decuit subveniri; pro qui-
 bus se dicit, Diotrepto cuidam scri-
 psisse, qui primatum eorum agere vide-
 batur;

batur ; sed voluntate ipsius pessima , non se dicit auditum : quem non perhibet imitandum , quum boni potius , quam mali sequendi sint . Demetrium vero laudat , cui bonum testimonium cum ipsa veritate persolvit ; reliqua vero , quae dicenda fuerant , reservat praesentiae suae ; epistolam suam carissima salutatione concludens .

I U D A E .

I. **I**udas Iesu Christi servus , frater autem Iacobi in Domino Patre : et sequentia . Cum dicit servus Christi , et frater Iacobi , dividit se a Iuda traditore , quem iuste omnium detestatur auditus . Scribit ergo dilectis in Domino Patre , et in Iesu Christo vocatis , atque servatis ; optans illis , ut misericordia , pace , et caritate Domini compleantur :

I. r.
Vulg. Iacobi , his qui sunt &c.

II. *Dilectissimi , omnem sollicitudinem faciens scribendi vobis .* Studium se dicit habuisse probabile , ut fidelibus scriberet de salute communi , ne falsis praedicatoribus credere debuissent ; quos tamen in praedestinatione

I. 3.

cognitos Domino fuisse testatur : qui divinam gratiam in luxuriam hereticam transferentes , dominatorem nostrum Iesum Christum denegare praesumunt. Commonens eos , quod Israeliticum populum semel de Aegypti terra liberavit , sed eos , qui minime crediderunt , iustitiae suae indignatione consumpsit : Angelos autem , qui gloriam nativae dignitatis amittere delegerunt , reservat iudicio suo , caliginosis vinculis inligatos . Sodomam quoque , et Gomorram , et finitimas civitates , quae graviter deliquerunt , ob scenam carnis vitia diligentes , consumptas perhibet , in exemplo ignis aeterni : dicens , maiestatem blasphemantibus periculum imminere semper exitii : in tantum , ut altercans cum diabolo Archangelus Michael de corpore Mose , ausus non fuerit blasphemiae inferre iudicium : tunc diabolus nomine Domini audito discessit .

I. 10.
Vul. quae
cumque
quidem
ignorant

III. *Hi autem , quicumque quidem ignorabant , blasphemant : et cetera .* Malorum , bonorumque Angelorum positis exemplis , redit ad eos , qui de Domino Christo derogare praesumunt : dicens , eos divinitatem blasphemare ,
quam

quam nesciunt : quae autem naturaliter, idest corporaliter, tamquam muta animalia noverunt, in eis se caeno perversitatis involvunt : in via illos Cain esse proclamans, et in Balaham idoli errore versari, et in Chore contradictionibus inveniri ; quem terrae vastissimus hiatus absorbit ; eorumque nequicias multiplici sententiarum brevitate definit : de quibus Enoch datur exemplum, qui ab Adam septimus prophetavit, tales in Domini disceptatione perituros.

III. *Vos autem carissimi, memores I. 17. estote verborum, quae praedicta sunt.* Memores eos dicit esse debere, quae et ab aliis Apostolis audierunt, ultimis venire temporibus delusores, in desideriiis suis nequiter ambulantes ; hi sunt animales divinum spiritum non habentes : illos autem dicit veracissima praedicatione completos debere mutuo permanere, et in Spiritu Sancto proficere, qui eis datus cognoscitur ad provectum : ita ut quosdam diiudicatos arguant, quosdam de adustione aeterni ignis eripiant ; nonnullis misereantur errantibus, et conscientias maculatas emundent : sic tamen, ut

peccata eorum digna execratione refugiant : quatenus in iudicio Domini laboris sui mercedem larga pietate recipiant ; cui est honor , potentia , claritas , et potestas ante omnia secula , et nunc , et in omnia saecula saeculorum .

Vulg. *Epistola Catholica B. Jac. Apost.*

INCIPIT EPISTULA IACOBI

AD DISPERSOS.

I. 1. *Vulg. Iacobus Dei & Domini nostri &c.*

I. *Iacobus Iesu Christi servus , duodecim Tribubus , quae sunt in dispersione salutem . Iacobus Apostolus scribit duodecim Tribubus Israheliticis , quae in dispersione morabantur , secundum illam comminationem Domini , quae dicit , et dispergam vos in omnes Gentes : ipsis enim debuit consolatio praestari , qui maxime videbantur affligi .*

I. 2. *II. Omne gaudium existimate , fratres mei , cum in tentationes varias incideritis . Gaudium dicit potius aestimandum , quando nos temptatio diabolicae perversitatis insequitur : quia bonae mentis patientia inde nascitur , quam Deus Dominus coronare dignatur .*

tur. Deinde sicut bonus medicus dicitur salutare remedium, ut si quis indiget sapientia, ab illo magis petat, qui praestat dona gratuita. Sed in ipsis petitionibus non dicit haesitandum, quia non potest accipere, qui dubitanti animo cognoscitur postulare. Deinde commonet hominum perversitates, ut humilis in beatitudine sibi collata gratuletur, dives autem gaudere debet, quando se humiliatum esse cognoscit; quoniam mundi istius divitias, tamquam forma florifera, videmus posse transire. Redit iterum ad illa quae coeperat, beatum dicens, qui aequanimiter temptationem suffert; quando in illa disceptatione, Dominica corona illi vitae probatur esse posita.

III. *Nemo cum temptatur, dicat, I. 13. quia a Deo temptatur: et reliqua.* Deum perhibet non esse temptatorem malorum, sed a propriis concupiscentiis unumquemque posse temptari: concupiscentia siquidem dum concepta fuerit, producit peccatum, peccatum vero dum consummatum fuerit, generat mortem: et ne suis viribus boni aliquid imputaret humana fragilitas,

omne datum optimum ; et omne donum perfectum de sursum a Patre luminum perhibet posse descendere ; a quo sacro baptismo gratuite nos , non meritis , dicit esse progenitos ; ut novae recreationis simus initium . Monet etiam , ut veloces ad audiendum , tardi autem sive ad loquendum , sive ad iracundiam esse debeamus : quoniam iracundia humana divinam non potest implere iustitiam ; et ideo malitiam , atque imunditias abicientes , sub mansuetudine verbum debemus accipere , quod nos possit in illa resurrectione salvare .

- I. 12.** — **IIII.** *Estote autem factores verbi , et non auditores tantum .* Ammonet nos , non tantum auditores legis , sed debere potius esse factores : quoniam si quis auditor solummodo legis fuerit , illi fit similis , qui se in speculum conuertetur ; et cum discefferit , oblitus sui propria imaginatione deluditur : qui vero factis impleverit legem libertatis , atque in eadem fixa voluntate permanferit , operatione sua beatus habebitur . Si quis autem religiosorum fuerit nimia procacitate verbosus , huius fit omnino vana religio ; illa est enim
apud

apud Deum laudabilis conversatio, si non sumus in loquacitate proni, sed ad mandata ipsius facienda studiosissime praeparati.

V. *Fratres mei, nolite in personarum acceptione habere fidem Domini nostri Iesu Christi.* II. 1.
 Fidem Domini Iesu Christi personarum non dicit acceptione V. Christi gloriæ.
 pensandam; ut in honore dives, in contemptu pauper habeatur: quia nimis iniquum est, non de meritis hominem, sed de substantiae quantitate iudicare. Nam cum Deus in hoc mundo pauperes elegerit, quos Apostolos fecit, sacrilegium esse non dubium est, contra ipsius ire iudicia; deinde cum divites facultatum suarum praesumptione sint noxii, impium est pauperes despiciere, qui nihil tale probantur asumere: maxime cum legatur; *diliges proximum tuum, sicut te ipsum;* v. 8.
 et ideo si quis totam observaverit legem, eamque in uno mandato caritatis doceatur offendere, totius legis efficitur reus. Subiungit quoque, in illo districtum faciendum esse iudicium, qui nulli misericordiam fecit; nam quando fit misericordia, superexultat sine dubitatione iudicio.

II. 14.

Vulg. non
habeat.Luc. VI.
30.

VI. *Quid proderit, fratres mei; si fidem quis dicat se habere, opera autem non habet?* Fidem sine bonis operibus neminem dicit posse salvare; nam si quis petat elemosynam, eique dicatur, *dat tibi Deus*, fideliter quidem dicitur, sed minime Domini iussa complentur: quando ipse praecepit, *omni petenti te tribue*. Fidem vero sine operibus esse mortuam, per daemonum exempla confirmat; iterumque docet, Abrahæ perfectam fuisse fidem, quando filium suum sacris altaribus obtulit immolandum. Raab quoque meretricis similitudinem ponit; quæ non fide tantum, sed opere iustificata cognoscitur: probans per omnia; ex operibus iustificari hominem, non ex fide tantum posse salvari.

III. 1.

VII. *Nolite plures magistri fieri, fratres mei: et cetera.* Verat multos magistros fieri, cum linguae procacitate saepius doceatur offendi; nam si quis in verbo non deliquerit, hic videtur esse perfectus: corpusque suum subdit edomitum; nam sicut frenis equos, naves gubernaculis regimus, magnas autem silvas modico igne succendimus; ita et lingua nostra parvum quidem

dem membrum est, sed magna exultatione dilatatur: nam cum omnes bestiae mansuescere possint, sola lingua incontinens non potest edomari; quando per ipsam benedicimus Deum, et per ipsam hominem blasphemamus; qui ad imaginem, et similitudinem eius factus esse dinoscitur. Facit etiam comparationes aptissimas, ut cum omnia servant ordinem naturae suae, sola lingua in disciplinae regulis permanere non possit; et ideo quicumque sapiens est, ostendat conversationem suam in mansuetudine, et sapientia moderata.

VIII. *Quod si zelum amarum habetis, et contentiones in cordibus vestris:* III. 14.
Amarum zelum viros non decet habere perfectos; quoniam talia non superne data, sed diabolica fraude probantur esse concepta: nam ubi zelus, et contentio, ibi inconstantia, et omne opus pravam: quod divina damnat auctoritas; sapientiam vero salutarem multifaria laude concelebrat, quae superna inspiratione conceditur: dicens, eam in pace seminare, et in ipsa corda fidelium contineri; bella vero, et lites ex concupiscentia perhibet

nasci ; unde humanum genus constat affligi . Hinc etiam generatur , quod male petentes bonorum praemia minime consequuntur ; quoniam qui amicus est mundo , inimicus est Deo : subditi ergo simus Christo , ne tradamur iuste diabolo , ut qui captivat , a nobis fugiat , et proximetur ille , qui liberat : nam si visus noster in afflictione mutetur , et laetitia convertatur in moerorem , tunc nos Dominus exaltat , si nosmet sibi prostratos esse cognoscat .

IV. 2. *Vulg. sine de* VIII. *Nolite detrahere de alteru-*
trum : et reliqua . Hic docet , quoni-
 am qui detrahit fratri , detrahit legi ,
 et se constituit improbum iudicem ;
 cum unus sit Dominus , legislator , et
 iudex . Arguit quoque illos , qui ali-
 quam rem facere dementer assumunt ,
 in sua voluncate ponentes , quod con-
 stat in voluntate Domini constitutum :
 hos dicit ignorare , quod supervenien-
 te die possit accidere ; saepe enim fla-
 tum reddunt , qui superbiam suam im-
 proba elatione distendunt . Quapro-
 pter divitibus saeculi dicit esse ploran-
 dum , quoniam in quibus videntur
 praesumere , consumpta certum est dis-

pe-

perire : docens , gravissimum esse malum ultimis thesaurizare temporibus ; quando vicino iudicio Domini , iam deberet fructus bonae operationis inquiri : imputans Iudaeis occidisse iustum , qui ad eos cognoscitur venisse salvandos .

X. *Patientes igitur estote fratres , v. 7. usque ad adventum Domini : et cetera .* Ammonet fideles , ut usque ad adventum Domini debeant esse patientes , quando et agricolae huius mundi matutinum fructum , et vespertinum pro temporis qualitate percipiunt . Iudicem quoque dicit non esse diutius sustinendum , quando cum ante ipsas mundi ianuas stare confirmat ; suadens eis , ut exemplum patientiae suscipiant a prophetis , qui longis ante temporibus adventum Domini sustinere decreverunt . Iob quoque viri sanctissimi datur exemplum , qui tolerando passiones suas laudabiliter vicit , et diabolicas fraudes Domino praestante superavit : sub pio siquidem principe nullus perit , nisi qui liberationem suam sperare contemserit .

XI. *Ante omnia , fratres mei , nolite v. 12. iurare : et sequentia .* Post omnes ammoni-

* monitiones salutarem regulam fidelibus praestat, dicens, nullatenus esse iurandum, sed debere dicere Christianum, esse quod est, et non esse quod non est: nam si quis alterius praegravatur iniuria, vel corporis imbecillitate quassatur, presbyterum dicit adhibendum, qui oratione fidei, et olei sancti perunctione concessa, salvet eum, qui videtur afflictus: peccata quoque illis demittenda promittens, qui alterutra fuerint oratione visitati; orationem vero assiduam iusti multum dicit praevalere ante conspectum Domini. Eliae denique subiungit exemplum, qui et caelos verbo suo clausit, et iterum eos cum precaretur aperuit: in summa concludens, quoniam qui ab errore fratrem liberaverit, studio caritatis peccatorum suorum vincla dissolvit.

EXPLICIT EPISTULARUM
CANONICARUM.



IN-



I N C I P I T

P R O L O G U S
 DE COMPLEXIONIBUS
 ACTUUM APOSTOLORUM
 ET APOCALYPSIS
 I O H A N N I S.



UCAS , Unus Evangelista-
 rum , qui doctrinam Domi-
 ni caelesti veritate conscri-
 psit , Actus quoque Aposto-
 lorum fideli narratione complexus est;
 ut gesta beatorum praeceptis Domini-
 cis concordi gratia consonarent . Hoc
 nos in septuaginta duobus capitibus
 complexi , singulis quibusque locis ad
 breviationem suam credidimus anno-
 tandum ; ut revera sacer Actus Apo-
 stolorum , sicut ipse Lucas Evangelista
 testatur , eodem numero , quo electi
 sunt , clauderetur . Decuit enim , il-
 lum ordinem quantitatem habere li-
 brae , qua dedicatus caelesti probatur
 esse

esse iustitiae . His Actibus Apocalypsen beati Iohannis forsitan convenienter adiunximus ; quia caeleste regnum mirabili narratione describit ; quoniam talibus viris habitatio tanta praestabitur . Hanc triginta tribus capitibus aetatis Domini Christi dividendam esse curavimus ; ubi et triginta significant caelorum culmen excelsum, et sanctae Trinitatis associatur adoranda perfectio . Difficile opus , obscure dicta brevius velle perstringere ; cum sint latius dicenda , quae volumus explanare : sed quoniam hunc librum Tychonius Donatista subtiliter , et diligenter exposuit , providente Deo , qui salutis nostrae antidotum conficit ex venenis ; propter brevitatis propositae necessitatem aliqui novi perversi dogmatis sensus praetereundi noscuntur , ut Lectorem nostrum non tam satiare , quam introducere videamur ; quando sine damno intellegentiae suae in illo reperit quod orthodoxus , et diligens lector inquirat .

EXPLICIT PRAEFATIO

IN.

I N C I P I T
L I B E R I I.
COMPLEXIONUM

*Actuum Apostolorum, et Apocalypsis
Sancti Iohannis,*

CASSIODORII SENATORIS
iam Domino praestante conversi.

INCIPIUNT COMPLEXIONES
IN ACTUS APOSTOLORUM
ET APOCALYP SIN.



ACTUUM APOSTOLORUM.

I. **P**rimum quidem sermonem feci I. 1.
de omnibus, o Theophile, quae
coepit Iesus facere, et docere:
et cetera. Evangelii sermone comple-
to, quem post resurrectionem Domini
Lucas fecisse commemorat, Actus quo-
que Apostolorum, scribens ad Theofi-
lum, se collegisse testatur; ut fidei
Christianae indubitata perfectio certif-
simis testimoniis appareret: primum
dicens, ad Patrem ascensurum Iesum
Chri-

Christum praecepisse discipulis suis, ne ab Hierosolymis discederent, ut quamvis essent baptizati, Spiritus sancti plenitudine complerentur.

I. 6. II. *Igitur qui convenerant, interrogabant eum*: et reliqua. Interrogatum dicit Dominum Christum ab his, qui convenerant, si praesenti tempore regni Israelitici restitutio fieret, quam promisit esse venturam: definitionem vero temporis ipsius ad utilitatem magis nostram constat esse denegatam: sed illis magis praedicatum est, quod quinquagesimo die accepturi essent Spiritus Sancti virtutem, quatenus in omni terra perfectae fidei magnalia testarentur.

I. 9. III. *Et cum haec dixisset, videntibus illis, elevatus est, et nubes suscepit eum ab oculis eorum*; et cetera. Inter illa verba, quae superius dixit, videntibus Apostolis, ascendisse Dominum subito testatur ad caelos; et ne aliquis tale miraculum fantastica crederet imaginatione monstratum, adstitisse illis dicit Angelos Dei, dicentes, *quid ista miramini? sic ad iudicandum, eum de medio vestri constat adsumptum*. Tunc a Monte Oliveti, ubi haec gesta

sta sunt, Hierosolymam reversos dicit Apostolos, et introisse caenaculum, ubi in unum undecim, quorum dicit nomina, commanebant. Perseverabant autem in orationibus suis cum sanctis mulieribus, et Maria Matre Domini, vel fratribus eius, ne ab ipsis discederet, qui videbatur assumptus.

III. *Et in diebus illis surgens Petrus in medio fratrum dixit: et reliqua.* I. 15.
Tunc Beatus Petrus, centesimi octavi Psalmi recordatus exemplum, dixit in medio fratrum, qui erant circiter centum viginti: oportet nos, Iuda traditore summo, * duodecimo discipulo cogitare: quatenus perfectus ille numerus compleretur. Tunc in medio stantes Ioseph, et Matthian, oratione facta sortes miserunt, et electio cecidit super Matthian, et ipse duodecimus est annumeratus Apostolus. v. 8. *suppl. de*

V. *Cum compleverentur dies Pentecosten, erant omnes pariter in unum: et reliqua.* II. 1.
Impletis igitur quinquaginta diebus, sicut eis promiserat Dominus Christus, subito factus est vehemens de caelo sonus, adveniente Spiritu Sancto, cunctisque in ipsa domo sedentibus supra caput caelestis ignis apparuit; Vulg. Et cum Ec. in eodem loco.

VII. *Viri fratres, liceat audenter dicere ad vos de patriarcha David : et cetera.* Et quoniam Petrus Apostolus David fecerat mentionem ; qui apud Iudaeos propheta venerabilis habebatur , praedicationis suae ex ipso faciens occasionem , mortuum tamen eum probat ; et sepulchrum eius dicit apud eos esse : cum ipse prophetaverit carnem Domini Christi corruptioni nullatenus subiacere ; quem Deus resuscitavit a mortuis , et promissiones Patris plenissima veritate percepit : ab ipso perhibens , donum , quod cernebatur , fuisse collatum ; nam eum Dominum fuisse , David centesimi noni Psalmi exemplo probatum est : qua praedicatione compunctos triamillia virorum , penitus , et baptizatos esse testatur .

VIII. *Erant autem perseverantes in doctrina Apostolorum : et reliqua .* Dum hi , qui conversi fuerant , in suscepta doctrina devotissime permanerent ; et Apostoli saepius miracula magna monstrarent , timoris Domini , et fidelis populi cotidie fiebat augmentum : erat autem credentium magna concordia , ut substantiam propriam unusquisque venderet , quidquid

esset fratri necessarium, utique praestaretur; ad templum quoque conveniendi, erat illis magna devotio; cibum etiam suum in simplicitate cordis cum gratiarum actione sumebant: propter quod eorum numerum propitius Dominus semper augebat. Petrus autem, et Iohannes, cum templum orationis causa conscenderent, claudum ex utero matris suae adpraehensa manu robustis fecerunt ambulare vestigiis: quod populi videntes inaeestimabili sunt admiratione completi; eisque videndi studium magis ac magis impensa devotione crescebat.

- III. 12. VIII. *Videns autem Petrus respondit ad populum: et cetera.* Videns Petrus Apostolus studia fidei populis concita, se in talibus factis non dicit intuendum, sed Dominum Christum glorificandum, quem ipsi crucifigere decreverunt: imputans eis cetera, quae in Domini passione fecerunt, ipsum dicit talia praestitisse, quae humanas vires probantur excedere; hortans eos, ante iudicii tempus ad ipsum debere converti; ut veniam sui mereantur erroris: huic enim esse per omnia obediendum, Moise testimonio comprobavit:

bavit:

bavit : ipse enim promissus est in Abrahae semine , qui unumquemque a sua possit salvare nequitia .

X. *Loquentibus autem illis ad populum verba haec . et quod sequitur .* Videntes principes , et sacerdotes , vel reliqui primates Iudaeorum credidisse Apostolis circiter quinque millia virorum , mittendos eos in carcerem censuerunt , ne illis universa crederet multitudo . Alio die , facto concilio , praesentatos interrogabant , in qua virtute , aut in quo nomine talia miracula facere potuissent . Petrus Apostolus , ut solebat , clara voce professus est , in nomine Christi hoc factum fuisse miraculum ; qui est *lapis* , sicut in cxvii. Psalmo legitur , *angularis* ; quem Iudaei quidem crucifigendum esse putaverunt , sed Deus illum suscitavit a mortuis . Tunc eorum ammirantes confidentiam , quos litteris eruditos esse non noverant , cognoscentes etiam , eos fuisse cum Christo , ipsa veritate permoti sunt ; et statuerunt eis , ne ulterius in nomine Iesu Christi praedicare debuissent .

IV. 1.
in Vulg.
nō habemus
verba haec.

v. 22. Vul.
*factus est
in caput
anguli*.

XI. *Petrus vero , et Iohannes respondentes dixerunt : et cetera .* Sacerdotibus

IV. 19.

grum pretium obtulit, inlaesus abscessit; Ananias vero, cum Sapphira uxore sua, qui venditae villae pretium fraudaverunt, maledicti in conspectu omnium infelices animas reddiderunt; et ipsi extulerunt virum, qui uxorem ipsius exanimem postea portaverunt. Quo facto timor omnibus crevit, et fides, et Apostolorum praedicatio iugiter augebatur: adversantium vero nullus se illis audebat adiungere: quoniam circa eos favor populi subinde crescebat; quando aegroti eorum verbo Apostolorum, et transeuntes *f. transe-* umbra Petri sanati sunt: quod non *untis* solum civitatis eius populi, sed vicinarum quoque urbium crescente fide faciebant.

XIII. *Exurgens autem princeps sacerdotum, et omnes, qui cum illo erant:* V. 17. *et reliqua. Cognitis talibus princeps sacerdotum, et reliqua haeresis Sadduceorum, repleti sunt zelo magno, et detentos Apostolos positos custodi- bus in publicum carcerem retruserunt: quos Angelus Domini apertis ianuis educens, praecepit, ut more solito in templo populos docerent. Hoc ignorant principes, et sacerdotes alio die*

ad publica claustra miserunt ; qui re-
perientes carcerem diligenter serva-
tum , nullum tamen eorum , quos pri-
die retruserant , invenerunt ; sed aliis
indicantibus agnoverunt eos , quos
quaerebant , in templo populis Domi-
ni magnalia praedicare . Tunc ad sy-
nagogam abiens magistratus , sine vi
aliqua eos deduxit ad concilium ; ite-
rumque illis inhibere praedicationem
solitam temptaverunt . Tunc Petrus ,
et Apostoli accepta fiducia verbum
sic Domini constanter elatabant : unde
illi vehementer irati , interficere illos ,
quoniam populus in timore erat , oc-
cultis machinabantur insidiis .

V. 34. XIII. *Surgens autem quidam in con-*
Vul. bono- *cilio Fariseus nomine Gamaliel , legis do-*
rabilis &c. *ctor , dixit . * Quem etiam Paulus lau-*
supplend. *dat , Apostolus ; voce publica persuasit*
Gamaliel , *ab Apostolorum persecutione cessan-*
quem &c. *dum ; dicens : si ab hominibus est prae-*
dicatio eorum , exemplo Theodae , et Iu-
dae Galilei , sine dubitatione frustrabi-
tur ; si vero a Deo fuerit , nequaquam
ab aliqua potestate poterit dissipari .
 Tunc caesos Apostolos abire fecerunt ,
depuniantes illis , ne in talibus ulterius
praedicationibus miscerentur : sed
illi

illi Gentibus verbum constantius praedicabant . Interea factum est murmur Graecorum , quod viduae ipsorum in ministerio cottidiano contemptu despicabili tractarentur ; pro qua re positi sunt septem electi viri , qui diacones facti sunt , ut talia moderato ordine administrare debuissent : Apostoli vero solis praedicationibus inharerent ; qui honor supra eos manus etiam impositione sacratus est : et turba sacerdotum oboedire Domino illo tempore festinavit .

XV. *Multa etiam turba sacerdotum* VI. 7. *oboediebat fidei* : et reliqua . Unus igitur eorum , qui ad dispensationem mensarum fuerant electi , nomine Stephanus , in virtute Domini Christi signa , et prodigia magna faciebat : et quoniam eius praedicationibus nullus infidelium poterat obviare , contra ipsum falsi testes adducti sunt ; qui dicerent , eum in Deum , et Mose verba dixisse blasphemiae : quem in concilio constituentes , de dictis talibus inquirere voluerunt . Tunc ille occasione reperta , ordinem veteris testamenti , qui pertinebat ad Dominum salvatorem , exposita veritate narravit .

XVI.

Simon magus diabolicis artibus omnino notissimus, miracula tanta conspiciens, ipse quoque baptizari festinanter expetiit: sed cum Samaria Spiritum Sanctum in perpositione manus Petri atque Iohannis Apostolorum devoti susciperent, obtulit eis pecunias, ut ipsi quoque concederent, quatenus et eius impositione manus Spiritus Sancti gratia praestaretur: quem Petrus digna increpatione redarguit, dicens, non esse illi partem cum fidelibus, qui Spiritum Sanctum pecunia credebant esse promerendum: qui tali reverberatione convictus, petebat labiis pro se orari, quod in corde non habuit. Apostoli vero per multa castella Samariae verbum Domini minime praedicare desinebant.

XVIII. *Angelus autem Domini locutus est ad Philippum, dicens: et reliqua. Philippus et Angelo commoneatur, ut pergat ad viam, unde Candacis reginae transiturus erat Eunuchus: iste revertens de Hierusalem, quam pro devotione mentis suae venerat adorare, sedebat in curru, Esaiæ Prophete locum illum legens, ubi ait, tamquam ovis ad occisionem ductus est, Is. LIII. 7.* VIII. 26.
et

Vul. v. 32. *et sicut agnus coram tondente ; sic non tondente se aperuit os suum : et reliqua .* Tunc ad eum Philippus ait ; putas ne , quae

sine voce

legis , intellegis ? Eunuchus vero fecit eum currum conscendere ; et sibi scripturarum secreta revelare ; quae fidei mente percipiens , in itinere aquam conspexit , et ardore mentis incensus , baptizari se protinus postulavit : quo facto Spiritus Sanctus supra Eunuchum cecidit , et Philippus subita translatione disparuit ; inventusque est in Azoto verbum Domini solita praedicatione disseminans .

IX. 1.
Vulg. *spirans* *minarum* &
sadis
✱

XVIII. *Saulus autem adhuc spirans minas , et caedes in discipulos Domini : et cetera .* Paulus autem adhuc fideles Domini nocere disponens , a principe sacerdotum postulavit epistula , ut si quos praedicatores Christi reperiret in Hierusalem , perduceret alligatos : quae magis ipsius fuit sine dubitatione solutio ; nam in itinere ipso dixit ei Dominus : *Saule , Saule , quid me persequeris ?* quo verbo tremefactus in faciem suam corruit , et captus oculis , Damascum alienis manibus perductus intravit : in qua civitate erat discipulus Ananias , cui relatum est , ut iret
ad

ad Paulum, et manus inpositione ei redonaret aspectum : sed Ananias pristinorum memor, Domino respondit, Paulum esse persecutorem Ecclesiae, ita ut nuper a principibus accepta potestate fideles Domini vinculis alligaret; cui respondit divina clementia : vas electionis factum, quem prius scelerata noverat iniquitate completum.

XX. *Et abiit Ananias, et introiit in domum, imposuitque ei manum, et dixit.* Ananias ingrediens ad Paulum, impositione manus oculos eius squamis cadentibus emundavit; qui in Christi nomine baptizatus, cibi quoque perceptione refectus est : quippe triduanus fuerat ieiunio fatigatus : tunc superna pietate respectus, in Christiano dogmate convalescens, verbum Domini in synagogis praedicabat, feliciter immutatus. Post aliquot vero dies contra eum quoque Iudaeorum armabantur insidiae; qui a discipulis in sporta positus, et clam de muro per funem demissus, Hierusalem usque pervenit : qui per Barnaban praesentatus Apostolis, retulit eis quae illi Domini munere contigissent : tunc illis carissima societate coniunctus, simul praedicabat

IX. 17.
V. & in-
ponens ei
manum,
dixit.

populis convocatis. Pro qua re plurimi in Domini virtute crediderunt; unde factum est, ut Petrus multis diebus apud quemdam Simonem coriarium commaneret.

XXII. *Vir autem quidam erat in* X. 1.
Caesarea, nomine Cornelius: et reliqua.
 Cornelius gentilis, habitans in Caesarea, elemosynis, et orationibus vacans, vidit in visu Angelum Dei, dicentem sibi: orationes, et elemosynae tuae ad conspectum Domini pervenerunt: mitte in Ioppe ad Petrum, qui in domo coriarii Simonis hospitatur, ut ad te propere veniat salvandum. Petro autem in supradicta domo posito, circa horam diei sextam cum esuriret, et gustare vellet, supra eum cecidit mentis excessus: viditque vas, velut candidum linteum, in quo erant omnia quadrupedia, et serpentina, et volatilia, summitti de caelo; et facta est vox ad eum: surge Petre, macta, et manduca: paulo post: quae purificavit Dominus, tu ne dixeris inmundum: quod factum est tertio; et vas receptum constitat in caelos: significabat enim Domino Christo totius mundi gentes esse credituras.

V. ascenderunt in memoriam in conspectu Dei. Et nunc mitte viros in Ioppen, & accersi Simonem quendam, qui cognominatur Petrus. Hic hospitatur apud Simonem, quemdam coriarium, cuius &c.
 V. v. 13.
 occide.
 V. v. 13.
 commune ne dixerit.

XXIII.

rum Dominum esse praedicavit; quem *Gente, qui*
 Iudaei crucifigendum decreverunt, qui *timet eum,*
 resurgens a mortuis quadraginta die- *& opera-*
 bus conversatus est cum discipulis suis; *tur iussit-*
 et cetera, quae Christianae fidei ordo *am acce-*
 poscebat: quo loquente cecidit supra *pius est il-*
li.

credentes Spiritus Sanctus, et nimium
 gavisi sunt, qui venerant cum Petro,
 quoniam et in Gentibus talia praesta-
 re dona cernebant. Tunc eos iussit in
 nomine Christi gratiam baptismatis
 adipisci; qua opinione vulgata, fra-
 tres, qui erant in Iudaea, gaudio sum-
 mo completi sunt. Petrus autem per-
 gens Hierosolyma verbum Domini
 continua devotione praedicabat.

XXV. Cum ascendisset autem Hiero-
 solymam, disceptabant adversus illum,
 qui erant ex circumcisione. Cum ascen-
 disset Petrus ad Hierosolymam, disce-
 ptabant cum ipso Iudaei fideles, cur
 ad habentes praepotium introisset, et
 cum eisdem manducasset. At ille, qua-
 li fuerit visione commonitus, et quid
 sibi sit a divinitate praeceptum, sub
 veritate narravit: quibus auditis cun-
 cta plebs Deo gratias egit, quoniam
 Dominus Christus et Gentibus paeni-
 tentiam vitalem, et Spiritus Sancti
 dona largitus est.

L

XI. 2.
 Vulg. Pe-
 trus Iero-
 solymam

XI. 19.
V. & illi
quidem

XXVI. Igitur illi, qui dispersi fuerant a tribulatione, quae facta fuerat : et reliqua. Illi, qui dispersi fuerant in Stephani passione, perambulaverunt usque Phoenicen, et Cyprum, et Antiochiam, nemini loquentes verbum, nisi solis Iudaeis; sed tamen inter ipsos fuerunt aliqui, qui cum ingressi fuissent Antiochiam ad Gentiles, praedicationis verba loquebantur: quibus magna populi credidit multitudo: cuius rei usque Hierosolymam sermo pervenit. Missus autem ab Apostolis Barnabas, quod de ipsis dictum fuerat, adprobavit; gavisus est plurimum, et hortabatur multos, ut in cepto proposito permanerent: audiens quoque Barnabas, quod Saulus esset in Tharso, perrexit ad eum: quem Antiochiam usque perducens, in ecclesia cum eodem anno toto praedicasse cognoscitur, et multos convertisse declaratur: ubi Christiani sunt primitus nuncupati. In his autem diebus supervenerunt prophetae, qui venturam famiem, quae facta est sub Claudio principe, nuntiarent: discipuli vero quae invenire poterant, habitantibus in Iudaea fratribus per manus Bar-

Barnabae , et Pauli destinasse memorantur.

XXVII. *Eodem autem tempore in-* XII. 1.
misit Herodes manu , ut affligeres quos- leg. ma-
dam de Ecclesia . Herodes rex Iacobum num, vel
 fratrem Iohannis verbum Domini prae- manus
 dicantem impia praesumptione truci- Vulg. mi-
 davit : unde se videns Iudaeis placuisse Herodes
 se , et Petrum misit in carcerem , ad- rex manus
 ponens illi sexdecim milites ; qui eum
 magno studio custodirent ; pro quo
 totius Ecclesiae incessanter fundebatur
 oratio ; qui ante diem destinati iudi-
 cii visitatus ab Angelo , et catenarum
 nexibus , et custodum periculis nosci-
 tur fuisse liberatus : itaque quod vera-
 citer agebatur fieri putaret in somnis :
 qui tamen ad se reversus , manifesta
 veritate cognovit , quod eum Domi-
 nus per Angelum suum liberare digna-
 tus est . Veniens autem ad domum
 Mariae matris Iohannis , ubi orabat
 pro ipso fidelium multitudo , ostium
 crebro pulsans tandem ingressus est ,
 eosque docuit , quemadmodum de cu-
 stodiae nexibus veniente Angelo fue-
 rat absolutus : quod praecepit Iacobo ,
 aliisque fratribus nuntiari .

XXVIII. *Facta autem die , erat* XII. 18.

Vul. non *nam modica turbatio inter milites* : et
parva quod sequitur . Die autem facto inter
 custodes carceris magna coepit esse
 contentio ; quemadmodum Petrus tot
 vigilias hominum , et tot catenas eva-
 sisset . Herodes autem Rex non inven-
 to Petro custodibus vehementer iratus
 est , quos praecepit adduci ; ipse au-
 tem in Caesaream , Iudaeamque de-
 scendens , a populis , quoniam erat il-
 lis iratus , redempto Blaſto cubicular-
 io , magna supplicatione placatus est :
 ubi indutus regia veste , pro tribuna-
 li sedens adversus Dominum nimis su-
 perba locutus est : quem percussit An-
 gelus Domini , eo quod non dedisset
 gloriam Deo ; et scatens vermibus ex-
 piravit . Fides autem Domini conspe-
 ctis talibus ubique crescebat . Barnabas
 autem , et Saulus assumpto Iohanne ,
 qui cognominatus est Marcus , ab Hie-
 rosolymis exeuntes , Antiochiam us-
 que profecti sunt ; ubi prophetarum ,
 et doctorum beata congregatio cerne-
 batur : quibus Sanctus Spiritus dixit ,
 ut Barnabam , et Saulum minime reti-
 nerent , sed permitterent illos facere ,
 ad quod electi esse videbantur : qui
 venientes Salaminam , per totam insu-
 lam

lam usque Paphum praedicaverunt verbum, quod eis fuerat Domini dignatione commissum. Interea reppererunt pseudopphetam Iudaeum, nomine Bariesum, qui eis apud Sergium Proconsulem, et Paulum prudentem nissus est obviare, sed compressus Domini virtute nihil valuit.

V. *Qui erat cum Proconsule Sergio Paulo, viro prudente*

XXVIII. *Saulus autem, qui et Paulus, repletus Spiritu Sancto, dixit. Exsequitur quod superius coepit; nam audientibus Sergio Proconsule, et Paulo prudente Paulus Apostolus repletus Spiritu Sancto Bariesum pseudopphetam vehementer increpavit: et ut illa investio facta dilectione Domini monstraretur, dixit ei: eris caecus, solemque usque ad tempus penitus non videbis: cui tenebrosa caligo superveniens ita naturalem clausit aspectum, ut alienas manus quaereret, quarum praesidio fultus abscederet: cuius miraculi ostensione comperta, iudices videntes conversi sunt, credentes revera doctrinam esse summi Dei, quae talibus miraculis probabatur ostendi.*

XIII. 9. V. *innuens in eum, dixit*

V. v. 11. *non videns Solem*

XXX. *Et cum a Papho navigassent Paulus, et qui cum eo: vel reliqua. Dum Paulus, atque Barnabas cum ce-*

XIII. 13.

deest ve-
nerunt

teris , qui simul venerant , a Papho navigassent , * Pergem Pamphiliae , et transierunt : unde Iohannes discedens ab eis , Hierosolymam est reversus . Paulus vero , et Barnabas ambulantes Pergem , venerunt Antiochiam Pisidiae ; ubi ingressi synagogam , audierunt legi prophetas , et legem : ad quos miserunt principes synagogae ; ut si quis ex ipsis haberet verbum exhortationis , ediceret , sicut in aliis civitatibus credita sibi veritate fecerunt . Tunc Paulus facto manu silentio , populis doctrinam Christi Domini praedicavit ; prophetarum testimoniis , quae dicebantur ostendens ; ut eos ad plenissimam fidem patefacta veritate perduceret : contestans eos , solum esse Dominum Christum , qui austeritatem legis gratiae suae dono iustificat : cavendum ne , sicut scriptura monet , nolint credere , quae eos ipsa veritas cognoscitur ammonere .

XIII. 42.
V. loque-
retur sibi
verba hęc

XXXI. *Exeuntibus autem illis , rogabant , ut sequenti sabbato loquerentur sibi verba Dei .* Exeuntes igitur synagogam Paulum , et Barnaban precabatur turba Iudaeorum , ut iterum sabbato veniente de Christo Domino
verba

verba geminarent : sequenti vero sab-
bato, dum studiosissime ad audiendum
populi convenissent, zelo magno com-
moti quidam Iudaeorum contradicere
temptaverunt ; quibus Paulus , Bar-
nabasque respondit : *oportebat quidem* Vul.v. 46.
repellitis il-
lud, & in-
vobis primum loqui verbum Dei , sed dignos vos
quoniam repulistis illud , sic ut manda- iudicatis &
tum nobis est , transimus ad Gentes : quo terna vi-
dicto gratificati Gentiles Christianum te, ecce con-
dogma prontissima mente receperunt. vertimur
Dolentes autem contradictores concita- ad Gentes.
leg.dogma

* *verunt honestas mulieres, primosque*
civitatis , et Barnaban , Paulumque
de suis aedibus expulerunt ; qui veni-
entes Iconium converterunt multos ad
Dominum : iterumque illis per adver-
sarios seditio concitata surrexit, quae
tam cito Domino iuvante placata est ;
unde factum est , ut alii cum Aposto-
lis , alii sentirent utique cum Iudaeis.

XXXII. *Cum autem factus esset im-* XIV. 5.
petus Gentilium , et Iudaeorum cum
principibus suis : et reliqua. Cum Pau-
lum , et Barnaban Iconii concitata se-
ditio extinguere voluisset , confuge-
runt Lytran , et Derben , vel alias vel pro et
Lycaoniae regiones , ibique populus
cunctus in Christianam religionem mu-

tatus est. Lystris autem quidam vir ab utero matris suae pedibus iacebat infirmus; cui magna voce praecepit coram omnibus Paulus in nomine Iesu Christi intuens, *sanus surge vestigiis*. Quod cum vidisset turba Lycaoniae, putantes non homines esse, sed Deos, sacrificia illis offerre pecudum, more patrio festinabant. Tunc Barnabas, et Paulus scissis vestibus similes eorum mortales se modis omnibus asserebant; sed ista virtute sua peragere Dominum Christum, qui fecit caelum, et terram, et omnia, quae eorum ambitu continentur: qua ratione placati vix a deliberata immolatione remoti sunt.

XIV. 18.
In Vul. co-
lon primū
non habetur.

XXXIII. Cumq. ibi commorarentur, et docerent, supervenerunt quidam ab Antiochia: et cetera. Igitur cum Paulus, et Barnabas Lystris sub magna civium devotione morarentur, supervenerunt quidam sceleratissimi Iudaei, qui persuadentes turbis, Paulum lapidibus caesum quasi mortuum foras castra traxerunt. Qui surgens cum discipulis suis civitatem, de qua expulsus fuerat, invicta fiducia sanus intravit: alio vero die cum Barnaba Derben usque profectus est: ubi praedi-

dicans Verbum ; multos convertit ad Dominum ; exindeque iterum Lystram, Iconium, Antiochiamque reverti sunt : confirmantes animos discipulorum, ut in traditis tibi regulis constanter insisterent : quibus constituentes presbyteros, cum ieiunatione praedicati sunt, Dominoque eos sancta commendatione reliquerunt.

XXXIII. *Transcuntesque Ipsidiam, venerunt Pamphiliam* : et reliqua. XIV. 23.
leg. Pisi-
diam. Simili modo per diversas civitates praedicando, Antiochiam profecti esse referuntur : ubi in unum fidelibus aggregatis, retrulerunt, quanta Dominus Gentilibus praestitisset ; ut aperto ostio fidei plenissimam illis dignatus fuerit monstrare veritatem. Sed cum ibidem aliquanto tempore morarentur, quidam falsi monitores persuadebant Gentilibus, qui iam suscepta praedicatione crediderant, non eos posse salvos fieri, nisi circumcisionem perciperent, sicut per Moysen Dominus imperavit : quae res dissensionem fecit in populis. Tunc placuit ut super hac quaestione interrogarentur, qui erant Hierosolymis constituti ; quatenus eorum consensu altercatio suborta finiretur : quo
per-

pergentes , per civitates , singulasque regiones narrabant , quanta Dominus Gentibus praestitisset : unde gaudium magnum cottidie crescebat in fratribus.

XV. 4.
Vul. non
hab. *ma-*
gnifice

XXXV. *Cum autem venissent Hierosolymam , suscepti sunt magnifice ab Ecclesia .* Dum Paulus , et Barnabas cum fratribus Hierosolymam venissent propter habitam quaestionem , ab Ecclesia cuncta cum magna gratulatione suscepti sunt . Ibi iterum inter Phariseos , qui iam crediderant , et Apostolos de circumcisione facta conquaestio est : Tunc Petrus Spiritu Sancto repletus docuit Gentiles , non circumcisione purificandos esse , sed fide ; quod etiam Iacobus secutus Episcopus , qui frater Domini vocabatur , magnis ratiocinationibus , et prophetae testimonio comprobavit : dicens , sufficere Mosi , quod eius nomen in synagoga omni sabbato sub veneratione nominatur .

XV. 22.
Vul. cum
omni Ec-
clesia &c.
viros ex
eis &c.

XXXVI. *Tunc placuit Apostolis , et senioribus , et omni Ecclesiae eligere viros , et mittere Antiochiam .* Placuit Apostolis , et senioribus , qui Hierosolymis habitabant , Antiochiam mittere cum

cum Paulo , et Barnaba Iudam , qui cognominatur Barsabas , et Sileam , per quem huiusmodi epistolam destinarunt ; ne crederent circumcisionis sibi necessariam legem , sed ab idolis , fornicatione , et sanguine suffocato se tantummodo continerent ; et in gratia Domini perseverantes bene se positos esse confiderent .

XXXVII. *Illi igitur dimissi descen-* XV. 30.
derunt Antiochiam : et reliqua . Supra-
 dicti Barnabas , et Sileas , cum Anti-
 ochiam venissent , fratribus epistulas
 congregata multitudine tradiderunt :
 quibus relectis gavisi sunt , causam
 scandali fuisse submotam . Iudas quo-
 que , et Sileas , cum et ipsi essent pro-
 phetae , in eadem voluntate cuncto-
 rum pectora formaverunt : ubi ali-
 quanto tempore commorati , dimissi
 sunt a fratribus , ut redirent ad eos ,
 a quibus fuerant destinati . Sed Sileas
 ibi se tenuit ; solus autem Iudas Hie-
 rosolymam est reversus . Paulus igitur ,
 et Barnabas Antiochiae morabantur ,
 verbum Domini docentes emixius : post
 aliquot vero dies Paulus , et Barnabas
 paterna iura commoniti ; illas regio-
 nes recurrere decreverunt ; in quibus
 vex.

verbum Domini fuerat longe lateq. seminatum. Tunc propter Iohannem, qui et Marcus, diffensione facta, Barnabas assumpto Iohanne navigavit Cyprum; Paulus vero assumpto Silea profectus est Syriam, et Ciliciam confirmans Ecclesias, ut in traditionibus patrum mentis robore permanerent.

XVI. 1.
V. *Pervenit*, absque præced.

XXXVIII. *Cumque circuissent has nationes, pervenit Derben, et Lystram.* Paulus, dum circuisset nationes superius nominatas, in Derben pervenit, et Lystram: ibique reperit Timotheum, quemdam, discipulum Gentili patre progenitum; quem volens secum ducere, circumcidit ad seditionem Iudeorum subtiliter amputandam. Is, cum pertransiret propositas civitates, tradebat illis Christiana docmata, quae fuerant a reliquis Apostolis Hierosolymis constituta: quos volentes ire ad diversas civitates aliunde Spiritus Sanctus prohibebat, et alibi eos pergere commonebat. Nam cum venissent Troaden, Paulus vidit in somnis

v. 9. quendam Macedonem dicere; *transiens in Macedoniam. adiurva nos*: unde intellexerunt omnes, iter suum probitate rerum divinitus ordinatum, et

nc-

neceſſe fuit gaudentes facere quod dignata fuerat Divinitas ammonere.

XXXVIII. *Navigantes autem a Troade, recto curſu venimus Samothraciam.* Paulus igitur, et Sileas, cum a Troade navigaſſent, perambulantes aliquas civitates, venerunt Philippos, quae eſt prima partis Macedoniae civitas, Colonia. Ibi quedam mulier Lydia purpuraria credidit Chriſto, quae cum tota domo ſua gratiam eſt baptiſmatis conſecuta: apud quam rogati Apoſtoli fecerunt noctis ipſique manſionem. Alio die ad orationem euntibus puella eis habens ſpiritum pytho-
 nis occurrit: quae dominis ſuis queſtum magnum vulgata vaticinatione praestabat. Haec dum importuna ſequeretur Apoſtolos, praecepit Paulus ſpiritui immundo, exire ab ea, quae tenebatur obnoxia. Tunc domini eius quibus dementia ipſius erat cauſa com-
 pendi, in contumeliam Pauli magiſtratus, et populos armaverunt: quos caeſos virgis, et traditos cuſtodibus carcereis vinculis inligarunt. *

XVI. 11.

V. prima
patria

XL. *Media autem nocte Paulus, et Sileas orantes laudabant Dominum.* Cum Paulus, et Sileas retruſi in cuſtodia,

XVI. 25.

stodia , media nocte laudes Dominó personarent , subito terremotus factus est magnus , ita ut carceris ipsius fundamenta quaterentur : nam et ostia patefacta sunt , et omnium vincitorum ligamenta soluta sunt ; quod cum eustos carceris cognovisset , evaginato gladio se volebat extinguere : cui Paulus magna voce proclamavit , ne in se manus iniceret , cum sibi creditos ibidem reperiret : qui incenso lumine omnes ibi reperit, quos quaerebat. Tunc procidens ad pedes Apostolorum , ut salvus fieret , supplicavit : qui audiens verbum Domini , credidit , et cum omni domo sua baptizatus esse cognoscitur . Quos ad abitaculum suum perducens , plagasque eorum perungens , apposita mensa refecit ; et laetatus est nimium , quod cum tota domo sua Christi fuerit gratiam consecutus : quo terremotu magistratus quoque commoti sunt , et praeceperunt , ut Apostoli de custodia linquerentur . Paulus respondit ; cum Romani simus , et innocentes carceris vincula patiamur , clam exire non possumus ; nisi ipsi veniant ad nos eiciendos , qui sic iniqua iusserunt.

XLI. *Nuntiaverunt autem magistratibus lictores verba haec : et cetera.* XVI. 38.

Auditis verbis Apostolorum , magistratus omnino timuerunt , quia se dixerant Romanos innocentes missos in carcerem , et euntes ad eos deprecati sunt , ut civitatem suam egrederentur inlaesi ; quo facto , ad Lydiam venerunt , fratribusque suis per ordinem retulerunt , quanta illis Dominus praestitisset : exindeque promoventes , Thessalonicam pervenerunt : ubi ingrediens synagogam docebat eos , secundum scripturas sanctas oportuisse Christum Dominum pro salute nostra pati , et triduana celeritate resurgere , quod multi populorum , et nobiles mulieres credentes , Apostolis fidei probantur adiuncti : quos Iudaei zelo faciente concitatis seditionibus expulerunt ; qui venientes in synagogam more solito disputabant ; ubi nobiles eorum scripturas divinas diligentissime perscrutantes , Domino Christo ex magna parte crediderunt .

XLII. *Cum autem cognovissent in Thessalonica Iudaei , quia et Beroeae praedicatum est verbum Dei . Cum vero cognovissent Thessalonicenses Iudaei , in* XVII. 13.
Be-

Beroea Apostolos de Christo praedicare, venientes illuc crebris seditionibus populos incitabant, dicentes, cavendos esse, qui orbem terrarum nova praedicatione confundunt. Tunc visum est fratribus, ut Paulum transmitterent Athenas, Sileam autem, et Timotheum ad tempus aliquod ibi retinerent. Paulus autem veniens Athenas, per loca singula vehementius disputabat, videns idolatriae deditam civitatem: qua opinione vulgata, comprehenderunt eum quidam civium, et duxerunt ad Ariopagum, ubi erat philosophorum adunata collectio: quem alii seminiverbium, alii novorum daemóniorum praedicatorem esse dicebant. Tunc prudentes Paulo in medio constituto, desiderabant audire doctrinam, quam longe lateque seminabat.

XVII. 22. XLIII. *Stans autem Paulus in medio Ariopagi, dixit: et reliqua.* Paulus igitur in Ariopagi medio constitutus caelestis philosophiae mella fundebat; inde pulcherrimum sumens initium, quod inter eorum diversa simulacra scriptum reperit, **IGNOTO DEO.** ut necessario quaererent, quem ipsi

ipsi incognitum sibi esse professi sunt : per ordinem praedicans Dominum Christum , qui omni potentia sua caelum fecit , et terram , et omnia , quae in eis sunt : convincens eos , etiam auctorum suorum evidenter exemplis , cum sint *genus Dei* , non debere eos colere manufacta . Nam cum audissent inter alia de resurrectione mortuorum , multi crediderunt , alii vero putabant esse mendacium : post haec descendens ab Athenis , venit Corinthum , ubi praedicans Dominum salvatorem Iudeis , et Graecis Christianae religionis dogmata contradebat .

XLIII. Cum venissent autem a Macedonia Sileas , et Timotheus , instabant , XVIII. 5. V. instabat
ut verbum Pauli etc. Cum de Macedonia venissent Sileas , et Timotheus V. verbo Paulus. Græc. tex. αὐτοῦ
Corinthum , ubi erat Paulus ; verbum χρὶς τοῦ πνεύματος.
Domini Paulus docebat instanter : sed non audientibus quibusdam Iudaeis , excutiens vestimenta sua , dixit ad eos ; Vul. v. 6.
Christi Domini sanguis effusus vos oneret : ego autem , sicut mihi praeceptum est , ad Gentes vadam protinus instruendus . Et emigrans ad Titum quendam , tunc docuit Archisynagogam Crispum , cognis vester super caput vestri: mundus ego , ex hoc ad Gentes vadam
et cum tota domo sua , aliisque multis

M

Christia-

Christianae fidei praecepta suscepit :
Quadam vero nocte Paulo Dominus

V. Noli timere, sed loquere, & ne taceas: Propter quod ego sum tecum, & nemo apponetur tibi, ut noceat te. dixit in somnis : *contradicientium vota non timeas ; ego autem sum tecum , et neminem te superare permitto .* Qua com-
monitione roboratus , annum , et sex
menses fiducialiter docens , in eadem
civitate confedit : qui propter novam
praedicationem ad tribunal Proconsu-
lis Gallionis perductus est a Iudaeis .
Sed Gallio quaestiones legis divinae
ad se non dicens pertinere , eliminatos
fecit abscedere : post aliquot vero di-
es fratribus valedicto , cum Aquila , et
Priscilla in Ephesum Paulus advenit ;
nec ibi deprecantibus multis diutius
potuit commorari , Hierosolymam pro
Pentecostes solemnitate festinans .

XVIII. 21. XLV. Et profectus est ab Efeso , et
22. descendit Caesaream Paulus : et quod
V. descendens sequitur . Inde Paulus egrediens , de-
scendit Caesaream , ubi salutavit con-
gregationem ecclesiae : post Antiochi-
am est profectus ; ibique aliquantum
temporis immoratus , peragravit Ga-
latiam , Frygiamq. regiones , confir-
mans omnes discipulos , ut in susceptis
regulis permanerent . Apollo vero qui-
dam Iudaeus , Alexandrinus natione ,
vir

vir loquens , et fervens spiritu Ephesum venit ; ibique dum in synagoga fudicialiter ageret cum Iudaeis , assumerunt eum Aquila , et Priscilla , quem diligentius scripturas Domini patefacta veritate docuerunt : cum autem vellet ire Achaïam , scripserunt , ut eum confidenter plebs devota susceperet ; unde factum est , ut Iudaeos confidenter , certiusque convinceret .

XLVI. *Factum est autem , cum Apol-* XIX. 1.
lo esset Corinthi , ut Paulus peragratis
superioribus partibus veniret etc. Verum cum Apollo esset Corinthi , contigit , ut Paulus peragratis superioribus partibus veniret ad Efesum ; ubi repertus quosdam discipulos , interrogavit , si baptizati Spiritus Sancti gratiam perceperissent : illi professi sunt , hoc nomen se omnimodis ignorare ; sed in Iohannis se fuisse baptismo consecratos : quos invocata Trinitate baptizans , venit supra eos Spiritus Sanctus , ut linguis diversis prophetare valuissent : ibique Paulus per tres menses residens , de Christo Domino sollemni more praedicavit .

XLVII. *Cum autem quidam indura-* XIX. 9.
rentur , et non crederent : et cetera ,

M 2

Cum

Cum quidam Ephesiorum obstinata voluntate non crederent, segregavit ab eis discipulos suos, et cotidie in schola tyranni per biennium differebat, miracula multa faciens, itaut sudaria eius apponerentur aegrotis, et restituerentur pristinae sanitati. Erant autem septem fratres subdoli, filii principis synagogae, qui dicebant energumenis; *adiuro vos per Iesum Christum, quem Paulus praedicat, exire celeriter*: quibus respondebat Spiritus *nequam*: *Iesum quidem novi, et Paulum scio, vos autem qui estis ignoro*. Et obsessi pertinaci adversum eos concertatione pugnabant: quod dum fuisset cognitum, magna populi credidit multitudo. Tunc qui fuerant mundi curiosa sectantes, deferentes codices suos, iudicantes esse superfluos, igne cremaverunt, qui usque ad quinquaginta millium denariorum fuerant comparati. His itaque peractis, Paulus duos mittens in Macedoniam Timotheum, et Erastum, ipse in Asia mansit ad tempus.

V. v. 15.
non hab.
exire celeriter, nec
ignoro.

XIX. 23.

V. et

XLVIII. *Facta erat autem illo tempore turbatio non minima de via Domini: et cetera. De religione Christiana-*

stiana in Epheso eodem modo facta
 seditio est . Erat quidam Demetrius ,
 qui in templo Dianae aedículas facie-
 bat argenteas : iste artificibus consue-
 verat non minimas praestare mercedes :
 is videns ritum sacrorum praedicationi-
 bus Pauli funditus potuisse subverti ,
 supradictos artifices adversum Aposto-
 los , eiusque discipulos graviter inci-
 tavit . Qui raptō Gaio , et Aristar-
 cho , comitibus Pauli de theatro , ubi
 verbum Domini praedicabant , traxe-
 runt ad iudices audiendos : Paulum ,
 vero volentem ad populos introire ,
 non permiserunt discipuli , vel amici :
 erat enim totius civitatis magna con-
 fusio ; ne ipsum totius populi furor
 impeteret , quem sciebat contrariae si-
 bi praedicationis auctorem .

XLVIII. *Alexander ergo manu si-*
lento postulado , volebat rationem red-
dere populo . Alexander vero , unus ex
 discipulis Pauli , manu facto silentio
 volebat populis concitatis reddere ra-
 tionem : quem mox , ut Iudaeum
 cognoverunt , ne quid contra Dianam
 diceret , per horas duas voce magna
 professi sunt , magnam esse Dianam
 Ephesiorum , Metuens autem scriba ,

XIX. 33.

ne tanta seditio confunderet civitatem, silentio facto populis persuasit, ut si Demetrius, et artifices eius adversus aliquos causam movent, a iudicibus placatis audiantur: homines autem innocentes, qui nihil contra Dianam locuti sunt, non debent usque ad mortis periculum pervenire: qua ratione suscepta seditio cuncta sedata est. Tunc Paulus valedicto discipulis, Macedoniam est profectus; ubi docens plurimos, venit ad Graeciam: exindeque perambulans regiones vicinas, cum discipulis suis pervenit ad Troadem; ubi septem dies noscuntur esse remorati.

XX. 7. *Li. In annum autem sabbati, cum convul. Una venissent ad frangendam panem: Pau- autem Sab- lus pridie quam esset profecturus ex bati, cum Troada, protracto sermone usque ad commissio- medium noctis, studiosissime, et sua- mine &c. viter imbuebat: ubi contigit, ut unus adolescentium somno compressus, de caenaculo cadens periculum mortis incurreret; quem Paulus religiosa caritate complectens, iis, qui aderant reddidit sanum: qui se pane reficiens, usque ad lucem praedicans populis, inde ad Assoon terreno * profectus est:*

di

discipuli vero eius navigantes, sicut ipse constituerat eis, Paulum in supradicta civitate reppererunt. Inde iam simul Mytilenem, Chium, Samum, Miletum usque profecti sunt: proposuerat enim Paulus Ephesum praetermittere, ut die Pentecostes Hierosolymam perveniret.

LI. *A Mileto autem mittens Ephesum vocavit maiores natu Ecclesiae.* XX. 17.

A Mileto Ephesum praetermittens, Episcopos Ecclesiae Paulus Apostolus convocavit, ibiq. illis magna caritate retextuit, quali apud eos se temperantia, vel humilitate tractaverit, verbum illis Domini supra cuncta commendans: ne venientes falsi praedicatores eorum corda subverterent, et ab institutis regulis periculoso nimis errore deviant: referens etiam nulli se fuisse in sumtibus gravem; sed cum illis spiritualis patris impendisset affectum, suis manibus se, et reliquos pavisse collegas; quando dare, quam accipere constat esse beatius. Se dicens vale facto discedere, nec eorum aspectus ultra revidere; quae cum dixisset, cum tota plebe genibus positis exoravit, et fletus omnium voce magna.

concrepuit : osculantesque collum eius, profusa pietate deflebant , propter quod illis dixerat , eos ulterius se non esse visuros.

XXI. LII. Cum autem factum esset , ut navigarem abstrahi ab eis , recto cursu venimus Coo . Inde post multas lacrimas , quasi violenter abstrahi , venerunt Coo : progressique Rhodum , atque Pataram , transeuntes Foenicem , et Cyprum , Tyrum usque perducti sunt. Ibi repertis discipulis quibusdam , mansit apud eos diebus septem : qui praescientiae virtute commoniti , dicebant Paulo , ne Hierosolymam festinaret ascendere , dum ei ventus ibidem gravissimus immineret. Unde oratione facta , et vale dicto , ad Tolomaidam venerunt , exindeque Caesaream ; ubi ingrediens domum Philippi praedicatoris , qui erat unus ex septem , quos superiori tempore Apostoli mensarum administratione praefecerant ; is habebat filias quatuor virgines , Domini eloquia proferantes : et dum ibidem morarentur , ab Hierosolymis venit propheta , nomine Agabus , qui assumens zonam Pauli , pedes suos inligans dixit , ita esse virum , cuius erat cin-

cingulum, a Iudaeis protenus alligandum, et in manibus Gentium contradendum. Tunc discipuli cum fidelibus rogabant, ut imminetia Paulus pericula declinaret.

.. LIII. *Tunc respondens Paulus, dixit:* XXI. 13.
V. respon-
dit
et reliqua. Flentes autem Paulus ammonuit, ne de aspero eius casu se viderentur affligere: quando ipse paratus esset pro Christi nomine non solum ligari, verum etiam libenter occidi: cui discipuli dixerunt, quoniam eum retinere non poterant, *fiat voluntas Domini*. Hi cum Hierosolymam venissent, a fratribus gratanter excepti sunt. Postero die Paulus abiit ad Iacobum, omnia illi referens, qualia Gentibus per ministerium ipsius virtus divina praestiterit: unde omnino gavisi sunt: cui congaudentes gratias Domino rettulerunt, sed commonebant illum, ut circa populum Iudaeorum deberet esse sollicitus; quoniam probabatur illis vehementer esse suspectus, eo quod de circumcisione abolenda contra legem Moysis doceret. Sed consilium dederunt, ut ex suis quattuor viros assumeret, cum quibus synagogam rasis capitibus introivit: quod

quod Iudaei cognoscentes, nihil eum contra legem Moſis crederent eſſe dicturum. His autem qui de Gentibus crediderunt, ſcripſiſſe ſe dicunt, de quibus rebus ſufficienter abſtineant, et in traditis ſibi regulis perfeverent.

XXI. 26. LIII. *Tunc Paulus, adſumptis viris, poſtera die purificatus, cum illis intravit in templum.* Conſilium vero, quod ſupra dictum fuerat, Paulus gratanter ſumens, acceptis quattuor fratribus purificatis, riſiſque capitibus, alia die ſynagogam praesumptus intravit. Ubi cum verba faceret, annuntians illis purificationem neceſſariam, donec pro ſalute ipſorum Domino penderetur oblatio, poſt ſeptem dies qui de Aſia erant Iudaei, cognoscentes Paulum comprehenderunt; ſeditioneque facta contra eum populos collegerunt, dicentes, hunc eſſe virum, qui contra legem Moſe praetermittendam circumciſionem Gentibus perſuadet. Quem cum occidere decreviſſent, cum militibus, et Centurionibus Tribunus ſubito cohortis advenit, qui ratione reddita ab ſceleſta voluntate ſuſpenderit. Tunc a populis ereptum Paulum, ſed duabus catenis inligatum, Tribunus perducit

perduci iussit ad castra; ubi Apostolus
vinculis inligatus. Tribunum petiit, ut
ei populos liceret affari: qua volunta-
te concessa, manu facto silentio, tur-
bis Hebraica lingua locutus est.

L.V. *Viri fratres, audite, quam ad* XXII. 1.
vos nunc reddo, rationem: et cetera. V. fratres,
Paulus, cum ad simplicitatem cordis & patres
curret, per ordinem populis narrat,
quamammodum a Domino sit electus,
cum esset persecutor Ecclesiae: cui
etiam scelus suum de sanguine Step-
hani infracta mente non tacuit; sed au-
disse se dicit a Domino, cui non po-
test obviare, ad praedicationem Gen-
tium se esse mittendum. Quem Iudaei
eatenus audientes, voce magna Tri-
buno clamare coeperunt, tollendum
esse de vivis, qui sibi talia persuasit.

LVI. *Vociferantibus autem eis; et* XXII. 23.
proicientibus vestimenta sua: et cetera.
Seditionem facientibus Iudaeis, et pul-
verem in caelum proicientibus, Pau-
lum Tribunus duci iussit in castra,
quem dum flagellis caederent, ut cau-
sam concitatae seditionis agnoscerent, V. v. 25.
Paulus Centurioni dixit adstanti: *vi-* si hominem
dete, si indemnatum vobis liceat flagel- Romanum,
lare Romanum. Quo dicto perterritus, & indem-
natum &c.
sol-

solvit eum, et imminetia tormenta suspendit: alio autem die Paulum, atque Concilium Iudaeorum ante se praecepit adstiterē; volens agnoscere, qua causa sit traditus. Tunc Paulus Iudaeorum turbas intendens, ita locutus est.

XXIII. r.
V. Inten-
dens au-
tem in

V. & tu
sedens iu-
dicas me
secundum
legem, &
contra le-
gem iubes
me percu-
ti?

LVII. *Intuens autem concilium Paulus ait: et reliqua. . .* Cum Paulus prima fronte dixisset: *viri fratres, ego omni conscientia bona conversatus sum ante Deum usque in hodiernam diem: os eius Ananias princeps Sacerdotum, quasi blasphemum, percutere praecepit adstantibus. Cui Paulus libera voce respondit: Deus te, paries dealbate, percutiet; qui sedens loco iudicis, percuti me praecipis contra legem. Quem dum arguerent, cur principi sacerdotum maledicere voluisset, respondit: nescisse se tali eum honore subvectum. Sciens autem Paulus Phariseos, et Sadduceos ibidem convenisse, qui diversa persuasionem discreti sunt, voce magna proclamavit, se esse Phariseum, et propter spem, et resurrectionem mortuorum, quam et ipsi credebant, se gravissimum iudicium sustinere. Quo dicto mox inter eos altercatione com-*

commotus; conventus ille solutus est.

LVIII. *Et cum magna dissensio facta* XXIII.12.
esset, timens Tribunus, ne discerneretur
Paulus. Cum facta fuisset inter Phari-
seos, et Sadduceos magna dissensio,
timens Tribunus, ne Paulus discerne-
retur a Sadduceis, iussit eum ad ca-
stra revocari: cui per noctem Domi-
nus dixit: constans esto Paule, quoniam
sicut hic mihi testificatus es, ita te oportet
nomen meum et in Romana urbe
praedicare. Sequenti vero die quadra-
ginta Iudaei coniuratione facta Pau-
lum occidere decreverunt; quod au-
diens filius sororis Paulo in castra po-
sito nuntiavit. Rogat ille custodes,
ut adolescentem perducerent ad Tri-
bunum, qui dum ei per ordinem cun-
cta dixisset, praecepit adolescenti, ut
dictum sibi nullus agnosceret.

V. v. r.
 constans e-
 sto: sicut
 enim testi-
 ficatus es
 de me in
 Ierusalem,
 sic te oportet
 & Ro-
 me testifi-
 cari.

LVIII. *Et vocatis duobus Centuriis* XXIII.13
nibus, dixit. Tribunus autem vocatis
duobus Centurionibus praecepit, ut
cum militibus armatis ad Felicem iu-
dicem Paulum Caesaream usque per-
ducerent; ne forsitan crederetur, quod
eum accepta pecunia a Iudaeis fecisset
occidi: cui transmisit epistolam, ubi
actum sub veritate narravit. Milites,
quae

quae fuerant delegata, fecerunt; tunc supra dictus Praefes praelecta epistula Paulum fecit in Herodis praetorio custodiri, usque dum eius accusatores venire potuissent.

XXIV.1. LX. *Post quinque autem dies descendit princeps sacerdotum: et reliqua.* Post quinque dies venerunt Iudaei ad Felicem iudicem cum oratore Tertullo contra Paulum di. Tunc partibus in medio constitutis, Tertullus Orator de eloquentia humana praefumens, Paulum invidiose coepit impetere: per totum orbem quietos Iudaeos novis praedicationibus eum velle confundere: quo adpraehenso, tantum facinus secundum legem suam voluerunt protinus vindicari: quem eripiens Lysias Tribunus, ad ipsius cognoscitur misisse iudicium. Reliqui Iudaei horrifona voce testificati sunt, ita se habere quae dicta sunt.

XXIV.10. LXI. *Respondit autem Paulus, annuente sibi Praefide, dicens.* Postquam Tertullus Orator quae volebat asseruit, praemissis, quae poterant ad benevolentiam iudicis pertinere, Paulus ita respondit: cum more gentis suae Hierusalem Dominum adorare venisset, et

et elemosynam genti suae factururus ,
neque turbam , neque tumultum fecit ;
sed cum teneretur a centurionibus cla-
masse se dicit ad populum : *de resurre-*
ctione mortuorum , quam et vos creditis ,
hodie iudicandus assisto : nec aliquid
tale eos probare posse confirmat , qua-
lia de se impia voluntate finxerunt .
Certe cum sint praesentes , dicant , si
quid aliud , quod ad confusionem per-
tinet civitatis , factum esse memine-
runt . Quos Felix iudex usque ad prae-
sentiam Tribuni Lysiae distulit audi-
endos ; iubens Centurioni Paulum cu-
stodiae mancipatum habere requiem ,
nec prohibere quemquam illi ministra-
re , quae ad solacia eius poterant
pertinere .

LXII. *Post aliquot autem dies Dru-* XXIV. 24.
filla uxor Felicis , quae erat Iudaea . V. *veniens*
Post aliquot dies rogatus Felix a Dru- *Felix cum*
silla coniuge sua coram ea Paulum se- *Druvilla u-*
cit adduci : qui dum multa de fide *xore sua*
Domini , et de iustitia , et castitate ,
et de iudicio futuro differeret , prae-
dicationis ipsius veritate commotus ,
dixit Paulo : *nunc vade , et oportuno* V. *accer-*
tempore faciam te esse praesentem : quem *sam*
ad se frequenter vocabat , credens ,
quod

quod more saecularium negotiorum pecuniam ab ipso sumere potuisset. Inter haec expleto biennio Felix successorem accepit Porcium Festum: Paulum vero propter gratiam Iudaeorum reliquit in vinculis. Tunc Festus veniens Caesaream, praesentatis sibi et Paulo, et Iudaeis, qui eum persequi videbantur, sedit tribunal. Paulus autem neminem se laesisse testatus est, ammirans quare tantae persecutionis pateretur invidiam; et ideo ad Caesarem se mittendum esse proclamabat. Cui Festus sub brevitate respondit;

v. 12. *quoniam appellasti Caesarem, ibis ad Caesarem.*

XXV. 13. LXIII. *Et cum dies aliquot transacti essent, Agrippa Rex, et Beronices descenderunt Caesaream. Transactis autem aliquot diebus Agrippa Rex, et Beronices ad salutandum Festum Caesaream venerunt, et cum apud ipsum aliquanto tempore morarentur, de Paulo quodam Iudaeo Festus Agrippae Regi per ordinem quae fuerant gesta, narravit: et cum Iudaeorum improbitate premeretur, ad Caesarem eum appellasse, clamavit. Tunc cum eum videre vellet Agrippa, alio die promisit*

misit illum Festus modis omnibus audiendum.

LXIII. *Altera autem die, cum venisset Agrippa, et Beronice cum multa ambitione.* Altero die dum Agrippa, & Beronice una cum Festo, et turbis plurimis auditorium civitatis intrassent, iubente Festo Paulus est traductus in medium; ut ea quae secretius Regi rettulerat, per singula ipsius testimonio comprobaret; quem post appellationem ideo perhibet ante Agrippam perductum, ut veritate rei cognita cum explanatione causae ad Caesarem mitteretur.

LXV. *Agrippa vero ad Paulum ait.* Tunc Agrippa Paulo pro se loquendi fiduciam dedit; qui primum iudicem laudans, ab initio quae sibi acciderant, integra veritate complexus est: referens, quemadmodum Christianum populum fuerit persecutus: deinde cum iret Damascum, qualia lumine Domini circumventus audierit: statimque ut necesse fuit, sermonibus oboedisse Dominicis: unde se praedicasse perhibet populis, et gentibus, ut conversi, dignaque penitentia operafacientes, aeternae vitae praemia repere-

perirent : qua de causa commoti Iudaei eum occidere decreverunt ; quorum manibus auxilio divinitatis ereptus , usque ad illud tempus ea se praedicasse testatus est , quae in prophetis , ac reliquis scripturis divinis leguntur esse conscripta .

XXVI.19. LXVI. *Unde , Rex Agrippa , non fui incredulus caelesti visioni .* Loquente Paulo illa , quae dicta sunt , Festus dixit incredulus ; *insanis Paule ; mentemque tuam lectio multa confundit .* Cui Paulus servata gravitate respondit non se insanire , sed veritatis , et sobrietatis verba dixisse ; nam scire talia et Regem decet Agrippam , quoniam quae palam gesta sunt ad eius notitiam pervenire potuerunt : Agrippam quoque confirmat credere prophetis . Cui Agrippa iucunda mente respondit , quod eum sub celeritate vellet facere Christianum : cui Paulus studio caritatis optavit , ut et ipse , et ceteri audientes tales fierent , qualis ipse erat , exceptis vinculis suis . Qui dimisso conventu inter se locuti sunt , Paulum nihil tale fecisse , unde mereretur occidi .

XXVI.32. LXVII. *Agrippa autem Festo dixit .*
Tunc

Tunc Festo Agrippa dixit: *poterat homo iste dimitti, si non appellasset ad Caesarem*. Tunc traditus est Paulus Centurioni Iulio cum custodibus, ut navigaret Italiam; qui ascendentes navem secundo die Sidonem venerunt, ubi Paulum Centurio clementer tractans, ad amicos suos ire permisit. Inde Cyprum, inde Lystram, inde translati in Alexandrinam navem transnavigantes Cretam, in Salmonem, exindeque in Boniportum post tempus ali- v. 2. quod pervenerunt. Ubi iam tempore navigationis expleto, Paulus dixit ad socios melius constare, si ibidem hibernare potuissent; ne illis accidisset forte naufragium: cui Centurio improvida mente dissentiens, ad portum festinavit Foenices, qui erat loci positione securior.

LXVIII. *Aspirante autem Austro, aestimantes propositum se tenere*. Egre- XXVII. si de portu Finicenae, aestimantes lo- 13. cum se tenere posse pro portu, subito illis, qui vocatur Euroaquoilo contrarius, ac fortissimus ventus occurrit. Tum collectis velis navis per undas coepit efferri, ita ut insulam Gaudem exeuntes, scalam perderent, et funi-

bus accingentes navem, eam liberare conarentur: sed crescentibus ventis ita periclitabantur, ut nec solem, neque sidera per multos dies conspiciere valuissent. Tunc Paulus quam in somnis audierat, Domini promissione narrata, ceteros animavit; dicens, praeter navem donasse sibi Deum cunctos homines, qui cum ipso pergebant. XIII. vero die cum tempestate adhuc saeviente nautici fugere decrevissent, Paulus ait, omnes salvos fieri non posse, nisi nautas in navi stare contingeret. Tunc milites abscisis funibus scapham potius iudicaverunt esse temnendam.

XXVII.
33.

LXVIII. *Et cum lux inciperet fieri, rogabat Paulus: et cetera.* Post tempestatis igitur quartumdecimum diem, rogavit Paulus, ut cibum sumerent, quando de ducentis septuaginta sex viris nec capillus capitis eorum imminutus esse probaretur: nam ut alios exemplo suo potius invitaret, panem frangens ipse cibatus est. Facto igitur die sinum quemdam conspicientes, ad littora vicina tendebant; sed navi cautibus; undisque resoluta, consilium fuit, ut omnes enatarent: unde sic factum est, ut nave perdita
cun-

cuncti inlaesi ad optatam terram protinus pervenirent.

LXX. *Barbari vero praestabant non* XXVIII.
modicam humanitatem nobis: et cetera. II.

Omnibus iam in littore constitutis, cum maximum frigus insisteret, inedia multa fatigati, accolae locorum barbari humanitatis alimenta praestabant. Paulus autem dum congregasset multitudinem sarmentorum, et super ignem misisset, vipera, quae ibi casu faciente reperta est, manum eius mordicus adprehendit: quae cum in eius carne penderet, incolae loci primum illum homicidam esse crediderunt, qui post maris periculum, incurrisse putatum est ultionis eventum. At ubi sanus esse conspectus est, Deum credebant, cui nihil venena nocuerunt. Tunc etiam a quodam Publio benigne suscepti, patrem ipsius febribus, ventrisque fluxu laborantem, Paulus oratione data sanavit. Quapropter concursu facto multorum, qui in eadem insula commanebant, obsessi diverso languore curati sunt.

LXXI. *Post menses autem tres navigavimus in navi Alexandrina: et* XXVIII.
cetera. Post tres vero menses ascen- II.

dentes in Alexandrinam navem, in ci-
 vitem Siculorum Syracusas venerunt:
 inde Regio, inde Puteolos, inde iam
 sic pedibus, Trib. Tabernis: ubi a fratri-
 bus Paulus libenter exceptus, et Ro-
 mam perductus intravit: ubi post ter-
 tium diem convocatis in synagoga se-
 nioribus, milite . . . per ordi-
 nem a centurionibus, quali causa de-
 ductus est, ostendens illis gloriosam
 catenam, qua Israheliticae causa sa-
 lutis fuerat inligatus.

XXVIII. LXXII. *At illi dixerunt ad eum: :
 21. nos neque litteras accepimus a te Iudaea:
 et cetera. Iudaei vero Paulo respon-*
derunt, neque per litteras, neque per
nuntium se cognoscere potuisse, quae
nuper visus est intimare: sed postula-
bant ab ipso magis, ut quae alibi prae-
dicavit, agnoscerent. Constituto vero
die cum venissent ad hospitium Pauli,
loquebatur de regno Domini Christi,
quem per Mose, atq. prophetas con-
stabat esse promissum. Sed quidam
consentientes, quidam non credentes
fuerunt: quibus Paulus increpans Esa-
iae dixit exemplum: protestans, Gen-
tes magis suscepturas salutem, quam
illi suscipere noluerunt. Quo dicto fa-
 ctum

Etum est , ut inter se Iudaei haberent non minimam quaestionem : Paulus autem in suo conducto biennio manens , de regno Domini Iesu Christi ad se venientes iugiter instruebat ; qui licet esset catenis ferreis inligatus , credentium tamen cotidie solvebat vincula peccatorum .

EXPL. ACTUS APOSTOLORUM.



I N C I P I T A P O C A L Y P S I S S A N C T I I O H A N N I S .

I. 1. I. **A** *Pocalypsis Iesu Christi, quam dedit illi Deus palam facere servis suis: et cetera. Quidam prologus praemittitur, ut praefatus libri dignitas breviter indicetur: dicit enim Iohannes Apostolus, a Domino Christo visionem sibi de fine saeculi fuisse monstratam; et per quem, et cur sit ostensa memoratur: ut tanta veritate patefacta, et confidentiam devotus acciperet, et metum infidelium conscientia reperiret. Laudatur etiam qui haec legere, vel custodire maluerit; ut talibus promissionibus invitatus devotorum animus ardentius excitetur.*

I. 4. II. *Iohannes septem Ecclesiis, quae sunt in Asia. Gratia vobis, et pax: vel reliqua. Scribere se dicit Iohannes Apostolus septem Ecclesiis, quae sunt in Asia constitutae; quas salutatur, pacemque illis optat, et gratiam venire a Domino Christo, et a septem Angelis,*

gelis , qui ante thronum Domini leguntur assistere : sicut in libro Tobiae Rafael Angelus dixit ; *unus sum ex septem Angelis , qui consistimus ante thronum claritatis Dei* . Sed quis est iste Dominus , qui est , qui fuit , et qui veniet , evidenti relatione patefacit ; protestans , ipsum esse Dominum Christum , qui nos redemit sanguine pretioso . Dicit etiam , qualis veniet in secundo adventu suo , qualemque illum homines declarata potestate visuri sunt : nam ipsum esse primum , et novissimum , et omnipotentem , ipsius quoque divinitatis voce confirmat .

III. *Ego Iohannes frater vester , et I. 9. particeps in tribulatione ; et cetera .* Cum esset in insula Pathmos , a Domitiano principe propter verbum Domini in exilium feliciter destinatus , Dominico die voce magna commotus , audisse se dicit Apostolus , ut ea quae videbat , scriberet ; et ad septem Ecclesias destinaret : quarum nomina leguntur scripta . Subitoq. conversus ad vocem Domini , vidit septem candelabra lucentia ; et in medio Dominum Christum , cuius habitum per mysticas contortiones exponit . Erat enim

enim podere vestitus , quod ad sacerdotium non est dubium pertinere : praecinctus fuit supra mammas zona aurea , propter hoc quod eius actuum relucebat integritas : caput vero , et capilli eius , quod erant albi , demonstrant antiquissimum dierum : oculi autem , velut flamma ignis , eo quod omnia visu penetret , et a calore eius nemo se possit abscondere . Pedes eius erant similes aurochalco , quia in praedicationibus suis fortissimus , et splendidissimus invenitur : vox eius , ut sonus aquarum multarum , quia de ipso sapientiae fluente procedunt : de septem vero stellis ipse dicit inferius . Ex ore eius egrediebatur gladius bis acutus , novi , et veteris Testamenti sacramenta designans : facies ipsius splendebat , ut sol , quoniam quidquid non intendit , umbrescit . Qua visione perterritus , ante pedes ipsius statim se corruisse testatur : cui Dominus dixit ; *surge , ne timeas* : se primum , et novissimum esse confirmans ; habere se perhibens claves mortis , et inferi . Memento autem , has , et alias huiusmodi visiones , quas Dominus servis suis declarare dignatus est , ad tempus

pos esse pro rerum qualitate formatas; manente in excellentia sua natura Deitatis . Ceterum natura ipsa , ut est , divinitatis nulli hominum viventi adhuc probatur ostensa : quam post resurrectionem , sicuti est , se mundis cordibus patefacere compromittit.

IIII. *Scribe ergo quae vidisti , et quae sunt , et quae fieri post haec oportet.* I. 19.
Nunc in septem candelabris , et septem stellis sacramenta , quae viderat Iohannes , Dominus illi Christus exponit ; dicens , eas septem Ecclesiarum esse fulgores ; sed cum sit earum rerum innumera multitudo , septem ponuntur ad perfectionem scilicet indicandam : unde Angelo Efesiorum , hoc est Episcopo commonet scribendum , qui revera scriptis poterat ammoneri . Scire se quidem dicens labores , et patientiam eius , quia falsos nolit praedicatores ammittere , sed caritatem eum praetermisisse contendit , ad quam illum redire habita satisfactione recomonet : ne candelabrum ipsius , quod pro bonis operibus probatur ostensum , quasi extinctum possit auferri . Laudans , quia facta Nicolaitarum , idest turpissimas fornicationes , simili
ut

ut Dominus execratione condemnet : victoribus autem detestabilium vitiorum praemium promittitur , ut de ligno vitae sumant cibum , quod est in Domini paradiso constitutum ; unde omnis spiritaliter reficitur , qui in regno Domini perpetua beatitudine collocatur .

II. 8. V. *Et Angelo Ecclesiae Smyrnae scribe : haec dicit primus , et novissimus : vel reliqua .* Commonet , ut Angelo Smyrnae , idest Episcopo , debeat indicare ; nam Angelum Episcopum dici , in Actibus Apostolorum locus ille testatur , ubi veniente Petro , et pulsan-
te ianuas Apostolorum , dictum est ,

XI. 15. *non Petrus , sed Angelus eius est : dicens , scire Dominum Christum , qui semel est mortuus , semperque vivit , qualia ; quantaque pertulerunt ab infidelibus Iudaeis : unde si et ipse usque ad finem perdurare maluerit , coronam vitae perennis probatus accipiet : nam qui mala saeculi vicerit , secundae mortis interitum non habebit .* Dicit etiam Episcopo Pergamorum similiter indicandum : *scio , te quidem inter aliquas pravitates patientiae regu-*
v. 13. *lam custodisse ; ut etiam Antipate mar-*
tyrium

tyrium sustinente ; nullo potueris terrore
 deviare : sed tamen in medio tui effu-
 cognovi , qui iunguntur diabolicae pra-
 vitati , et ideo celerius ad medicinam
 recurre paenitentiae ; ne veniens in iu-
 dicio obstinatorum , mala aeterno debe-
 am punire supplicio . Vincentibus autem
 mundum , mannam promittit , et cal-
 culum candidum , qui tamen cunctis
 margaritis pretiosior invenitur .

VI. Et Angelo Ecclesiae , quae est in II. 18.
 Thyathir , scribe : haec dicit Dei Filius : Vul. Thy-
 et cetera . Scribendum dicit Angelo , atire Ec-
 sicut iam dictum est , Episcopo Eccle- clese
 siae Thyathyr , haec dicere Dominum ,
 qui habet oculos , ut flammam ignis ,
 et pedes similes aurichalco , ut nec ad
 videndum aliquid illi sit obscurum ,
 nec ad praedicandum patiatur defe-
 ctum . Scire quidem se perhibet bona ,
 quae fecit , eiusque excellentissimam
 caritatem ; sed inter illa malis se eius
 nonnulla offensione morderi : nam
 congregatio ipsius , quae ex magna
 parte fornicata cum pravis est , et no-
 men vult habere prophetiae , quae
 Hiezabel debet potius nuncupari , ni-
 si conversa fuerit , protinus eam in-
 lectum languoris esse mittendam , et
 in :

in fornicationibus eius graviter vindicandum : ut tunc omnes cognoscant Ecclesiae , quoniam unicuique Dominus pro factorum suorum qualitate restituit . Reliquos autem commonet in eadem Ecclesia constitutos , ut in acceptis fidei regulis perseverent : vincentibus promittens , quod Gentes in virga ferrea regant , sicut et ipse a Patre sibi dixit fuisse concessum : daturum se quoque talibus pollicetur gloriosam resurrectionem , quam stellae commemoratione significat .

III. r.
Vul. Eccle.
Sg Sardis.

VII. *Et Angelo Ecclesiae , quae est Sardis , scribe : haec dicit , qui habet septem spiritus Dei : et cetera .* Dominus Christus , in quo est septiformis Spiritus Sanctus , et septem stellae in manu eius , idest universalis potestas , Episcopo Sardis praecepit dici , *specio quidem vivis , operibus vero mortuus es ; et ideo poenitentia tibi interveniente succurre , ut quae in te extincta sunt , satisfactionis medicina reviviscant ; ne tamquam furem tremendi iudicii patiaris adventum , et incipias in membris tuis sustinere , quae gravia sunt .* Sed quoniam populus Ecclesiae diversarum morum qualitate convivit , dicit , *Sardis*

dis partem esse beatorum , quae Domini voluntatibus obsecundat , et in candidis vestibus , idest in mundissima conscientia , cum Domino iugiter ambulabunt : hinc de libro vitae non delebuntur , et nomina eorum ante Patrem , et Angelos ipsius laudabili confessione memorantur .

VIII. *Angelo , qui est Filadelfiae : haec* III. 7.
dicit Sanctus , et Verus : et reliqua . V. *Et An-*
 Dominus , qui aperiendi , atque clau- *gelo Phi-*
 dendi singulari potestate praecinctus *ladelphia*
 est , scribendum Filadelfiae dicit Epi- *Ecclesia*
scribe :
scopo ; quoniam mihi sancta humilitate
devotus es , humilio tibi Synagoga ,
idest congregationem Satanae , ut ad Ec-
clesiam adorandam veniat , quae te pri-
dem superbia faciente temnebat . Tuen-
 dam quoque in temptationibus com-
 promittit , quando mundus diversa
 fuerit clade fatigatus ; hortatur etiam
 in patientia sua , ut cito veniat , ne co-
 ronam eius alter accipiat : designans ,
 quam magna sit suis fidelibus Domi-
 nus largiturus . Episcopo quoque Lao-
 diciae praecepit indicari , aut frigidum
 illum , aut calidum esse debere : ne ex
 ore Domini vomatur , ut tepidus : nam
 cum confidentiam in suis viribus po-
 nat

nat, cunctis debilibus probatur esse
miserior. Stare enim se dicit ante osti-
um, et crebra verberatione pulsare,
ut cum illi ianuas unusquisque sui cor-
dis aperuerit, ad caenam Domini pa-
ratus occurrat; et vincens in trono
maiestatis eius sedeat, sicut ipse victor
in patris sui solio consedisce dinoscitur.

- IV. 1. VIII. *Post haec vidi ostium apertum
in caelo, et ecce vox: et reliqua.* Vo-
catus Iohannes animi contemplatione
conscendit ad caelos, et sedentem
Dominum respexit in thronum, cui
gemmarum colores tropica locutione
consociat. Ibi viginti quattuor senio-
res, quod ad numerum plenitudinis
pertinet indicandum, in throni circui-
tum albis vestibus consedebant: de se-
de autem Domini egrediebantur coru-
scationes, voces, et tonitrua; ante
quem erant septem Spiritus, idest An-
geli Dei, in conspectu vero throni,
quasi vitreum mare videbatur, per
quod saeculi huius qualitas indicatur.
Mare, quia fluctibus agitur, vitreum,
quia fragile comprobatur. Ante thro-
num, et in circuitu throni, quattuor
erant animalia constituta, quae quattuor
Evangelistis quadam similitudine
con-

comparantur, senas habentes alas; propter aetatem mundi, qui tali numero compleri posse dinoscitur: plena oculis intus, significat praedicationis eorum profunda esse mysteria: quae laudes Domino iugi exultatione dicebant. **XXIIII.** vero Seniores audita laude Domini in facie cadebant, adorantes eum, qui vivit in saecula saeculorum, et ipsi quoque praeconia similiter offerentes.

X. Et vidi librum in dextera Dei V. r.
sedentis super thronum, scriptum intus, et retro: et cetera. Vul. Et vidi in dextera sedentis super throni librum scriptum intus, & foris: &c.
 Inter haec vidit librum in dextera Patris sedentis in throno, intus, forisque conscriptum, quoniam in lege quaedam adhuc occulta, quaedam noscuntur esse manifesta. Iste septem sigillis, idest septiformi spiritu conspiciebatur esse signatus; quia mysteria Domini usque ad tempus praefinitum habentur semper incognita. Tunc Angelo praedicante, nec tamen inveniente dignum, qui eum possit accipere, atque regere, Iohannes fletu magno turbatus est: sed unus ex senioribus indicavit ei Christum dignum esse aperire librum, eiusque sigilla resolvere: et levatis oculis

Vul. Et vidi in dextera sedentis super throni librum scriptum intus, & foris: &c. tex. v. r. & c.



Agnum

Agnum vidit quasi occisum, habentem plenissimam potestatem, et integerrimam praedicationem. Iste librum accepit aperiendum, ut fuerat praedicatum; cui quattuor animalia, et viginti quattuor seniores cum citharis suis, et pateris diversis odoribus plenis, idest bonorum actuum qualitate, novum canticum personabant: dicentes, dignum esse tali honore sacrari; qui occisus est pro salute cunctorum; qui et sacerdotium generaliter contulit, et caelorum regna fidelibus repromisit. Citharae autem significant integritatem fidei, operumque concordiam; paterae vero plenae odoribus, sicut dictum est, orationes, supplicationesque iustorum.

XLII. *Et vidi, et audiui velut vocem multorum Angelorum in circumstantibus: et reliqua.* Audiit etiam voces Angelorum millia millium, dicentium praeconia Domini Christi: dignum esse, qui gloriam, potestatem, divitias susciperet, et honorem, scilicet a Patre, quia passus est: cui omnis creatura devotum praestet obsequium. His animalia quattuor respondabant, *fiat*: quibus confessum praebetur.

bentēs viginti quattuor Seniores in fa-
 ciem cadentes adorabant. Tunc susce-
 pti libri primum sigillum Agno ape-
 riente; visus est equus albus, qui in-
 dicat mundissimam vitam; et supra
 eum sedens, sagittam tenebat, ut ver-
 bo suo penetrabili omnes adversitates
 evinceret. Cum aperuisset signum se-
 cundum, rufus equus ostensus est, qui
 effusi sanguinis Domini portabat ima-
 ginem; et supra eum sedenti datus est
 gladius magnus, ut subiectorum pa-
 cem de terra sub terrore magno susci-
 peret; et adversantes se mutua con-
 tentione perimeret. Tertio sigillo re-
 ferato equus niger egressus est, ut pu-
 tamus, supra impios potestatem do-
 minationis ostendens, quando sedens,
 in manu sua habebat stateram, quia
 tales sunt sine dubio iudicandi; cui
 quattuor animalia dicebant, tritum,
 et ordeum, ad caritatem denarii perve-
 nire; oleum vero, et vinum non esse
 laedendum. Referato quarto sigillo vi-
 dit sub ara Dei animas martyrum vin-
 dictam cito petentium, quibus patien-
 tiae data solacia sunt, iussi ut specta-
 rent, donec conservorum numerus im-
 pleretur.

VI. 12.
Vul. sigil-
lans sex-
tum

XII. Et vidi, cum aperuisset sextum signum, et ecce terremotus magnus factus est: et cetera. Aperto autem sexto signaculo, per allegoriam terram contremuisse dicit: Sol niger effectus est, Luna sanguineo oculo refuscata est, et cetera, quae in fine mundi fieri posse praedicta sunt. Tunc laudes Angelorum turba, et sanctorum congregatio (idest CXLIII, in quo numero omnium beatorum summa concluditur) tenentium palmas, et indutorum candidis vestibus, personavit: qui stolas suas in sanguine Domini lavaverunt, et de conspectu eius perenni felicitate gaudebunt; nec ulterius habebunt indigentiam, qui de Christi Domini maiestate completi sunt.

VIII. 1.
Vul. sigil-
lum &c.
quasi mo-
dis hora

XIII. Et cum aperuisset signum septimum, factum est silentium in caelo ad semihorae. Sigillo autem septimo remoto, venit Angelus ante tribunal Dei turibulum aureum ferens, in quo supplicationes Sanctorum in modum incensu maiestatis conspectibus offerat. Tunc primus Angelus tuba cecinit, et grando, et ignis cum sanguine permixtus, in terra iactatus est: ita ut tertiam partem telluris exurerent. Secundo

do Angelo tuba canente mons ardens in mare proiectus est ; quod factum sanguineum tertiam partem perdidit animalium , et navium , quae continere videbatur . Cum vero tertius Angelus tuba cecinisset , magna stella , quae dicitur *Absentium* , de caelo corruit super tertiam partem fluminum , et fontium : quae graviter aquas amaras fecit , unde potantes extincti sunt . Quarto Angelo tuba canente , factum est , ut tertia pars Solis , Lunae , atque stellarum tenebresceret , et eandem partem cum nocte dies amitteret . Tunc quasi Aquila visa est , quae dicebat ; *vae vae vae habitantibus in terra* ; qui erunt talia , tantaque visuri .

XIII. Et quintus Angelus tuba cecinit , et vidi stellam de caelo cecidisse : et reliqua . Quinto Angelo canente tuba , stella cecidit in profundum putei , et fumus inde progressus est , qui aëra , solemque tenebravit : unde exeuntes lucustae , tamquam scorpiones , neque fenum , neque arborem laedebant , nisi eos tantum , qui signum crucis in suis frontibus non habebant : ut quinque mensibus cruciati , tamquam ab scorpionibus percussi , in

suo graviter dolore congererent. Describitur etiam in mysticam nocendi potentiam positio lucustarum, quod Tychonius minucius, et abundanter exposuit: quibus Angelum terribilem dicit praeesse, cuius nomen *exterminator* est. Sexto Angelo idem canente tuba, soluti sunt Angeli, qui erant in Euphrate fluvio quattuor alligati: isti equis, armisque terribiles, tertiam partem hominum extinxisse relati sunt, qui factorum suorum penitentiam non egerunt.

3. 1. XV. *Et vidi alium Angelum fortem descendentem de caelo nube amictum: et cetera. Alium Angelum se refert vidisse fortissimum, amictum nube, cuius facies erat ut Sol, pedes autem ipsius, ut igneae columnae, positoque dextro pede in mari, et sinistro in terra, voce magna clamavit: et responderunt esse commonitum. Iuravit autem Angelus quoniam mundus nequaquam ulterius protelabitur, sed cum coeperit septimus Angelus tuba canere, finietur: sicut omnimodis Dei famulos constat esse prophetatos. Librum quoque commonitus accepit ab Angelo, quem*

quem deglutiens, in ore eius erat dulcis, in ventre vero ipsius amarus effectus est : quia lex Domini cum manditur suavis, cum oblivione devoratur, amara fit. Arundinem quoque similem virgae suscepit, per quam visus est metiri loca, quae Christianus populus obtinebat; alia vero relinquere, quae infideles poterunt obtinere. Hi sunt, qui in finem saeculi per tres, et semis annos Antichristo regnante in martyrum sanguinem bacchabuntur. Fit quoque Enoch, et Eliae commemoratio, quod palam iacebunt, et insepulti triduo, donec vocati subito ascendere videantur in caelum. Quos respicientes inimici terrore magno turbabuntur, et gloriam Deo sub magna admiratione praestabunt.

XVI. *Et septimus Angelus tuba cecinit, et factae sunt voces magnae in caelo : et reliqua.* Angelo septimo tuba canente, refert voces laetantium factas in caelo, quoniam tandem aliquando regnum Dei, quod spectabatur, advenerit, et illa quae sunt promissa, completa sint. De matre vero, atque Domino Iesu Christo, et de diaboli adversitate pauca perstringit :

#

futuris praeterita iungens; dicens, Deum ascendisse ad caelos, Matrem vero ipsius aliquanto tempore in secretioribus locis esse servandam; ut eam illic pascat annis tribus, et semis; quod in magnum sacramentum, sicut Tychonius refert, constat edictum.

XII. 7.
V. praelium magnum in caelo, Michael, & Angeli eius praeliabantur &c.

XVII. *Es factum est bellum in caelo, Michael, et Angeli eius, ut pugnarent cum dracone.* Bellum refert Michaelis Angeli cum dracone, qui praecipitatus in terram corruit, ita ut locum beatitudinis ulterius non haberet: quod tamen in initio mundi contigisse non dubium est. Secuta est bonorum facta graduatio, quando diabolus cecidit, qui bonis iam fidelibus semper invidit: sed terrae, marique graviter condoleatur, quando malitiam tam magni ponderis acceperunt. Fit iterum commemoratio Matris, et Domini Christi; quod diabolus credens se Matrem laedere, ex ore suo vastissimum flumen emisit, qui eam putabatur absorbere: sed illa in tutissimum locum recepta venena diabolicae fraudis evasit. Illos tamen inveterator malorum persequi non desinit, qui Dominicis iussionibus oboedientes esse noscuntur.

XVIII.

XVIII. Et vidi de mari bestiam as- XIII. 1.
cendentem, habentem cornua decem, et
capita septem. In Antichristi typo de
 mari consurgere bestia magna descri-
 bitur; quae diversis membris ferarum
 terribili imaginatione formatur. Haec
 tribus semis annis cum sanctis bellum *f. tribus*
 aditura narratur: quorum sanguine, *semis. V.*
 caedibusque depascitur; quae in De- *mensis 42.*
 um nimias est locutura blasphemias:
 ad postremum adorabunt eam perfidi,
 qui munera Domini non habebunt.
 Hoc tamen generaliter definitur, quo-
 niam qui alterum capere voluerit,
 ipse captivus erit, et vicissitudines
 malorum digna compensatione recipi-
 et: eatenus enim Sancti mala patiun-
 tur, sed mox ad spem suam Domino
 praestante perveniunt.

XVIII. Et vidi aliam bestiam ascen- XIII. 12.
dentem, et habebat cornua duo: et re- V. *ascen-*
liqua. Alia bestia consurgere de terra *dentem de*
 describitur in typo diaboli, idest An- *terra*
 techristi: revera bellua, quae multos
 est improvidos vastatura. Tunc multa
 Antechristus miraculorum signa factu-
 rus est, ut magna devotione adorari
 faciat idolum, sacrilega falsitate com-
 pertum. Ponitur etiam humano gene-

ri tam saeva condicio, ut nullus vendat alteri, nec emat ab alio, nisi qui bestiae nomine, idest devotione ipsius fuerit annotatus. Deinde proprius numerus bestiae sub quodam modo calculationis exponitur.

XIV. 1. XX. *Et vidi, et ecce Agnum stan-*
 V. *Et ecce* *tem in monte Sion, et cum eo CXLIII.*
Agnus sta- *et cetera. In monte Sion vidisse se di-*
bat supra *cit stantem Dominum Christum, et*
montem *cum eo CXLIII. beatorum, qui nomi-*
Sion *na tam ipsius, quam patris eius in*
frontibus suis scripta portabant. Hi
nullo mendacio, nulla fidei fornica-
tione polluti sunt: quod tamen ad om-
nes beatos constat aptandum: isti per-
sonabant Domino canticum novum,
quando ab alio non poterat dici: de-
inde mirabili prosecutione laudantur.
Alterum se dicit Angelum vidisse, qui
diversis populis evangelizabat, et Gen-
tibus Deum debere metui, dignaque
illi quoniam eius
iudicii adventus. Secundus An-
gelus subsequens dixit Babylonem, et
infideles pariter corruisse; quae vino
fornicationis impleta cum suis perditis
erroris crapulam sustinebat. Tertius
quoque Angelus dixit; Si quis adora-
re.

vidit bestiam, et imaginem eius, in iram Domini lapsus incurrit: fit autem poe-
nae ipsorum terribilis, et contrem-
scenda descriptio.

Vul. v. 9.
eius & ac-
ceperit

XXI. Et audiui vocem de caelo di-
centem mihi: scribe: felices mortui, qui
in Domino moriuntur. et reliqua. Ius-
sum est de caelo, ut quae dicebantur,
scriberet: protestans, felices esse mor-
tuos, quorum labores cum vita finita
sunt. Vidit etiam albam nubem, su-
pra quam Filius hominis sedebat:
cuius diversa effigies pro rerum quali-
tate formatur: ille enim sic veniet sicut
ab Apostolis est revisus in caelum. Ha-
buit ergo tunc in capite auream coro-
nam, maiestatis suae splendidissimam
dignitatem; in manu acutissimam fal-
cem, cuius imperio in fine saeculi ge-
neratio nefanda metenda est. Nam di-
cente Angelo; *tempus est secandi mes-
sem, quae iam aruisse cognoscitur: fal-
cem suam misit in terra, hominesque
impios summa celeritate defecavit.*
Item Angelus falcem suam misit in ter-
ra, bonosque eius, quasi homines ma-
litia praetumentes, incunctanter ab-
scidit: qui in furoris Dei torcular im-
missi, sanguine per mille sexcenta sta-
dia

XIV. 13.
V. beati

dia maduerunt : quod ad mysticam significationem non est dubium pertinere . Vidisse se etiam refert Angelos septem , habentes in potestate sua plagas septem ; quas Domini indignatione daturi sunt . In mari quoque vitreo , igne permixto stabant Martyres , qui victoriam adversum diabolum Domini munere perfecerunt , canticumque Deo cum magna exultatione reddebant .

XV. 5.
Vulg. ta-
bernaculi
testimonii

XXII. *Et post haec vidi , et ecce apertum est templum tabernaculi martyris in caelo .* Aperto templo , ubi Martyres erant , septem se Angelos vidisse dicit , ferentes plagas , quas daturi erant ; populo videlicet infideli : et induti candidis vestibus , zonisque aureis circa pectora praecincti , septem fialas in suis manibus acceperunt ; ut supra terram , et in fluminibus diversas species necessitatum supra eos effunderent , qui Domini voce contempta idolis , et perversitatibus serviebant . Tunc ore Sanctorum gloria Domini cantabatur , quoniam compensatio digna secuta est .

XVI. 8. XXIII. *Et quartus Angelus effudit fialam suam super solem : et ea quae se-*
cun-

cuntur. Quartus, quintus, sextus, septimus Angelus fialas, quas acceperant, effuderunt; et tantis necessitatibus terra percussa est, ut vox exiret a Domino, dicens, *actum est*: statimque voces, et tonitrua, et terremotus factus est talis, qualis a saeculo nunquam constat esse effectus. Tunc civitatem Dei, ut arbitror, Trinitatis dicuntur credulitate fundatam; et Babyloniam recepisse, quod ei divinitas olim praeparavit inferre, omnes potestates, et elationes a propria se consuetudine summovent; quando magna grandine caesi, atque afflicti, infideles Dominum blasphemare coeperunt, dum tantus impetus eius esset, ut non posset ullo modo sustineri.

XXIII. *Et venit unus ex septem* XVII. *Angelis, habentibus fialas septem: et reliqua.* Unus ex Angelis, qui habuerunt plagarum fialas septem, promittit Iohanni, ostensurum se meretricem illam Babyloniam, quae toto orbe famosa est: tunc spiritu translatus aspexit super bestiam mulierem sedentem, bysso, et purpura, gemmisque decoratam: in cuius manu erat poculum execrationis, et criminis; in fronte vero scribe-

V. *Myſte* ſcribebatur: *Babylon*, mater fornicatio-
rium: *Ba-* num, totiusque terrae pollutio: et erat
bylon ma- etiam ſanguine Martyrum crudeliter
gna, ma- ebria, et ſcelerum ubertate pleniffima:
ter forni- unde admiratus eſt, tam doſormiter
cationum, compositam videre; quam cuncti Do-
& abomi- minam putabant eſſe terrarum.
nationum
terre.

XVII. 7. XXV. *Post haec vidi alium Ange-*
V. Et di- lum: Propter quid mixatus es? *et ego tibi*
xit mihi dicam: et ſequentia. Ammiranti Iohan-
Angelus; nis Angelus interpretatur, quae ſit me-
quare mi- retrix illa, quam viderat ſedentem ſu-
variis? &c. praebestiam, quae habebat capita ſe-
 ptem, et cornua decem; quam non
 nulli de Romana volunt intelligere ci-
 vitate; quae ſupra ſeptem montes ſe-
 det, et mundum ſingulari ditione poſ-
 ſidet. Alii de Babylonia dicunt magis
 eſſe narratum, poſitione eius non
 montibus, ſed praetumidis poteſtati-
 bus adſcribentes: quam dicit a popu-
 lis conterendam, quibus prius domi-
 nata eſſe videbatur. Refert etiam,
 decem reges poteſtatem habituros in
 terram: unum vero eorum, qui ve-
 catur Antichriſtus, in fine ſaeculi re-
 ſervandum; qui contra Chriſtum, bel-
 lum quidem parare diſponit, ſed ini-
 quitas eius Domino vincente ſubcum-
 bit.

XXVI.

XXVI. *Post vidi alium Angelum, VIII. 1,*
descendentem de caelo, habentem potesta-
tem magnam. Vidit etiam Angelum,
aliu in terra descendentem, cuius
claritas in toto orbe lampavit: qui
dicebat; cecidit, cecidit Babylon illa,
potentissima, quoniam non apud se forni-
cata est, sed cunctis gentibus pereundi
dedit exempla. Alia quoque vox secu-
ta est, ut congregatio fidelium ab ea
celeriter exiret; ne ruina sua populum,
qui Domino credebat, involveret.
Babyloniae autem reddenda dicit esse
duplicita, quae se superbiae praesum-
ptione iactabat: tunc reges, et mer-
catores eius graviter deflent, in mo-
dico perisse eam, quae possidere mun-
di bona singulariter extimabat.

XXVII. *Mercatores quoque eorum, XVIII. 15,*
qui divites facti sunt, ab ea longe sta-
bunt: et cetera. Trahuntur adhuc ver-
ba dolentium, et imputantium Baby-
loniae, quod ita subita praepotens di-
vitiis, et elata potestate corruit; ita ut
pulverem supra capita sua mittentes,
amatam inpenis se
lacrymis consolentur; conversique di-
cant: exultate supra eam Sancti, quos
persecuta impia voluntate trucidavit:

quo-

*quoniam sanguis vester de ipsa abunde
noscitur vindicatus.* Post haec Angelus
sustulit molem magnam proiectamque
in mari, dixit, Babylonem illam ma-
gnam tali impetu esse casuram; nec
ulterius ibidem nuptias faciendas, aut
audienda quoquo modo verba laetan-
tium: propter quod capax erat crimi-
num, et exemplar omnium undique
vitiiorum.

XIX. 1. XXVIII. *Post haec audiui quasi vo-
cem turbarum magnarum in caelo: et
reliqua.* Postquam Babyloniae, quae
dicebantur, impleta sunt; Sanctorum,
Angelorum, atque seniorum omnium
in caelo gratulatio magna provenit;
ita ut adorantes Dominum crebris vo-
cibus, tamquam tonitrua concrepan-
tia, canerent *Alleluia*; qui superbiam
pessimae meretricis digna ultione pro-
stravit; addentes hymnum suavissi-
mum, quia Dominus Christus cum
sponsa sua, idest Ecclesia sancta, co-
niunctus est. Tunc Iohanni Angelus di-
xit: *scribe, quoniam haec verba Dei
sunt; beatos esse, qui ad caenam Domi-
ni vocantur.* Qui dum eum vellet ado-
rare, prohibitus est; quoniam boni
Angeli non se volunt adorari, sed De-
um.

um . Tunc elevatis oculis vidit Dominum Christum, sedentem supra equum album ; qui nimis mirabili terrore describitur , habens vestem sanguine sparsam propter testimonium passionis : procedebat gladius acutus , quia sermo eius fortis , et efficacissimus approbatur : habens etiam pro significatione carnali in femore suo scriptum : *Rex regum , Dominus dominorum .*

XXVIII. *Et vidi unum Angelum .* XIX. 17. *stantem in Sole , et magna voce clamavit , dicens : et reliqua .* Angelus auditus est , caeli volantibus , idest sanctis viris , dicere ; *venite ad caenam Domini : quales decuit ad eius convivium videlicet invitari .* Et ut factae allegoriae contropatio servaretur , dicit , diversorum animalium , quasi variis hominibus , qui sunt in Ecclesia colligendi , carnibus esse vescendum . Visus est quoque diabolus cum magno exercitu , veniens contra membra Domini Christi , bella gesturus ; sed captus cum pseudopropheta suo Antichristo , in stagno ignis graviter flagrantis immerfus est . Ceteri comites , qui bestiam sunt secuti , gladio Domini trucidati esse noscuntur : cunctisq. avibus ,
P bus ,

bus, idest Sanctis, impiitatis pabula praeberunt. Tunc Angelus de caelo descendens, adpraehenso dracōne, qui est Satanas, catena religatum misit in abyſso; alligavitque eum mille annis: quod per figuram synecdoche a parte totum dicitur; quando eius finis omnimodis habetur incognitus, qui tamen consensu Patrum a nativitate Domini computantur: ne credituras gentes libera potestate confunderet. In fine vero saeculi dicit eum esse solvendum, quando multi Martyres, et Confessores veniente Antechristo germinabunt. Vidit etiam Martyres Dei, qui nequaquam in frontibus suis signa diabolica perceperunt: primam resurrectionem dicens in fide, qua renascimur ex aqua, et Spiritu Sancto, in qua secunda mors non habet locum. Permanet autem generaliter fidelium de Christo sacerdotium, donec constituti temporis quantitas impleatur.

XX. 7.
V. Et cum
constituta
ti &c. de
carcere suo

XXX. *Et cum finiti fuerint mille anni, solvetur Satanas de custodia sua: et cetera. Exire dicit post annos mille Satanam de custodia sua, ubi nunc cognoscitur esse ligatus (sed et istud acci-*

accipiendum est a parte totum , quoniam hoc hominibus constat incognitum) ad seducendas nationes , quae in toto mundo dispersae sunt : quatenus castra Sanctorum impia dominatione pervadant : quos mox ignis divinus extinguit , et diabolus qui eos sollicitaverat in stagno mergit ardenti : ubi et illa crudelis bellua cum suo pseudopropheta Antechristo proiecta fuisse , narrata est . Vidit etiam thronum candidum , et sedentem super eum Dominum Christum , qui in resurrectione futura , facta sua unicuique digna compensatione restituit : tunc videns caelum novum , et terram novam , Hierusalem quoque conspexit ornata , sicut marito solet comptissima sponsa praeparari : et audita est vox de caelo ; *ecce tabernaculum , quod constat esse promissum , ubi hominibus datum est habitare cum Deo ; ubi omni tristitia necessitatis exclusa , aeterna nescitur regnare laetitia .*

XXXI. *Et dixit sedens in throno ;* XXI. 5. *ecce nova facio omnia : et reliqua .* Dicit , sibi dixisse Dominum Christum , ut visa , auditaque conscriberet , quoniam ipse est A , et Ω ; faciens nova ,

mutansque praeterita ; sitientibus aquam vitae praestans ; et quicumque fidelis eius fuerit , hereditatem ipsius loco filii possidebit ; infideles vero in ardenti stagno mittendi sunt ; sulphureo fetore concreto : quae nuncupatur veracissime mors secunda . Unus autem Angelorum , qui plagarum septem fialas tenere relati sunt , Iohannem in mortem duxit excelsum , cui ostendit Hierusalem de caelo descendentem , miraculorum varietate pulcherrimam ; cui fulgores gemmarum splendidissimi comparantur : et sic tota describitur , ut ad intelligentiam magni mysterii eius decora diversitas applicetur .

XXI. 19. XXXII. *Primum fundamentum , iaspis ; secundum , sappirus ; tertium , chalcodon . et reliqua .* Adhuc illius Hierusalem mirabilis pulchritudo describitur ; quae etiam in fundamentis suis invicem Sanctorum gemmas pretiosissimas habere narratur . Haec in Apostolorum numerum duodecim portis semper aperta est ; cuius platea purissimo auro constrata resplendet ; et quod ornatum cunctum , vel omne pretium quantitatis excellit , non de Solis lumine , sed de suo cognoscitur

auctore lucere : ubi nihil inquinatum ,
 nihil sordidum repperitur : sed fluvius
 vitae de Domini sede progrediens ,
 per medium ipsius perspicuo candore
 dilabitur : cuius utrasque ripas nemo-
 rosae arbores referuntur ornare , quae
 fructus suos per menses singulos lar-
 giuntur : ubi non erit nox , neque ul-
 la indigentia , quoniam Dominus il-
 luminat cunctos , et satiat . Postre-
 mum beatos esse dicit , qui huius libri
 dicta fideli mente servaverint .

XXXIII. *Ego Iohannes , qui haec au-* XXII. 8.
divi , et vidi , et cum audissem , et vi-
disssem haec , prostravi me : et reliqua V. cecidi
 usque ad finem . Cum se verba libri
 huius Iohannes audisse diceret , et vi-
 disse , gratias agens , Angelum voluit
 adorare ; cui ab ipso responsum est ,
 Sanctorum se conservum esse , non Do-
 minum : sed illum potius adorandum ,
 qui caelum fecit , et terram . Post haec
 loquitur , Dominum cito esse ventu-
 rum , qui operas uniuscuiusque discre-
 tione facta diiudicet : beatos dicens ,
 qui conscientias suas bonis actibus
 mundaverunt ; ut in ligno vitae , idest
 in crucis fide possint habere fiduciam :
 nam foris a regno Domini excludendi
 sunt ,


sunt, quicumque se foedis actibus pol-
luerunt: per multas, diversasque sen-
tentias Dominum se Christum esse
confirmans. Contestans, ne quis in
hoc libro quicquam, aut addat, aut
minuat, qui ad intelligentiam aeter-
nae vitae concessus esse dinoscitur; om-
nes faciens esse praeparatos, cum se
cito venturam frequenti repetitione
testetur. Amen.

**CASSIODORII SENATORIS IAM
DOMINO PRAESTANTE CONVERSI
EXPLICUERUNT COMPLEXIONES
IN EPISTULIS APOSTOLORUM
ET APOCALYPSI.**





ADNOTATIONES.



Pag. 1. *Breves Apostolorum.*



ARGUMENTA, five lemmata, quæ præfiguntur, quibusque textus quodam nobis compendio panditur (Div. Lect. cap. L) non modo Titulos, & Capitula Veteres appellarunt, sed etiam *Breves*. In collectione veterum Titulorum a doctissimo Cardinali Thomasio vulgata, qua Codex unus habet, *Incipiunt Capitula*, præfert alter, *Incipiunt Breves*: vide Cangii Glossarium. Hinc in Mss. quibusdam index lemmatum *Breviarium* vocatur; quo sane vocabulo usi sunt etiam Suetonius, et Plinius. Seneca Epist. 39. *vulgo Breviarium dicitur; olim cum Latine loquebamur, Summarium dicebatur*. Inquit autem Auctor, potuisse explanationes has suas *Breves* etiam appellari,

P 4

cum

cum in ipsis non cuncta verba discutiat, sed summas rerum in parvitate complectatur: aptius tamen *Complexionum* nomine donandas fuisse, quod præfigenda summaria non sint, sed veluti paraphrases quædam textui sociandæ, & quæ continentur in textu completentes: *περιολογία*.

P. 2. *ammonitus.*

Colliquefactam in hoc verbo sive ab Auctore, sive a librario primitivam literam non miror: miror potius quod factum sit, ut communi scripturæ id vitium non adhæserit, cum ceteroquin consimilia verba corruerit. Illa ius suum tenuere, quibus *m* post *d* consequitur; scribimus enim *admoneo*, *admoveo*, *admitto*, cum scribamus *appono*, *accumbo*, *afflo*, &c. At in hoc libro *ammonet*, *summoveet*, *ammirans*, & *quemammodum*.

P. 2. *Cassiodorî.*

Ita vetustus codex ex gentilitiorum nominum regula: præfationem vide.

P. 2. *Domino præstante conversi.*

Conversus dicebatur, qui seculo valedixerat. Ita loquitur D. Benedictus in Regula, Concilium Arelatense can. II. &c. Hoc adiuncto nominis quæcumque scripsit postquam

quam intra claustra Monastica se receperat, insignita antiquitus fuisse, par est credere. Hinc fortasse tum Magni, sive Marci prænomen abest, tum Aurelii nomen: Senatoris agnomine retento, quo singulatim designabatur. Sequiori enim ævo, quo plura arripiendi nomina mos invaluit, ultimo ut plurimum utebantur.

P. 3. *Epistulis.*

Prisca quoque marmora sic loquuntur: ab *Epistulis Latinis* passim. o & u sæpe convertebantur.

P. 3. *Sancti Pauli ad Romanos.*

Ab Actis non incipit; Vulgato enim, si-
ve D. Hieronymi canoni non inhæsit. In
Divinis pariter *Lectiõibus* Novi Testamen-
ti libros in tres partes dividens, Epistolas
omnes, quas *Canonicas Epistolas Apostolorum*
vocat, in secunda collocat, Acta, & Apo-
calypsin in tertiam reiicit. Ita & D. Augu-
stinus de doctr. Christ. l. 2. c. 8. Conspectum
accipe:

Vulgata.

Acta

S. Pauli Epistola.

S. Iacobi.

S. Petri I. II.

Cassiodorius

S. Pauli Epist.

S. Petri I. II.

S. Iohannis ad Parthos.

S. Iob. II. III.

S. Ia-

S. Iohannis I. II. III. S. Iudae.

S. Iudae.

S. Iacobi ad dispersos.

Acta.

P. 4. ubi etiam et Spiritus Sanctus.

Idem iterat, ubicumque Spiritus Sancti nomen omittitur: comprobatur etiam ineluctabilibus adversus Macedonium, aliosve hæreticos testimoniis.

P. 5. Ambacum prophetae.

P. Possevinus initio *Apparatus Sacri: Abacuch*, quem LXX. interpretes sine aspiratione scribunt *Ambacum*. At D. Hieronymus Prol. in Abac. Scire nos convenit, corrupte apud Græcos, & Latinos nomen *Ambacum* Prophetae legi, qui apud Hebræos dicitur *Abacuc*.

P. 8. xxx. Psalmi.

Beati quorum remisse sunt iniquitates. In Vulgata est xxxi. in Hebraica serie, & in versione Hieronymi xxxii.

P. 11. famulandum non dicit esse.

Hyperbaton hocce vices fere in his Complexionibus adnotavi: nihil scilicet illo ævo, & ab hoc Scriptore tam diligenter questum, quam perpetuus quidam rhythmus, non sine aliqua ratione metri, ut ex cap. xv.

Div.

Div. Lect. argui potest. Ad eum rhythmum superstitiose servandum, pro nihilo habebatur, inuitata verborum collocatione sensum ipsum, aut perturbare, aut invertere. Negans ergo particula sæpissime loco movetur; idem pronomini *se* pariter accidit, præcipue cum adiacet verbo *dico*. Cum scribendum erat, *dicit gentes gloriari non debere*; legitur, *gloriari non dicit debere gentes*: cum expectabas, *dicit, se bonorum suorum consci-um non esse*; habes, *consci-um se suorum non dicit esse bonorum*: ita, *se non dicit in vanum currere*, pro *dicit, se non in vanum currere*: non decernat horrere, pro *decernat non horrere*: *timorem esse in charitate non asserit*, pro *asserit in charitate timorem non esse*: non *se dicit posse*, loco *et dicit, se non posse*; & similia. Transpositionis huiusmodi vestigia quædam in aliis Cassiodorii scriptis conspiciuntur. Ad Psal. vi. *quoniam non se vult a mortuis rogari*: ad LXX. *tunc ergo se petit non debere derelinqui*. Var. l. 5. ep. 42. *qui cum non optat evadere*. Quod vero in- editis perraro hæc syntaxis appareat, ea præsertim collocatione, quæ sententiam in- contrarium trahit, Criticorum opera evenisse crediderim, qui verborum ordinem restituerint: norunt siquidem quicumque Mss. codices terunt, quam diversa pleraque Au-
 thoribus

etoribus invitis legamus . Mihi quicquam immutare religio fuit : ceterum de his Lectorum semel admonuisse , satis superque duxi.

P. 13. nam creatura nostra.

Diversa forte lectio diversam interpretationem peperit. De natura nostra videtur Auctor explicare hunc locum : at pro *creatura* omni alii creaturas inanimas universas, alii Gentiles intelligendos censent; quo sensu verba *πάντα τῇ κτίσει* in Novo Testamento etiam alibi occurrit. Mar. xvi. 15. *κηρύξατε τὸ εὐαγγέλιον πάντῃ τῇ κτίσει* : *prædicate Evangelium omni creatura* ; quod apud Matth. xxviii. 19. dicitur, *μαθητεύσατε πάντα τὰ ἔθνη* : *docete omnes gentes*.

P. 18. cotidie.

Auctor noster de Orthogr. cap. 1. *Quotidie sunt qui per co cotidie scribant , quibus peccare licet : desinerent , si scirent quotidie inde tractum esse a quot diebus .* At hæc ex Gnæo Cornuto : ex Papiriano vero cap. 1v. *Cotidie per c , & o dicitur , ut scribitur , non per q : quia non a quoto die , sed a consistenti die dictum est .* Quam deinde scripturam elegerit , quis divinet ? a Ms. non descivi.

P. 22. *quarto et sexto die.*

Ea verba *diem inter diem* de ieiunio quartæ & sextæ feriæ explanator accipit ; quod ab Apostolica usque sanctione, seu traditione fluxisse putabatur . Vide S. Epiphanium Hær. 75.

P. 23. *qui cibos.*

Manichæos innuit .

P. 29. *adeo et ipse.*

Videtur legendum *ideo* : forte etiam *discipulum* , ut sententiæ , ac syntaxi consulamus , nomine *Apollo* indeclinabiliter sumpto , ut in Vulgata .

P. 29. *omnimodis.*

Omnino , seu omnimodo . Ita non Cassiodorus tantum , sed Auctores etiam melioris ævi , ut Lucretius non semel .

P. 33. *matrimonio copulari.*

D. Paulum uxorem non habuisse , Cassiodorus ratum facit ; quamvis id a quibusdam in quæstionem revocatum sit , præcipue ex S. Ignatii Epistola ad Philadelphenses . Quam ab antiquo Christiana Ecclesia in coelibatum ferri ceperit , plura comprobant . XIX. ex
priscis

priscis canonibus, qui Apostolorum nuncupantur: *ut ex iis, qui cum essent cœlibes, ad clerum promoti sunt, soli Lectores, & Cantores si velint uxores ducant: ἀναγνώστας, καὶ ψάλλοντας μόνως.* Docebat Hilarius, Romæ sub Damaso Diaconus [ad I. Thimoth. inter Ambr. Op.] sacerdotes nostros, & sacros ministros omnes a conventu feminae abstinere debere, quia necesse est eos quotidie præsto esse in Ecclesia; quod Levitis antiquæ legis non accidit; eorum enim rarior in sacrificiis erat opera, ita ut dierum aliquot expiatio præmitti posset. Vide Can. x. Ancyranæ Synodi &c. Explanator ipse noster paulo ante: *ostendens innuptas personas facilius spiritalia cogitare quam coniuges.*

P. 36. libertas est.

Corinthiis inter Christianos receptis præcipiente Apostolo ne Iudæorum more velato capite orarent, nullam servitutis notam ob detecta capita ab iis timendam subiungit interpretès, *quoniam Deo subditum esse libertas est.* Libertatis ceteroquin symbolum in Bruti numismate pileus.

P. 36. Singillatim celebrationem.

Locum, quem de Missarum celebratione Cassiodorius interpretatur, de communibus illis

illis veterum Christianorum convivii (*ἀγῶ-
ναις*) accipiunt alii; eorumque reprehendi
censent tum pauperum contemptum, tum
intemperantiam. At cum Auctor noster il-
los argui putet, *qui non sustinentes conven-
tum, singillatim celebrationem cupiunt habere
Missarum*, Missas intra privatos lares cele-
bratas videtur innuere, quas propterea eius
iam ævo in usu fuisse coniectare liceat. Eas
quidem D. Gregorii ætate receptas Episto-
læ ipsius XLII. & XLIII. ostendunt; quibus
ad Venantii Patritii dissensionem tollendam,
Syracusano Episcopo præcipit, *ut in domo
ipsum Missarum peragi mysteria permittat*.
At multum aberat, ut Apostolorum tempo-
ribus cognosci possent, cum exiguo fide-
lium numero Missa unica peragebatur. Quin
etiam decernitur Canone Apostolico xxiv.
ut presbyter deponatur, *qui contempto suo
Episcopo seorsim congregationem faciat, & ali-
ud altare figat*. Cum tamen dicat interpretes,
non sustinentes conventum, intelligi etiam
potest de iis, qui Missas consueto quidem,
& publico loco celebrarent, sed antequam
fideles convenirent: nam *sustinere* apud ip-
sum *expectare est*: paulo infra, *in vicem ca-
ritatis studio sustinendum*, quod Apostolus
dixerat v. 33. *in vicem expectate*: ad Iacobi
Epistolam num. x. *iudicem non esse sustinen-
dum*,

dum, ut significaret, expectandum non esse.

P. 37. *corpus, & sanguinem.*

Catholicæ, & inconcussæ de Eucharistico mysterio sententiæ novus calculus hic accedit, cum antiquus textus, quo Cassiodorius utebatur, prætulisse videatur hoc loco, *panem, & calicem, corpus, & sanguinem Christi*; qua lectione clarissime, traditum anterioribus versiculis dogma iteratur. De Consecratione Eucharistica Dissertationem meam, ad virum summum P. Ben. Bacchiniū missam, iterumque nuper Venetiis cusam, novo libro Tubingæ edito rursus oppugnari video a viro inter Lutheranos celeberrimo Christophoro Pfaffio. Eruditionis plaustra, quod illi solenne est, in eo volumine congesta mireris; at quod ad quæstionem pertinet, ipsi, collatione facta, iudicent in iisdem castris suis merentes literati viri, num quæcumque attuli vel minimum labefactentur. Quidpiam tamen aliquando reponam, ubi ortum dabitur, ad deceptiones quasdam detegendas, eludendasque: in præsens hoc tantum moneo. Quod inter nos primo, & præcipue disceptabatur, id erat: num Fragmenta ab ipso reperta, & S. Irenæi Lugdunensis nomine vulgata, ad ipsum vere pertineant,

tineant, ut acriter pugnat, necne. Abiudicantem vero me, atque reicientem docti ipsi viri a nostris sacris alieni minime abiudicarunt, vel reiecerunt; nam hæc lego de Fragmentis hisce in *Historia Critica Reip. literariae* T. IX. *Je ne m'étonne nullement de ce que Scipio Maffei* [præclarum, sed alienum opus mihi hic ex errore tribuitur] *les ait combattu, & reiettez. Franchement ie trouve ses raisons touchant leur incertitude, & leur supposition tres plausibles, & tres bien fondees.*

P. 38. *Prophetia Ecclesias instruit.*

Dum hæc relego, ab antiquis lapidibus, quibus nunc vaco, paulisper divulsus, egregia, & nondum vulgata succurrit Inscriptio, cui interpretandæ, ubi *Museum Veronense* proferam, nonnihil opis afferent hi Cassiodorii loci. Eximium lapidem Hieronymus Barulfaldius, quæ clarissimi viri humanitas est, mihi dono dedit: Inscriptio est huiusmodi.

DACIANA. DIACONISSA

QVE. V. AN. XXXXV. M. III

ET. FVIT. F. PALMATI. COS

ET. SOROR. VICTORINI. PRESBRI

ET. MVLTÀ. PROPHETAVIT

CVM. ELACCA, ALVMNA

... V. A. XV. DEP. IN. PACE. III. ID. A.

P. 39. *Si cui vero de sedentibus.*

Erat in Ms. *sicut vero de sequentibus.*

P. 51. *Videte: si quis confidit.*

Videntur hic abfuisse a Cassiodorii textu prima verba versiculi VII.

P. 51. *modicum insipientiam.*

Ex Græco *μικρὸν τι* : Italice, *soffrite un poco la mia* &c. interpretatio ad literam videri possit nescio quid alieni inyehere. Valtonii Polyglotta habent *τῇ*.

P. 52. *Veniam autem.*

Ea verba, *si gloriari oportet, non expedit quidem*, Cassiodorium non legisse suspicor : inspicie Græcum textum, & contextum consule.

P. 63. *Sed diverso sexu.*

Ex Apostoli verbis Epistolæ huius IV. 13. surrecturos nos esse *in virum perfectum*, non defuere qui autumariat, feminas non in proprio sexu, sed in virili surrecturas. A meliori parte stat Cassiodorius, atque optimo argumento pugnat. Eundem Evangelii locum attulerat Gelasius I. hoc idem urgens, Conc. Labb. tom. IV. p. 1257. ad-

dide-

dideratque : quod utique si in unam speciem corporis, unumque sexum omnes fuerant susci-
tandi, cur diceretur causa penitus non fuisset.

P. 72. *Ad Thessalonicenses.*

Canon Vulgatæ Epistolam ad Colossenses præponit.

P. 83. *inluminatione depravandos.*

Anceps fui, an *depravare* incongrua significatione idem importaret hic, ac pravitatem tollere, sicut *depretiare* apud Scriptores quosdam mediæ ævi idem valet, ac pretio minuere. Cum tamen illis Apostoli verbis v. 9. respondere hic sensus videatur, *insipientia eorum manifesta erit omnibus*, legendum arbitror *declarandos*, hoc est manifestandos.

P. 86. *Philimonem.*

At deinde, scribens *Philemoni* : num. II. rursus *Philimonis*; ambigue siquidem & antiquitus ista enunciabantur. Gellius l. 10. et 24. consuetum veteribus literis his (e & i) plerumque uti indifferenter.

P. 88. *Ad Hebreos.*

Animadvertendum hic, de Auctore huius Epistolæ Cassiodorium minime ambiguum

um esse. Nihil igitur refert, quod Div. Lect. cap. viii. Auctor. s. nomine non adiuncto eam laudaverit, nec quod eam omiserit, ubi expositores recensens, ait, *Residuas vero Epistolas S. Pauli &c.* præcipue cum eodem loco illam etiam ad Philippenses, de qua nemo dubitavit, obliviscatur. Id quidem satis patebat ex Præfatione in Orthographiam, ubi hæc leguntur: *testis est Paulus Apostolus, qui ex maxima parte in Epistola, que scribitur ad Hebræos &c.* Rationem, quam affert, cur Apostolus nomen suum non præmiserit, Clemens Alexandrinus attulerat in Hypotyp. apud Eusebium Hist. l. 6. c. 14. *Infra; non reciperent sospitatem: in libro de Anima cap. 11. effectum sospitatis attribuit. Ad Psalm. LXX. petit etiam corporis sospitatem.*

P. 95. probatur esse iam proximum.

Opinionem de imminente extremi iudicii die Apostolorum ævo emanatam, ad plura secula viguisse scimus.

P. 95. necdum adhuc susceperant.

Id cogitaveram prius, an reponerem, *susceperant*: sed cum subsequenti Numero idem repetatur, atque addatur insuper, *ut uno eodemque tempore pius Redemptor omnibus da-*

vet, quod cunctis fidelibus noscitur esse pollicitus; sibi constantem Cassiodorium agnovi, qui cap. XII. libri de Anima hæc tradit. Nam cum fuerimus hac luce imperio Creatoris exuti - in animæ nostræ natura iugiter perseverantes, nihil boni malique faciemus, sed usque ad tempus iudicii &c. Sententiam nosis, quæ in longum ævum audita est, electos scilicet, usque dum corpora restituantur, divina facie interdicendos, ac non nisi post universale iudicium beatitudinem assequuturos. Eamdem obiter Auctor noster etiam in Apocalypsi attingit num. 3. at improbare modo, si vitam duceret, postquam a Ioanne XXII. reiectam damnavit exinde Concilium Florentinum, atque in Unionis decreto proscripsit.

P. 101. Complexiones Canoniarum.

Non ut in cetera sacra biblia affluunt in has Epistolas veterum Scriptorum commentarii. Singulas ante Cassiodorium unus explicaverat Didymus Alexandrinus a doctissimo Simonio in tractatu de Novi Testamenti expositoribus prætermisus. Nihil tamen fere Auctorem nostrum ab ipso mutuum esse, diversa etiam ac speciali sectione usum, noverit quicumque Latinam, quæ superest, Dydimi versionem in Bibliotheca

Patrum respiciet. In quatuor ex ipsis Clementis quoque Alexandrinus scripserat, at eius commentarium periisse suspicor: quamvis enim hoc nomine quæ extant in Bibliothecæ PP. tomo III. fragmenta recipiant multi, in eam sententiam Cl. etiam Dupinio vergente; mihi tamen plane persuaderi nequit; cum ex eo quod pro Iacobi Epistola, quam a Clemente *Attico sermone declaratam* Cassiodorius in Div. Lect. c. 8. docet, iis fragmentis illustratam video Epistolam Iudæ; tum quia non unus error eas inficit: a Latina autem illarum versione *offendicula exclusisse* Auctor noster ibidem profitetur, ut *purificata doctrina eius securior posset hauriri*. Thomas Itigius in Bibliotheca Patrum Apostolicorum Clementis Alexandrini Supplemento præloquens: *num vero quæ hodie supersunt Adumbrationes, illæ ipsæ sint, quas Cassiodorus a se emendatas dicit, aliis nunc diiudicandum relinquimus*. S. Augustini in primam Ioannis opus extat; non in Iacobi, quod etiam in deperditorum enumeratione prætermitti solet, quamvis eam Epistolam Cassiodorio teste *solita diligentia sua curiositate tractarit*. Adeo rari demum in has Epistolas interpretes, ut Cosma Indicopleustes vi. seculo hæc tradiderit Topographiæ Christianæ lib. 7. *τὰς αἰνὰς αἰ ἐντομην*

τίνας τὰς θέλας γραφὰς οὕτε εἰς αὐτῶν λόγον
 ἐποίησατο ἡ καθολικὴν. nullus ex omnibus iis, qui
 in divinas Scripturas commentaria ediderunt,
 Catholicarum epistolarum rationem habuit. Ve-
 rum enim vero post Cassiodorium quoque
 prisca Canoniarum interpretes paucissimi
 numerantur, cum ante Oecumenium; Glos-
 sa ordinaria omiſſa, Beda tantum in medi-
 um proferri poſſit. Oecumenium quidem
 collectionem, & ex ſuperioribus Græcis Ca-
 tenam nobis exhibere, admonent eruditi:
 at quod ad Canonicas pertinet, e quibus
 eum commentarium decerpere potuerit non
 video: niſi ex amiſſis Græcorum Patrum lu-
 cubrationibus collectum interpretemur: mo-
 nente Caſſiodorio in Præſatione Divinarum
 Lectionum fama vulgatum fuiſſe, quosdam
 ex iſtis ſcripturas divinas veteris, novique
 Teſtamenti ab ipſo principio uſque ad finem
 Græco ſermone declaraffe, atque inter eos
 Chryſoſtomum nominante, cuius Abbrevia-
 tor Oecumenius vocari ſolet. Vix tamen
 adducor ut credam, ſive Chryſoſtomi, ſive
 alterius in has Epistoſas animadverſiones, ſi
 extaſſent, Caſſiodorium latere potuiſſe,
 quem in eas expoſitionem aliquam quæren-
 tem magna cogitatio fatigavit. [Div. Lec.
 Cap. 8.] quive illas Didymi ab Epiphanio
 transferri curavit: quin potius ex ſacris li-

bris hunc ab expositoribus ut plurimum præ-
 termissum putaverim, cum ob eius exem-
 plaria forte rariora; tum quia ab Ecclesiis
 pluribus non nisi sero admodum in sacræ
 Scripturæ canonem receptus sit. Quomodo-
 cumque se res habeat, inter antiquos Cano-
 nicarum interpretes eximio loco in posterum
 Auctor noster habendus erit, utpote primus
 inter Latinos, qui universas illustrandas su-
 sceperit; primusque etiam, ut arbitror, aut
 certe inter primos, qui eas Canonicas nun-
 cupaverit, etiam in libro de Institutione
 divinarum literarum, cum olim Catholicæ
 vocari solerent. Canonicarum quidem ap-
 pellatione in veteri Prologo enunciantur,
 sed quem D. Hieronymo certis argumentis
 viri docti abiudicant; quod minime ani-
 madvertit Guil. Cave ubi de D. Hieronymo,
 neque eximius editor S. Cypriani, qui ad
 Tract. de Unit. Eccl. integrum recitat, &
 magnopere commendat. A Laodicensi Sy-
 nodo in Divinarum Scripturarum Catalogo
 Canonicas appellari Cll. Hieronymi edito-
 res docent tomo II. p. 1672. verum fortui-
 ta quadam, ut puto, hallucinatione, Ca-
 tholicas enim vocat cum Græcus textus eius
 Catalogi; tum Latina Mercatoris interpre-
 tatio: Dionysius eas nec memorat.

P. 101. *ad Gentes.*

Mendax inscriptio : ad dispersos potius inscribi poterat, *προς τοὺς ἐν διασπορᾷ*, ut ea D. Iacobi in his Complexionibus inscribitur, cum ad Iudæos pariter missa sit, qui extra Iudæam pedem fixerant. S. Petri Epistolas ante ceteras locat, quem ordinem S. Augustinus amplectitur de doctr. Christ. l. 2. Vide antiquum Prologum Canoniarum.

P. 105. *omni humana ordinationi.*

Ita & Didymus legerat, ni Latina versio nos decipiat.

P. 106. *devotione probabili.*

Probabile apud hunc Scriptorem valet probandum, sive laudabile : occurrit passim. In Præfatione Div. Lect. *per expositiones probabiles Patrum*. Id hoc paragrapho animadvertendum ; verba, quæ in præfixo hemistichio desunt, errore quodam omissa intelligi ex expositione, in qua legitur : *primum dicens, ut subdita debeant esse viris suis* : quod propterea noto, ut pateat, quam cautos in his rebus, & circumspectos præstare nos debeamus.

P. 109. *nolite pavescere.*

Ex Græco *μὴ ἐνιζέσθε* : quo verbo turbari significatur aliquando ; turbatio vero a pavore non abest . Geopon. l. 2. c. 46. *ἐνιζέει γὰρ καὶ τοπάττει* . Legit Beda *nolite mirari* .

P. 115. *οὐρανὸν Noe.*

Emendet felicior aliquis , ac restituat .

P. 116. *Traditiones patrum.*

Interpretationem animadvertite versiculi *Us memores sitis* , documentumque de *Traditionibus fideliter tenendis* .

P. 118. *Iohannis ad Parthos.*

Eodem titulo Epistolam hanc recensuit Div. Lect. cap. 14. Cur sic inscribatur ex ipsa non est eruere : verum sic antiquitus inscriptam ostendunt , præter D. Augustinum ad Epist. Iohannis , & in Quæst. Ev. etiam Ven. Card. Thomæ Codices , in quibus , *Incipiunt Capitula S. Iohannis ad Parthos* . In Prologo quodam Bedæ adscripto apud Guil. Cave p. 403. *Multi Scriptorum Ecclesiasticorum , in quibus est S. Athanasius , primam eius Epistolam scriptam ad Parthos esse testantur* .

P. 125.

P. 125. *in caelo autem P. et F. et S. S.*

En decantatissimum illum S. Ioannis de Trinitate locum, de quo contentione maxima certatum est ad hanc diem. Volumen conficerem, ea colligens, quæ in hanc questionem ab eruditis viris plurimis congesta sunt. Cœlestia, ut loquantur, testimonia propugnantibus validissimum sane subsidium. ex Cassiodoriano hoc opere accedit; quo demum constat, non in Africanæ tantum, quod patet ex Eugenio, Fulgentio, Vigilio, Victore, Facundo, Cypriano quoque, ut videtur, sed & in antiquissimis ac emendatioribus Ecclesiæ Romanæ Codicibus versiculum illum scriptum fuisse: cum enim tanto studio Monachis suis in Div. Lect. id præceperit, ut præstantissimis, & Græci etiam textus collatione repurgatis codicibus uterentur, utque in ambiguis locis *duorum, vel trium PRISCORUM, emendatorumque codicum auctoritas inquireretur*, ipsum in primis idem præstitisse, quis ambigat? Qui vero Vulgatæ, seu Hieronymianæ versionis eam *πρῆξιον* olim intrusam putant, deditionem tandem faciant, atque arma submittant, necesse est; evidenter enim patet ex quam pluribus harum Complexionum locis, Cassiodorium alia versio-

re

ne a Hieronymiana usum esse, & nihilominus eam *περινομένη* legit. Solemus communiter, cum Scripturæ locus a Vulgata deflectens occurrit, ex Italica decusum afferre; nimis audenter ut plurimum: nam quam multæ antiquitus translationes circumferrentur, D. Augustinus præcipue docet de Doctr. Christ. lib. 2. *Qui Scripturas ex hebræa lingua in græcam verterunt, numerari possunt, Latini autem interpretes nullo modo: ut enim cuique primis fidei temporibus in manus venit codex græcus, & aliquantulum facultatis sibi utriusque linguæ habere videbatur, ausus est interpretari: ut in veteri, sic & in novo Testamento idem præstitum fuisse, nemo indubium revocaverit. Verumtamen quæ in hac explanatione vel affert Cassiodorius hemistichia, vel designat, a Vulgata antiqua, sive ab Italica vere deprompta esse, id apud me ferme evincit; quod illa versio probatissima inter ceteras a doctissimis veterum haberetur: quapropter adhibitam, procul dubio arbitror ab erudito Scriptore, sacrorumque librorum scrutatore eximio; eoque magis, quo vetustiores Scripturæ codices perquirere solitus erat, & collatos cum Græco textu, quem Cælestia Testimonia præsetulisse, cùm Scriptorum auctoritas, eùm optimi qui supersint Mss. libri testantur.*

tur. Cur autem in multis ex vetustioribus
 hodie Latinis codicibus ea perioche minime
 appareat, cur illam plures ex Patribus in
 exemplaribus suis non habuerint, nec lege-
 rit Augustinus ipse, quamvis legisse affir-
 met Cornelius a Lapide, in promptu ratio
 est: non illa tantummodo, quæ ex D. Hie-
 ronymo erui potest, Præfat. in Iosue, fuis-
 se iis temporibus *apud Latinos tot exempla-
 ria quot codices*, sed ulterior: ostendam sci-
 licet, ubi de vetustis agam lapidibus, eor-
 um exscriptores solidum versum, duos eti-
 am non infrequenter præteriisse, cum eæ-
 dem dictiones exiguo forte intervallo ite-
 rantur: facillime enim accidit, ut prioribus
 exscriptis, cum oculos ad lapidem referunt,
 incidant in posteriores, & quæ consequun-
 tur arripiant. Idem prorsus antiquo cuiquam
 librario contigit, S. Iohannis Epistolam
 transcribenti: cum enim ea verba, *& bi tres
 unum sunt*, bis ibidem haberentur, interie-
 cta oculo aberrante transfiliit: exemplar
 autem unum innumera procreat, & unius
 error infinite diffunditur. Quorum verbo-
 rum, *& bi tres unum sunt*, observanda etiam
 est paraphrasis ab interprete nostro exhibi-
 ta, nimirum: *& bi tres unus est Deus*: qua
 suspicio omnis evertitur autumantium con-
 tra communem sententiam, ea verba Ar-
 rianis

rianis favere; perinde ac si unitatem non in essentia statuerent, sed in ratione testificandi, qua *unum* pariter dicuntur aqua, sanguis, & spiritus. Ceterum in Cassiodorii textu terrestrium testimoniorum versus præcedebat, quod & in quibusdam Mss. viri docti animadverterunt.

P. 126. *Ecclesiae, filiisque.*

Ad mystica propensus iis accedit, qui Electam hanc, non matronam putant, sed Ecclesiam.

P. 130. *altercans cum diabolo.*

Docet Hieronymus in Tractatu de Scrip-
toribus Ecclesiasticis, S. Iudæ Epistolam,
*quia de libro Enoch, qui apocryphus est, in
ea assumit testimonium*; olim a plerisque re-
iectam esse: quod testimonium inferius assu-
mitur vers. 34. *Altercatio* autem de corpore
Moyſis ex alio libro itidem apocrypho vi-
detur decerpta, cui titulus erat *Moyſis Af-
cenſio*: memoratur ab Origene *περί ἀρχῶν* lib.
3. c. 2. Commentarius, qui Clementi Ale-
xandrino tribuitur, ad hunc locum: *hic con-
firmat assumptionem Moyſis*. Vide Sixtum Se-
nensem lib. II. tradentem etiam lib. VII. ab
huiusmodi libris citandis S. Iudam non ab-
stinuisse, ut eos ad quos scribebat etiam ex
his

*his libris, qui apud illos auctoritatem habebant, productis testimoniis persuaderet. Beda ad hunc locum adnotat; simile his aliquid in Zacharia propheta reperimus: subditque; Non desunt, qui dicant eundem Dei populum Mo-
sis corpus appellatum, eo quod ipse Moses illius populi portio fuerit: ideoque Iudas quod de populo factum legerat, recte de Mo-
sis corpore factum dicere possit.*

P. 136. fidem sine bonis operibus.

Perpetuo apud orthodoxos dogmati de necessitate in adultis bonorum operum, quæ ex hac Epistola tam clare evincitur, si novus iterum calculus addi posset, ex interpretatione hac adijceretur, qua perspicue exponitur, ex operibus iustificari hominem, non ex fide tantum posse salvari. Idem pluries: pag. 5. sola qualitas pensanda factorum &c. Hinc patet quam captiose procedant, & sophistice, qui in alienam significationem locos trahere conantur, quibus Operum nomine, legalia Iudaica designantur: ut in hoc ipso opusculo p. 6. Abraham non ex operibus gratiam Domini reperisse, sed Fide; cum paulo ante: non enim per legem circumcisionis vel alia huiusmodi iustificatur homo; sed per legem Fidei: & p. 13. gentem dicit per Fidem non ex operibus comprehendisse iustitiam; cum sequa-

sequatur: nam Iudai credentes ad literam, & non spiritualiter &c. Pag. 46. arguit Galatas, quod ad legis opera iterum sint reuersi: ecce quid veniat sub Operum nomine, cum opera improbantur, & ad salutem minime necessaria asseruntur.

P. 140. *praegravatur iniuria.*

Extremæ Sacramentalis unctionis vim, & usum in hac Epistola ostendi, Baronius ad ann. LXIII. fusius prosequitur: at eo remedio adversus iniurias uti, Equestribus, ut vocant, Scriptoribus nostris, quos aliquando excussi, prorsus ignotum. Forte de corporis languore locum accipit, quem alterius iniuria, ac violentia induxisset, cuique olei inunctio, humani etiam iuvaminis ratione, præcipue convenire videretur. Hanc Auctoris mentem esse, facile impellemur ad credendum, si particulam vel pro et positam intelligamus; qua significatione in his Complexionibus non semel ponitur: vel reliqua loco r^{um} et cetera: sacerdotes, vel reliqui primates, pro et reliqui. Ita passim apud Scriptores mediæ ævi.

P. 141. *in septuaginta duobus capitibus.*

Partitio sacrorum librorum, quæ primitus vel ab usu publicarum lectionum in Christiana-

stianorum coetibus, vel ad locos facilius allegandos, & reperiendos, vel ab expositoribus, interpretibusque introducta est, incerta olim fuit, & ex cuiusvis arbitrio concinnata. Adnotavimus, quam diversa ab Hieronymiana capitum distinctione illa divisio sit, qua in Apostolorum Epistolis Auctor noster usus est; numeri siquidem sectionem designant, Actorum librum, quem Vulgatus interpret in XXVIII. alii vero in XL capitula, ut apud Oecumenium apparet, partiti sunt, secut ipse in LXXII. ut Sospitatoris nostri discipulis, quibus omnibus Apostolorum nomen videtur largiri, numero æquatur, atque ut *sacer Actus Apostolorum eodem numero, quo electi sunt, clauderetur*. Latius olim patuisse Apostoli nomen, e vetusto etiam Florentinii Martyrologio discimus. At Cassiodorio valde arridebat is numerus: Div. Lect. c. 13. cum de Augustino sermo esset, qui *Scripturas divinas LXXI librorum calculo comprehendit*, pergit; *quibus cum Sanctæ Trinitatis addideris unitatem, fit totius libri competens, & gloriosa perfectio*. Quo loco mendum est nondum animadvertum, legi enim debet *totius librae*, ut patebit ex sequentibus: eam vocem, cum libarius non intelligeret quid hinc sibi vellet, subduxit, reponens *libri*.

P. 141. *quantitatem habere librae.*

Hæsi ad hunc locum, Ms. codice LIB tantum exhibente, deletis a vetustate, abradisque literis ceteris. Ubi me paulisper collegi, supplevi *librae*, agnoscens ex numero libram memorari, quæ Occidua dicta est, siue quia imminuta, siue quia in Occidente usitata. Apparet ergo, longum in ævum, consuetudinem perdurasse, numerum septuagesimum secundum designandi per auream libram; quam ea ratione præfinierat Valentinianus senior, ut LXXII aurei solidi libram efficerent, cum sub Constantino Magno ex LXXXIV constitueretur. Vide Gothofredum ad lib. VII. Cod. Theod. tit. 24. l. 1. Legimus in actis Concilii Sinuessani: *hi omnes electi sunt viri Libra Occidua, qui testimonium perhibent*; testes autem LXXII adnotat Binius significari: nomina quidem, quæ ea verba antecedunt, LXXXV sunt: infra tamen LXXII memorantur testes. Ex huius Occiduae libræ mentione longe post Marcellini Papæ ætatem Acta illa supposita fuisse, argui potest.

P. 142. *triginta tribus capitibus.*

Apocalypsin, quam in LXXII capitula discretam cernimus in commentariis nomen
Arc-

Arethæ præferentibus , quamve Vulgata. versio in XXII. distinguit Cassiodorius in XXXIII. duplicem de more velut causam adumbrans : quocumque enim dato numero, mysterium statim invenit, aut creat. De septenario Præfationem vide libri de Artibus: tum infra in Apocal. num. *xv. septem ponuntur ad perfectionem scilicet indicandam.* Scripturam sanctam LXXV libris partiens, hunc numerum affirmat duobus miraculis consecrari ; nempe annorum Abraham , *quando promissionem Domini latus accepit , & animarum , quæ cum Patriarcha Iacob fines Ægyptios intraverunt .* Div. Lect. c. 14. Orthographiam duodecim libris conclusit , quia *xii* horarum spatia , *xii* menses , *xii* Cælestia signa . Cur vero affirmet hoc loco, *triginta significare cælorum culmen excelsum ,* numerorum virtutes , atque arcana perscrutantes discutiant .

P. 142. Tychonius Donatista .

In ea expositione Tychonium quædam non respuenda tradidisse, quædam vero venenosi dogmatis sui seculenta permiscuisse, docet Div. Lect. cap. ix.

P. 156. fideles Domini nocere .

Ita & Vulgata passim : Act. xviii. 10.

R 2

ut

ut noceat te. Apoc. II. 5. *eos nocere*: nimirum ex constructione verbi *βλάπτω*. Plautus non semel eundem casum huic verbo adposuit. Græcæ syntaxeos non uno loco in Latina versione vestigia deprehendimus: *obumbrabit tibi: oriens illuminare his: decem milia ad te non appropinquabit: & in hoc ipso Actorum versiculo, spirans minarum, & cædis*, ex iis, *ἐμπνέων ἀπειλῆς καὶ φόβου*, ubi Cassiodoriana versio, *spirans minas, et cædes*.

P. 165. Proconsulem, & Paulum.

Vides hic hominem distrahi, & in duos diffecari, ex Proconsule scilicet Sergio Paullo, *vire prudente*, Sergius Proconsul, & Paulus prudens constantur. Versiculo 20. *redempto Blando*, sive ex suo codice, sive per suasionis genus divinans.

P. 167. Christianum daugma.

Ita liber: sic *plaustrum* & *plostrum*: Plautia, & Plotia eadem gens. Vetus codex Capitularis Veronæ: & *occisum Aunam*, ubi *Onam* legi solet in S. Hier. lib. 1. adv. Iovin. Prænomen *Aulus* in quibusdam lapidibus scribi OLUS, testantur Reinesius, & Fabrettus. *Ou* quoque: vetusta Inscriptio apud Gruterum pag. 506. IOURE *dicendo*:

Victorinus in Orthogr. *inde scriptum legitis, loucetios, nuncios: in nummis Fourius, Foulvius &c.* Vide legum fragmenta ex æneis tabulis eruta a Sigonio, & Ursino.

P. 172. *qui et Marcus.*

Versionis, cui Catliodorus inhæret, antiquitatem comprobare videtur hic locus; ubi enim Vulgata, *Iohannem, qui cognominabatur Marcus*, legit interpret nolter, *qui et Marcus*; Romana, & vetusta formula, ut docent prisca marmora. Romæ in hortis Iustinianeis: FELIX. QUI. ET. CLEMENS.

P. 173. *causa compendi.*

Hoc est *lucris*. Epistola Athalarici Regis ad Iohannem II. *absint enim a nostro seculo damnosa compendia*. Etiam Auctor ad Herennium lib. 4. *duæ res sunt, quæ possunt homines ad turpe compendium commovere: & Ulpianus in l. si quis a filio ff. de legat. quod ad ornatum vel compendium Reipublicæ spectat: opponitur dispendio*. Antecedente numero animadvertenda optima lectio; quæ est *prima partis Macedonia civitas*: consentiente tum Græco textu, tum S. Hieronymi versione.

P. 176. *femini verbum.*

Vulgata xvii. 18. *feminator verborum* : Græcus textus *σπερμολόγος*. Athenienses siquidem homines Attica contumelia Apostolum insectabantur. Demosthenes de Corona : *εἰ γὰρ Ραδάμανθος ἢ Μίνως ἢ ὁ κατηγορῶν, ἀλλὰ μὴ σπερμολόγος &c.*

P. 179. *reperitur quosdam.*

Ευρῶν . novum participium Latinis largitur, Græcos æmulans : supra pariter a verbo *pœnitet* *penifos* deduxit, *μετανενοηκότες*. Interrogavit *si* : more Vulgatæ versionis, quæ Græcum *εἰ*, etiam cum pro *an* ponitur, reddit *si*. Similiter sumi videtur a Tibullo lib. 3. El. 1. *Illam mihi referet, si nostri mutua cura est, An minor.*

P. 182. *periculum mortis.*

Insigniter discrepabat heic ista versio a Vulgata, sive ut arbitror, insigniter aberabat. De adolescente, qui de cœnaculo cecidit, legimus in communi textu, *sublatus est mortuus*; at Cassiodorius legit, *periculum mortis incurrisse* : & paulo infra pro iis, *adduxerunt puerum viventem*, habet *iis qui aderant reddidit sanum*. Non deerunt tamen qui putent, discrepantiam hanc non imputan-

tandam textui, sed interpreti; qui *mortuum* pro exanimi intellexerit, ac velut mortuo, & ea quæ sequuntur, *anima ipsius in ipso est*, ad literam acceperit, quamvis ut simulate, ac velut iocose dicta accipienda sint, quo modo & illa Christi Iesu Matth. ix. 24. *non est mortua puella, sed dormit*.

P. 183. *Ephesum prætermittens.*

Verba libentissime extendit: *contradebat, promoventes, compromittit*, quod etiam habetur Div. Lect. c. 24. simplicibus nimirum verbis adhibitis, perire videbatur rhythmus, & perpetua illa dictionis veluti modulatio. Inversa autem quandoque significatio minus curæ est: itaque *prætermittens* heic pro *mittens*.

P. 188. *turbas intendens.*

Hoc est intuens: sic Pag. 202. *quidquid Sol non intendit*, scilicet non aspicit: Episcopus apud S. Augustinum dicitur *Superintendens*, idest Inspector.

P. 198. *inde Regio.*

Auctori forte probabatur quod e Varro-
ne apud Cornutum retulit Orthogr. cap. i.
*R literam, si primo loco ponatur, non aspira-
ri: lector enim ipse intelligere debet Rodum,*

tametsi b non babeat, Rhodum esse, Retorem
esse Kbetorem.

P. 198. *Tribus tabernis.*

In Ms. erat *Tribunus*. Numeratur *Tribus tabernis* in Itinerario Appia via, inter Ariciam, & Appii Forum. In Concilio Romano sub Hilario inter Episcopos: *Lucifer Trium tabernarum*. In Itinerario Burdegalensis bis id nomen occurrit, non longe a Placentia, & prope Interamnam.

P. 198. *per ordinem a centurionibus.*

Mutilus, ac corruptus locus: inspice sacrum textum.

P. 201. *controfationes.*

Lege *contrôpationes*. a tropo, seu modo, vel figura: infra p. 221. ut facta allegoriæ *contrôpatio* servaretur.

P. 203. *nulli hominum.*

Vide quæ ad pag. 95. animadvertimus.

P. 203. *esse Fulgores.*

Hoc verbo Angelos significat: eo usus fuerat in *Formulis* sensu dignitatis: *uni tantum cedens Fulgori*: de Patriciatus loquens uni tantum Consulatus culmini concedente.

P. 203. *Nicolaitarum.*

De Nicolaitis vide Epiphanium, Irenæum, Hilarium, Hieronymum, Clementem Alex. Eusebium, Theodoretum.

P. 204. *Angelum Episcopum dici.*

Interpretatio satis obvia, ratio satis peregrina.

P. 209. *senas habentes alas.*

In ea sententia ostendit fuisse se, quæ viguit inter Hebræos, Mundi ætatem sex annorum millibus circumscriptum iri. Sibi autem constat: Var. l. i. Ep. 10. Sex enim millia denariorum Solidum esse voluerunt; scilicet ut radiantis metalli formata rotunditas ætatem Mundi, quasi Sol aureus, convenienter includeret. Vide Lactantium lib. vii. c. 14. & 25.

P. 211. *mundissimam vitam.*

Pluribus, diversisque harum figurarum interpretationibus hæc quoque erit adiungenda.

P. 212. *omnium beatorum.*

Explicat inferius num. XX. quod de hoc signatorum præfinito numero dicitur, ad beatos omnes aptandam esse.

P.

P. 215. *tres et semis annos.*

Ita restitui ; erat enim in Ms. *per tressimos annos* . Illud ab Auctore respicitur *per tres dies , & dimidium . xi. 9.*

P. 216. *matrem vero ipsius.*

Quod hic traditur de intemerata Redemptoris matre , audiendum non est : quamvis ipsum quoque Cassiodorium mystice loquutum esse , suspicari possumus ex iis quæ sequuntur . Abditissima mysteriorum involucra , quæ *in magnum sacramentum* , sive mysterium dicta esse , iure merito Tyconius ille afferebat , quis satis apte explicare possit ?

P. 218. *CXLIII.*

Millenarii notam liber hic linea superdacta signat : ita & lapides solent .

P. 221. *Trinitatis dicit.*


Ex eo , *facta est civitas in tres partes* , vers. 9.

P. 226. *mille annis*

Alligavit eum , ne credituras gentes libera potestate confunderet : cetera per modum parentheseos interiiciuntur . Memorat Cassiodorius Div. Lect. c. 9. Vigiliū quemdam ,
Africa-

Africanum antistitem , *de mille annorum intelligentia* plenissime differuisse ; quod opus vel interiit , vel adhuc delitescit. Vide Augustinum de Civitate Dei l. 20. c. 7. Quod subditur , spatium hoc multorum Patrum sententia *a nativitate Domini computari* , ad opinionem multis olim subortam videtur referri , millesimo post Christum anno rerum universitatem dissolutum iri , & Antichristum adventurum.







Tomo V. nupera editionis Italia Sacra, subsequens Epistola inserta est, in qua Capitulares Veronensis Ecclesiae membranae memorantur. Iterum autem hic exhibetur, quod ex manco quodam, & inemendato exemplari prior typographus non uno loco fuerit deceptus, ut conferenti patebit.

SCIPIO MAFFEIUS
NICOLAO COLETIO S. D.



INTELLEXI ex tuis literis, te momentis rationum mearum, quibus ab Ughelliana Episcoporum Veronensium historia universe expendenda, documentisque exagitandis abstinere decrevi, tandem acquiescere; ac postulationes tuas eo redigere, ut si quid habeam de vetustioribus saltem Episcopis, quod .

quod neque ab Ughellio, neque ab Historicis nostris allatum fuerit; itemque si quem forte Præsulem detexerim, qui nondum innotescat, & a dyptichis nostris adhuc exulet, tecum statim communicem: quæ quidem paucis præstabo.

Nullum extat ea de re monumentum antiquius rhythmica quadam Veronæ Descriptione, regnante Pipino Caroli M. filio, ab anonymo Auctore elucubrata. Priorem illius partem edidit Hieronymus a Curte in hist. Veron. lib. 1. ex Ms. Chronico apud Iesuatos: reliquæ, in qua octo primi Episcopi recensentur, ex antiquissimo libro apud Coelestinos cœnobii Ariminensis aliquot verba allegat Perettus: frustra quædam occurrerunt mihi multis ab hinc annis in Zenoniano codice. Verum perierat prorsus insignis documenti pars præstantissima, nisi P. Mabillonius ex Lobienſi bibliotheca integrum demum, absolutumque emisisset. RATHERIUS, multis scriptis clarus, ex eo monasterio ad sedem Veronensem, anno 928. ut Sigebertus docet, translatus fuerat: qui cum deinde Veronæ valedicere, & monastica aliquando claustra repetere cogeretur, Descriptionem illam, simul cum ichnographia civitatis nostræ minio depicta, Lobiam per tulit. Ea quidem membrana, necnon ichnographia,

graphia , quæ historiæ Veronensi maximo adiumento esset , anno 1713. per fratrem meum , Namurcensi tunc Provinciæ Præfectum , operam dedi , ut summa diligentia perquirerentur ; Abbatia siquidem Lobienſis vix decem aut duodecim horarum iter ab Namurco abest : verum irritò conatu , multumque conquerentibus Patribus , plures codices vel surreptos fuisse , vel ab iis , qui utendos acceperunt , minime redditos . Cum Mabillonii Analecta vetera , quorum tomo primo rhythmicum id monumentum insertum est , in Italia perquam raro occurrant , eius exemplar , quod fideliter olim exscripsi , ad te mitto : mirum est quam iuvet historiæ nostram .

Magna , & præclara pollet Urbs hæc in Italia , in partibus Venetiarum , ut docet Isidorus , quæ Verona vocitatur olim antiquitus .

Per quadrum est compaginata , murificata firmiter , quadraginta , & octo Turres præfulgent per circuitum : ex quibus octo sunt excelso , quæ eminent omnibus .

Habet altum laberintbum , magnum per circuitum , in qua nescius egressus non valet egredi , nisi igne lucernæ , vel a filo glomere .

Foro lato spacioſo sternuto lapidibus , ubi in quatuor cantus magnus instat forniceps Platea miræ sternutæ defectis lapidibus .

Fang

Fana tempora constructa ad Deorum nomina Lunæ, Martis, & Minervæ, Iovis, atque Veneris, Saturni, sive Solis, qui præfulget omnibus.

Et dicere lingua non valet huius Urbis schemata: intus nitet, foris candet circumseptæ laminis, in ære pondos deauratos metalla communia.

Castro magno, & excelsso, & firma pugacula, Pontes lapideos fundatos super flumen Adefis, quorum capita pertingunt in orbem ad Oppidum.

Ecce quam bene est fundata a malis hominibus, qui nesciebant legem Dei, nova atque vetera simulacra venerabant, lignea lapidea.

Sed postquam venit plenitudo temporum, incarnavit Deitatem nascendo ex Virgine, exinaniuit semetipsum, ascendit patibulum.

Inde depositus ad plebem Iudæorum pessimam, in monumento conlocatus, ibi mansit triduo, inde resurgens cum triumpho, sedit Patris dextera.

Gentilitas hoc dum cognovit, festinavit credere, quare ipse Deus Cæli, Terræ conditor, qui apparuit in Mundo per Mariæ uterum.

Ex qua stirpe processerunt Martires, Apostoli, Confessores, & Doctores, & Vates Sanctissimi, qui concordaverunt Mundum ad fidem Catholicam.

Sic

Sic factus adimpletus est sermo Davidicus,
quod Cæli clariter enarrant gloriam Altissimi
a summo Cælorum usque Terræ terminum.

Primum Verona prædicavit Euprepus Episco-
pus, secundus Dimidrianus, tertius Simplicius,
quartus Proculus Confessor, Pastor egregius.

Quintus fuit Saturninus, & sextus Lucili-
us, septimus fuit Gricinus Doctor, & Episco-
pus, octavus Pastor, & Confessor Zeno Mar-
tir inclitus.

Qui Veronam predicando reduxit ad Baptis-
mum, a malo spiritu sanavit Galli filiam, bo-
ves cum . . . vergentem reduxit a pelago . . .

Et quidem multos liberavit ab hoste pestife-
ro . . . Non queo multa narrare huius sancti
opera, quæ a Syria veniendo usque in Italia,
per ipsum omnipotens Deus ostendit mirabilia.

O felicem te Verona ditata & inclita, qualis
es circumvallata custodibus sanctissimis, qui te
defendant, & expugnent ab hoste nequissimo.

Ab Oriente habet primum Martyrem Ste-
phanum, Florentiam, Vindemialem, & Mau-
rum Episcopum, Mammam, Andronicum &
Probum cum quadraginta Martiribus.

Deinde Petrum & Paulum, Iacobum Apo-
stolum, Præcursores & Baptistam Iohannem,
& Martyrem Nazarium, una cum Celsa, Vi-
ctore, Ambrosio.

Inclitos Martires Christi Gervasium, &
S Protasium.

Protasium, Faustinum atque Iovitam; Eupolum Calocerum, Domini matrem Mariam, Vitalem, Agricolam.

In partibus meridianis Firmum, & Rusticum, qui olim in te susceperunt coronas Martirii; quorum corpora ablata sunt in Maris Insulis.

Quando complacuit Deo Regi invisibili, in te sunt facta renovata per Hannonem Præsulem, temporibus Principum Regum Desiderii, & Adelchis.

Qui diu moraverunt sancti non re versi sunt, quorum corpora insimul condidit Episcopus aromata, & galbanen, flacten, & argoido, myrrha, gutta, & cassia, & thus lucidissimus.

Tumulum aureum coopertum circumdat praconibus, color stritus mulget sensus hominum: modo albus, modo niger inter duos purpureos.

Hec, ut valuit, paravit Hanno Præsul inclitus, per cuius flamma claret de bonis operibus ab Austræ finibus terræ usque nostri terminus.

Ab occidente custodit Sixtus & Laurentius. Hippolitus, Apollinaris, duodecim Apostoli Domini, magnus confessor Martinus sanctissimus.

Iam laudanda non est tibi urbis in Axonia, splendens, pollens & redolens a Sanctorum corpora, opulenta inter centum sola in Italia.

*Nam te conlaudant Aquilegia, te conlaudant
Mare*

Mantua, Brixia, Papia, Roma, simul Ravenna, per te portus est undique in fines Liguria.

Magnus habitat in te Rex Pippinus piissimus, non oblitus pietatem aut rectum iudicium, qui bonis agens semper cunctis facit prospera.

Gloria canamus Deo regi invisibili, qui talibus te adornavit floribus mysticis, in quantis & resplendes, sicut solis radiis.

Viden, ubi Pastores prisca recensentur, quam diversa serie?

Anonymus.

Ughellius.

Euprepus.

Euprepus.

Dimidrianus.

Cricinus.

Simplicius.

Agapius.

Proculus.

N. incompti nominis.

Saturninus.

Saturninus.

Lucilius.

Lucilius.

Gricinus.

Diomidianus.

Zeno.

Zenon.

Proculus.

At cum Ughellius, tum Historici nostri, elenchorumque confarcinatores, ubi pedem figant, non habent, nec antiquum testem proferunt, nec monumento nituntur ullo. Qui ante annos aliquot Ordini Veronensi Episcoporum historiam adiecit, Dimidrianum sextumdecimum statuit, Saturninum decimumquartum, Lucilium, seu Lucillum

decimumoctavum; quo fundamento si exquiras, nihil est quod afferatur. De Agapio inscriptionem proferunt, quam proximis seculis compactam quis primo intuitu non agnoscat? Mihi ergo nec vetustius, nec sincerius documentum usque in hanc diem reperti piaculum videretur, ab Anonymi traditione recedere: præcipue cum & secundus testis adsit, qui annis plusquam ducentis huius argumenti scriptores cæteros antecessit; nempe Ioannes Ecclesiæ Veronensis Diaconus, qui in Imperiali, quam exaravit, Historia nunc deperdita primos octo Veronensium Præsules iisdem nominibus, ac eodem prorsus ordine recitabat, ut ex Panvinio Antiq. Veron. lib. 4. c. 3. discimus, qui eam Chronicam legerat.

Tempus autem, quo isti sederint, statuere, non ita in promptu est: propterea multorum Veronensium Antistitum, *quorum tam gesta, quam tempora incomperta sunt, nuda nomina ordine alphabetico* descripserat Panvinus ibid. lib. 4. c. 7. quamvis post hæc ipsa verba diversa prorsus methodo postumi operis editores seriem adiecerint, & arbitrio suo concinnarint. Trium tamen ex his ætatem deprehendo, unde & cæterorum coniiicere, atque arguere liceat; S. Proculi in primis, qui Firmi, & Rustici martyrio inter-

interfuit, ut ex illorum actis liquet apud Mombrinium tom. 1. pag. 283. quæ non est cur respuamus, etiamsi alicubi interpolata. Non recensuit quidem Ruinartius, at multa prætermisit ex genuinis. In Læctionario optimæ notæ, & non vulgaris vetustatis Canonorum codice ipsa eadem non semel legi. Anno igitur ccciv. quo sancti Martyres sub Maximiano Herculeo passi sunt, huic gregi Proculus præerat; cuius antiquum Epitaphium (cum, inscriptiones aliæ, quæ de his octo Episcopis celebrantur, recentioris ævi sint singulæ) Pario marmori insculptum, & in eius Ecclesiæ confessione superstes accipe. Vulgatum est sæpius, nunquam tamen satis exacte. Gruterus pag. 1058. duo carmina rite concinnans, ut metri rationem haberet, veritatem neglexit; aliquanto melius exhibuit Panvinus non uno tamen loco & ipse deflectens. Verba nullo distinentur intervallo.

HIC CITO CONSENI IAM ME PRE
CEDET LONGIOR AETAS ✠
VIVAMQUE DIV MELIORI
BUS ANNIS PROCVLI EPI
CORPVS ET SANCTORUM MAR
TYRVM COSME ET DAMIANI
SEDET CONFESSORES MARTINI
REL:QVIAE QVIESCENT IN PACE

Ætas

Ætas Lucilli facilius constat , cum anno CCCXLVII. Sardicensi Concilio subscripserit . Neque S. Zenonis incomperta est , cum liqueat ex D. Ambrosii Epistola ad Syagrium Veronensem Episcopum data , non multo ante id temporis sedisse ; sacratam enim Virginem , de qua agebatur , *Zenonis sanctæ memoriæ iudicio probatam* docet Ambrosius Epist. 1. lib. 6. *eiusque sanctificatam benedictione* . Scio Baronium (in Adnotationibus ad Martyrologium) quem deinde nostri , ipseque Ughellus gregatim sequuti sunt , hinc populi Veronenſis de S. Zenonis ævo opinionem veritum , hinc Ambrosii testimonio victum , ut omnia componeret , duos huius nominis Præsules nobis tribuisse : at refragantibus Ecclesiæ nostræ , in qua de Zenone altero nihil auditum fuerat umquam , monumentis , vetustisque membranis a me excussis , ac tot seculorum traditione . Quæ de tertio seculo percrebuit opinio , ab ea S. Zenonis vita fluxit , quam Coronatus quidam notarius adornavit , edidere Mombrinius , deinde Ughellus corrupte , postremo Henschenius , & Papebrochius : in ea scilicet Gallieni tempore Pastor noster floruisse traditur ; sed documentum illud aut mendis scatet , aut secus intelligendum . Rhythmica Descriptio nuper allata S. Zenonem a malo spiritu fuisse Gal-

li

li filiam præfert . Potuit quidem eo nomine & Gallienus indicari , ut ex quibusdam actis colligo : potuit tamen & privatæ sortis homo ; nulla enim adstat Augustei , vel Cæsarei fastigii nota . Gallienum suum Coronatus *Regem* appellat , eiusque *regalem coronam* memorat , quæ Romanorum Imperatori minime aptantur . Imperatorem connotarent equidem prima post procæmium apud Ughellum verba , *temporibus Gallieni* ; at insititia sunt , quapropter minime habentur apud Mombritium melioribus , ut solet , codicibus usum . Regulum quemdam innui suspicatur Papebrochius , eoque maxime quod in Misfali Ambrosiano habeatur , *filiam Gallieni Principis* . Ad viri docti suspicionem roborandam ea Vitæ verba perpendantur : *non egrediar de corpore isto , nisi Zenon Episcopus venerit* , illaque ; *tunc ex iussu Regis milites pergunt ad virum Dei* , ille enim sedebat super lapidem : quibus aperte indicatur a loco , quo puella consistebat , & vexabatur , Zenonem brevi intervallo absuisse . Clarius iterum , quæ sequuntur : *Exurgens autem S. Sacerdos fecit orationem , perrexitque ad Palatium , ubi cruciabatur Rex* . Quis enim hominem longum iter ingredientem *ad Palatium* pergere dixisset ? Memini , cum hæc aliquando perlegerem , succurrisse mihi , in Antonini

Itinerario inter Tridentum & Veronam, ab ista M. P. XXXVI. *Palatium* collocari. Num ibi Regulus aliquis, Gallienus nomine, Rhætorum montibus imperitans tunc commorabatur? Quicquid sit de his, nulla satis solida ratio est, qua ad duos Zenones comminiscendos impellamur, cum & Pastoris nostri Sermones, quorum non exiguam partem, doctissima Criticorum natione universa nequidquam adversante, alibi Deo favente tuebor, quarti seculi Scriptorem sæpius prodant. Quid autem apertius iis verbis in Sermone de Continentia, quibus prima Christianorum tempora *ante annos ferme quadringentos* diserte docet fuisse? posteriores quidem editiones, quod incredibiliter averfor, falsaverunt hunc locum, pro *quadringentos*, reponentes *ducentos*; at perperam, & reluctante cum Mss. omnibus principe editione, quæ apud me est, an. 1508. Venetiis adornata. Constat ergo, sicut D. Proculi, & Lucilli; ita S. Zenonis ævum in aperto esse; ex quibus quinque aliorum tempus satis firma coniectura assequi possumus. Doleo profecto, acceptiora me Clero nostro loqui haud potuisse; cum scilicet ante Proculum, adeoque ante quartum seculum, tres tantum Episcopos videamus, de fide Apostolicis temporibus in hac urbe sata, deque

que Euprepio a D. Petro Apostolo huc misso, rumor ruit omnis. At veritati, ut hæcenus præstiti, ita & in posterum *dum spiritus hos reget artus*, unice litare mihi constitutum est. Populares fabellæ, nec non Historiolæ decimosexto ut plurimum seculo concinnatæ, cuiuslibet fere Italiæ civitatis Pastorem primum ab Apostolorum ævo, ipsisque Christianæ fidei incunabilis arcessunt, seriemque Episcoporum mirificam, nec interruptam perbelle ædificant: quam plures tamen fuisse ex his civitatibus, in quibus ante tertium seculum Episcopi nomen nec sit auditum, rerum ordinem, & tempora perpendenti constabit; neque enim Christiana religio in omnibus illico universæ Italiæ municipiis celebrari potuit, ac radices agere. In nostra certe, quæ cæteras huius tractus urbes frequentia, opibus, splendore, dum res Romana stetit, antecellebat omnes, ut nupero libello satis ostendi, quarto iam ineunte seculo S. Proculus *propter metum Paganorum cum paucis Christianis non longe a muro civitatis latitabat*, ut SS. Firmi & Rustici Acta docent; & eodem demum seculo inclinante S. Zeno Veronam *predicando reduxit ad baptismum*, ut Anonymus memorat, hoc est, maiorem populi partem ad bonam frugem traduxit.

Quod

Quod attinet ad nondum agnitos, eruendos Præsules, mirum quidem videri possit post tot indagines quemquam adhuc latere; multo enim magis peccatum est in intrudendis pluribus, quam in prætermittendis. Duos tamen suggeram. Inter Scriptores rerum Brunsvicensium, quos collegit Leibnitius, Catalogus extat eorum, qui e Goslariensi Canonorum Congregatione ad Episcopalem sedem evecti sunt. Vilhelmus in his numeratur Præpositus XI, deinde Veronensis Episcopus, quem nemo adhuc noverat. Floruit ea Congregatio sub Henricis III. IV, & V. Inter Dietboldum forte, & Aldegerium, quibus Perettus duos interserit ab Ughello reiectos, Vilhelmus iste collocari possit. Episcopus alter, quem profero, nullis typis nomen dedit unquam; erui siquidem ex Ms. libro Missali pulcherrimo, inter Bibliothecæ Capitularis vetustissimas, sed laceras, semefas, ac discerptas membranas integro, atque incorrupto. In eo magnæ hebdomadæ recensetur Ordo: ad benedictionem cerei: *precamur ergo te, Domine, ut nostrum populum, una cum Papa nostro illo, & gloriosissimo Rege nostro Ottone, nec non & venerabili Antistite nostro Volfkango, &c. qua prece Volfangus noster ab oblivionis tenebris emergit, catalogis adjiciendus in-*
postea

posterum. Quo tempore Ecclesiam nostram rexit, investigandum est. Sub Ottone IV ægre crediderim, cum liber altiore prodatur ætate. Alamannicum quoque nomen, & genus superiorem ætatem subindicant, cum a XII ingressa seculo ex canonica Cleri Veronensis electione indigenæ ut plurimum prodierint Episcopi. Mea vero sententia ex iis, *Rege nostro Ottone* ab æn. 983. ad 996. tempus designatur; nam cæteroquin Ottonis nomen sine Imperii titulo nequaquam afferretur; at illo temporis intervallo vacavit Imperatoria dignitas, & Otto III. corona, atque insignibus a Gregorio V. nondum acceptis, Rex tantum dictus. Eidem spatio temporis Volfangum nostrum assignabimus, quem intrusum fuisse, sunt qui suspicentur: sedisse tamen vetustus, & magnificus, quem appellavi, Veronensis Ecclesiæ Missalis liber evincit. Ecclesiastica eius seculi, eiusque præcipue periodi historia nostra valde incipiti est, quod ipse animadvertit Ughellius. Extricarem, ut sperabam, nisi tabularium Capitulare non multis ab hinc annis gravissimas ob causas repente obsignatum fuisset, ac nulli hominum reſeratum amplius. Inter Veronenses a nobis hætenus minime recensitos Antistites Nottingus quoque numerandus videbatur, ad quem Rabanus Mau-

Maurus Epistolam dedit de Prædestinatione
adversus Gottescalcum; Veronensis enim di-
citur in eius Epistolæ editione a P. Sirmundo
procurata: sed virum doctissimum erronea
quædam inscriptio fefellit, nam Brixianæ
Ecclesiæ Nottingum præfuisse constat, quod
etiam V. Cl. Paullus Galeardus, quem hono-
ris causa nomino, in notis ad Ughellum
tom. iv. nuper patefecit. Hæc habui, Cole-
ti amicissime, quæ de antiquioris ævi Præ-
sulibus nostris, ac de nondum detectis
proferrem. Cura ut valeas.



Huiusmodi Operis revisionem commit-
timus Domino Abbati Antonio Ma-
riæ de Salvinis Græcarum Literarum in pu-
blico Studio Florentino Lectori &c. & si
aliquid contra bonos mores, & contra Ca-
tholicam Rom. Ecclesiam reperiatur, nobis
referat. Datum die 17. Martii 1720. ab
Incarn.

Horatius de Mazzeis Vic. Gen.

Illustriss. ac Rev. Domine.

Hiscæ Complexionibus, seu Brevibus Scho-
liis Cassiodorii Senatoris in Epistolas Di-
vi Pauli, Catholicas, Acta Apostolorum,
& Apocalypsin, perlectis, quæ e vetustissi-
mo Codice Veronensi eruta, publicam lu-
cem videre concupiscunt, una cum Adno-
tationibus doctissimi Viri Scipionis Mar-
chionis Maffei, nihil in iis reperi, quod
nostræ sanctæ religioni, aut bonis moribus
adversetur. Ex ædibus meis. die xviii.
Martii anno ab Incarnato verbo 1720.

*Antonius Maria Salvinus, publicus in
Patrio Lyceo Græc. litterarum Professor.*

Attenta supradicta relatione imprimatur.

Horatius de Mazzeis Vic. Gen.

Ex

Ex Commissione Reverendissimi Patris
Magistri Vincentii de Comitibus Inquisito-
ris Generalis S. Officii Florentiæ admo-
dum Reverend. Pater Magister Iulius An-
tonius Maria Roboredo Ordinis Servorum,
publicus in Florentina Universitate Contro-
versiarum Lector, & huius Sancti Officii
Consultor Theologus, videat hoc opus, quod
dicitur: Cassiodorii Senatoris Complexiones
in Epistolas Apostolorum &c. & referat an
publicæ luci donari possit. Dat. in S. In-
quisitione Florentiæ xi. Kalendas Aprilis
1721.

*F. Antonius Maria Brembati de Bergamo
Min. Conv. Sancti Officii Provicarius.*

Reverendissime Pater.

M. Aurelii Cassiodori Complexiones in
Epistolas D. Pauli, Canonicas, Acta Apo-
stolorum, & Apocalypsin, quas longa obli-
vione sepultas e ruinis vetustatis eruit, illu-
stravit, ac restituit literariæ Reipublicæ
summa diligentia Clarissimi Viri Marchionis
Scipionis Maffei, dignas iudico quæ in lu-
cem nunc prodeant, ut, quod olim opta-
bat magnus ille Ecclesiæ Doctor Chryso-
stomus, Pauli Epistolæ ad manus omnium
deferantur, & Apostolorum gesta studiosius
lc.


legantur . Datum in Conv. D. Annunciatae
die 22. Mensis Martii 1721.

Fr. Iulius Antonius Maria Roboredo Ordinis Serv. B. M. V. in Universitate Florentina Sacrae Scripturae , & Controvers. Lector , Sancti Officii Consultor , &c.

Attenta praedicta attestatione imprimatur.

F. Antonius Maria Brembati Provicarius S. Officii Florentiae.

Pb. Bonarota Sen. R. C. Aud.



1. The first of these is the
 fact that the number of
 cases of the disease has
 increased in the last few
 years.

Another important fact is
 that the disease is now
 spreading to other parts of
 the country.

It is therefore clear that
 the disease is becoming more
 common.



2.

4. 6. 567

283

4.6.567



005651040

